



ARISTOTELIS DE CAELO LIBRI IIII.

*Ioachimo Perionio interprete : per Nicolaum
Grouchium correcti & emendati.*



LV TETIÆ PARISIORVM

*Apud Viduam Mauricij à Porta, in Clauso Brunello,
ad D. Claudij insigne.*

1554.

R/3.017

A. K. I. S. T. O. T. H. E. L. L. I. S.
B. B. C. A. F. E. O. L. I. B. R. I. I. I. I.

Incipit Poenitentia interpretata : per Nicolaum
Grenoblium correcti & emendati.



UNIVERSITATIS PARISIENSIS
BIBLIOTHECA MANSUECI & PORTA, in Classe Brunello,
ad D. Claudij insigne.

1574.

SAPIENTISSIMO ET CLARISSIMO
 medico Vincentio Mustelio Gulielmus
 Guerenteus S. D.

Philosophia rerum omnium, quæ ratione & disciplina constant, meditatio, & exercitatio, medicorum sapientissime Musteli, præclara quidē res est, quod vel nomine ipso intelligitur: sed multo magis, qui rem ipsam paulo attentius perpendit, & animo contemplatur, ita esse perspicit. Nam ut omniam reliquas eius partes, in iis quæ ad societatem hominum, moresque præcipuè pertinent, positas: nihil est in cælis tam occultum, nihil in terra tam abditum, quod non illa eruat, & in lucem proferat. quocumque verò sensus nostri pervadunt, ita omnia perlustrat, naturam, causas, facultates, vires, usum denique ipsum: nihil ut mirabilem eius vel prudentiam, vel sagacitatem possit fallere: atque adeò natura æmula, cum ea contendit, ne plus artis illa in condendo quàm ipsa industria in cognoscendo posuisse videatur. Nobis verò ea suppeditat, in quibus recolendis si operam collocemus, suavissima, utilissimæque rerum contemplatione, vitam fœlicissimam nobis constituemus. Hac tanta diuinæ erga nos liberalitatis materia, qua nihil homini in hac vita præclarius datum est, nescio quo modo prava quadam hominum nostrorum opinione spreta, & veluti inculta iacet. Qui dum sibi compendio ad honores, quos vocant, re vera, ad opes, viam quærunt, sic hanc prætereunt, ut ne congressu quidem dignari videantur: non tam ipsius dedecore, quàm eorum calamitate, à quibus sui contemptus gravissimas pœnas, perpetua ipsorum mentis cecitate exigit. Neque enim ex hominum studio, ornamenti quicquam philosophiæ accedit. sua est illi, & propria dignitas: quæ nec hominum studio augetur, nec contemptu minuitur. Nam quæ verè bona sunt, suis firma sunt præsidia, ex se, non aliunde opem petunt: nec, veluti fortunæ ludibria, opinione hominum studioque nituntur. Itaque qui philosophiam negligit, nō tam ipsi facit iniuriam, quàm se in perpetuas ignorationis latebras coniicit: efficitque, ut, quanuis gradu, & ordine excellere videatur, nihilo tamen sit infimæ sortis hominibus præstantior. Cuius licet, ut ait poëta, superbus ambulet pecunia, fortuna non mutat genus. Multo minus potest innatam menti stupiditatem, inertia corroboratam immutare, & corrigere. Id in plerisque videre licet, qui fastu & ornatu omnium oculos in se conuertunt: comitatu vias complent: quos tamen, si penitus inspicias, ut lepide dixit quidam, nihilo sunt mulis, quibus vehuntur, sapientiores. Quod & si pudendum, & nobilitate mentis humanæ indignissimum, in iis tamen ferendum est, qui pecunia contenti, imbecillitatis suæ conscy, ignorantiam suam rebus agendis non immiscent: sed eas viris industriis curandas, & tractandas relinquunt. Medicum verò naturæ ministrum, & imitatorems quis ferat, aut esse putet, qui eius disciplinæ, qua naturæ obscuritas explicatur, rerumque omnium, quibus uniuersa medendi ratio continetur, principia, &

A. 4.

causas ignoret? Non est meum quenquam verbis perstringere: sua unumquem-
 que conscientia satis admonet: & summus medendi artifex, & magister Ga-
 lenus, qui negat quenquam medicum esse, qui non philosophus. quod etsi ab eo
 de uniuerso philosophandi genere dictum sit: tamen ea pars medico præcipue
 necessaria est, unde, ut idem ait, tanquam ex fonte, medicinae principia hau-
 rienda sunt. Quæ cum tam latè pateat, ut iisdem, quibus natura rerum omnium
 opificis vis, & potentia finibus terminetur, sapientissimi eius interpretes, &
 professores, in tres vel gradus, vel ordines, vel etiam partes eam distinxerunt.
 Prima est, de natura, rerumque principiis: cuius materia est ens, ut dici solet,
 mobile: unde est illa cõmunis de motu, & rebus ad motum pertinētibus dispu-
 ratio. Altera, iam circa corpora, sed vel simplicia, vel mixta, ut vocat, imper-
 fecta versatur: cuius est, si Auicenna, & Auerrhoi credimus, de elementis, de
 temperamentis, & similibus rebus, non medicina propria contemplatio. quibus
 tamen tanquam certis, & demonstratione confirmatis, pro principiis artis sua
 medicus utitur. Hanc partem in scholis naturalē philosophiam, eiusque artifi-
 cem, naturalem philosophum vocant: ut superioris, physicum: nominibus non
 tam rerum differentiam, quàm earum distinguendarum studium interpretum
 significantibus. Tertia verò in corporibus ipsis, quæ composita, & verè entia di-
 cuntur, posita est. sed eius finis in homine est: cuius etiam causa cetera omnia
 condita esse credimus. Hac ab ipsa medicina solo fine & contemplationis ordi-
 ne differt, aut, si verum fatendum est, ipsa est medicina, quæ, ut reliquis usu &
 amplitudine antecedit, ita ordine, & contemplationis subtilitate illis est infe-
 rior. Ex quibus intelligi potest, quàm falso medicinae nomen usurpent, qui in
 hanc præcipue philosophiæ partem nihil laboris & operæ contulerunt: sed ea
 praxi, quam vocant, contenti, à rebus, quas aggrediuntur, ἀπρακτοὶ discedunt
 ἢ τῆς ἰατρῶν κακοπραξίας, τῶν νοσούντων θάνατον, ἢ ἀεπάθειαν, σημεῖον φανερότατον:
 ἢ, εἰ τοῦτου τοῦ ὀνόματος ἐφίενται, πρακτικότερα καταλείψουσι. Eos homines scio quàm
 topere detestari soleas: à quibus tam agendi modo dissides, quàm sententia dis-
 similitudine es alienus. Itaque cum in manibus haberem libros Aristotelis de
 Cælo, quibus medicinae principia continentur, à Io. Ferionio antea in Latinum
 conuersos, & à Grouchio diligentissimè emendatos: curarémque, ut in commu-
 nem utilitatem ederentur, visum est mihi, ut tibi, medico clarissimo, eos dedi-
 carem. Accessit priuata causa, singularis tua erga me voluntas, & mei au-
 gendi, ornandique perpetuum studium: pro quibus, & presentis, & futura, si
 qua unquam mea industria futura est, fructum tibi deuoueo, & dico. Vale.

Ari-



ARISTOTELIS DE CAELO

Liber Primus.

Natura quidem ratio & scientia in corporibus ac magnitudinibus, eorumque & affectionibus & motibus, & præterea in principiis quæ huius talis nature essentiaque sunt, tota ferè cernitur. Eorum enim quæ natura constant, partim sunt corpora & magnitudines, partim corpore sunt & magnitudine prædita: alia vero principia sunt eorum, quæ illa habent. Ac continuum quidem est, quod diuiduum est in ea, quæ semper & infinite diuidi possunt: corpus autè id quod omni ex parte secari potest. Magnitudinum verò ea quæ in unum diuidi potest, linea: quæ in duo, extremitas aut planum: quæ in tria, corpus dicitur. Nec verò præter has alia est magnitudo, propterea quòd tribus omnia continentur, & ter omni ex parte dicitur. Vniuersum enim, & omnia, tribus, quemadmodum Pythagorei tradunt, determinata sunt: quandoquidem finis, medium ac principium vniuersi ac totius numerum complectuntur, quæ eadem illum ternionis continet. Itaque quòd à natura quasi leges illius accipimus, in deorum etiam sacrificiis hoc numero utimur. Quinetià appellandi rationes eodem modo attribuimus. Nã duo ambo, duosque ambos vel vtrumque dicimus, omnes non dicimus, sed hoc nomen ad tres primùm accommodamus. Hæc autem, vt dixi, quòd natura ipsa ita inducit, sequimur. Ita quoniam omnia, vniuersum, & quod perfectum est, non specie inter se differunt, sed materia tantum & iis de quibus dicuntur, si fortè differant: profectò corpus solum perfecta erit magnitudo, quippe quod unum tribus determinatum finitumque sit, in quo vniuersi ratio consistat. Cũ autem tribus modis diuidi possit, quaqua versus diuiduum est: aliarum

A.ij.

Verò magnitudinum quædam vna ex parte, alia ex duabus. Vt enim numerum assecutæ sunt, sic etiam diuisionem atque continuationem. Alia enim vna ex parte continua est, alia ex duabus, quædam omni ex parte talis est. Omnes quidem magnitudines diuiduæ, continuæ etiam sunt, & coherentes partes habent. An autem continuæ omnes secari possint, nondum ex his quæ modò dicta sunt perspici potest. Sed illud perspicuum est, corpus in aliud genus, vt longitudinem in latitudinem, aut latitudinem in corpus, nõ posse transferri: neque enim perfectæ & absoluta iam esset talis magnitudo: præsertim cum necesse sit illum à natura discessum ex eo quòd aliquid desit, existere, & ei quod perfectum est, quoniam omnibus suis numeris & partibus est absolutum, nihil deesse possit. Ac singula quidẽ corpora quæ in partis specie habentur, quòd ad rationem corporis attinet, huiusmodi sunt. Omnes enim habent dimensiones: sed eius quod proximũ est, tactu definiuntur, ideòque corporum vnumquodque quodam modo est multa. Vniuersum autem & totum cuius hæ sunt partes, perfectum sit necesse est, & quemadmodum nomen significat, omni ex parte, non quadam ex parte absolutum, ex altera autem inchoatum. Ac de vniuersi natura, vtrum magnitudine infinita & immensa sit, anne finita tota post videndum erit. De eius autem partibus, quæ species efficiunt & cõplent, nunc hoc ducto principio, dicamus. Omnia enim corpora, & magnitudines, quæ natura constant, per se loco moueri posse dicimus. Naturam enim eis censemus principium motus ac fontem esse. Motus porrò omnis, quo per locum quid mouetur, quam $\Phi\omicron\epsilon\acute{\omicron}\nu$ vocamus, aut rectus est, aut in orbem circumque fertur, aut ex his mixtus & concretus est. quoniam hi duo soli sunt simplices. Id causæ est, quòd hæ etiam magnitudines simplices solæ sunt, recta, & rotunda linea. Ac is quidem in orbem fertur, qui circum medium voluitur, rectus qui in sublime, deorsumque fertur. In sublime autem ferri dico eum qui à medio, deorsum verò eum qui in medium fertur. Ita necesse est motum omnem simplicem alium à medio, alium in medium, quendam circum medium ferri. Id quod iis quæ initio dicta sunt, esse consentaneum videtur. Nam & corpus tribus absolutum est, & eius motio. Quoniam autem corporum alia simplicia sunt, alia ex his concreta (simplicia autem

vaca

Cap. 2.

voco ea, quæ motus principium habent natura, vt ignis, vt terra, eorúmque genera, & quæ eiusdem quo hæc, sunt generis:) motus etiam alij simplices sint, alij mixti quodam modo necesse est, ita tamen, vt simplicium simplices sint, mixti autem eorum quæ concreta sunt, quæ eadem moueantur eo quod in illis dominetur & vincat. Quòd si motus simplex, in rerum natura est, simplex autem is est, qui in orbem incitatur, & simplicis corporis simplex motus est, & motus simplex simplicis corporis (si enim concreti sit, ex eo quod superat erit) corpus aliquod simplex sit necesse est, quod suapte natura eo motu qui circum medium fertur cieatur. Vi enim alio atque alio cieri est, natura non potest, si quidem vnicuique simplicium corporum natura vnum motum attribuit. Præterea si motus qui alienus est nature, ei qui naturalis est, repugnat, & vnum vni contrarium est, necesse erit eum motum qui in orbem fertur, quoniam simplex est, nisi sit nature corporis quod mouetur, accommodatus, ab illius natura abhorrere. Si ergo ignis aut aliquid aliud eorum quæ sunt eiusdem generis, in orbem feratur, contrarius erit motus eius naturalis ei qui in orbem circumque voluitur. At vnum vni contrarium est: & motus qui ad superiora fert, ei qui deorsum, repugnat. Sin aliud est corpus quod in orbem contra naturam incitetur, aliquis erit alius motus eius nature accommodatus: quod fieri non potest. Si enim is est qui ad superiora fert, ignis erat aut aër: si is qui ad infimum locum, aqua vel terra. Atque etiam primus sit hic talis motus necesse est. Quod enim perfectum est, eo prius est natura quod imperfectum est & inchoatum. At circulus perfectus est, recta autem linea, nulla: quoniam nec infinita quidem & immensa est perfecta, finem enim & terminum haberet. Nec vlla finita: abest enim aliquid omnibus, quippe cum quæuis augeri produci que possit. Ita si motus prior antiquiori nature ordine corpori tributus est, & is qui in orbem fertur, recto prior est, & is quo aliquid rectis lineis mouetur, simplicium est corporum (ignis enim rectis lineis superiora capeffit, terrena autem pondere suo deorsum mouentur ad medium) conuersio etiam alicuius simplicium corporum sit necesse est. Motum enim eorum quæ ex pluribus natura iuncta sunt, ab eo simplici corpore quod maiorem vim in concreto haberet, dicebamus euenire.

A.iiij.

Ex quibus perspicuum est, naturam quandam esse corporis præter eas quæ hîc sunt, quæ his omnibus & diuiniore sit, & prior. Quòd si quis etiam hoc sumat, motum omnem aut naturalem esse, aut naturæ alienum: & qui alicuius naturæ sit alienus, alteri naturalem esse: quod quidē fit in eo qui in sublime fert, & in eo qui deorsum, quorum ille igni, ille terræ tum naturalis est, tum non naturalis: necesse est etiam eum motum qui circum medium feratur, quoniam his est non naturalis, alicui alij naturalem esse. Præterea si natura motum eum qui in orbem voluitur, alicui tribuit, perspicuum est corpus esse quoddam eorum quæ simplicia & prima sint, quod ut ignis in sublime, & terra deorsum fertur, sic illud in orbem natura sua incitetur. Quòd si contra naturam feruntur ea quæ circum medium torquentur, profectò mirum est, & omnino absurdum, hunc vnum motum qui sit & continuus & perennis naturæ alienum esse: præsertim cum in aliis rebus ea quæ contra eorum naturam sunt, celerrimè interrire ac concidere videantur. Ita si ut nonnullis placet, ignis est qui ita fertur, nihilominus eius naturæ alienus esset hic motus, quàm is quo deorsum ad medium mouetur. Ignem enim supera rectis lineis petere videmus. Quocirca si quis ex his omnibus argumentum ducat eaque consideret, is profectò intelliget, esse præter hæc vsitata corpora quoddam aliud seiunctum ac secretum, quòd eo præstantiore natura præditum sit, quo longius ab his nostris remotum est. Quoniam autem eorum quæ diximus, alia posita sunt, alia demonstrata, perspicuum est, non omni in corpore gravitatem aut leuitatem inesse. Ponendum est autem quid graue, & quid leue dicamus, nunc quidem quantum satis sit ad id quod agimus, accuratius autem post, cum de eorum natura & essentia disputabimus. Sit igitur id graue quod natura vi ad medium mouetur: leue autem id quod à medio. Grauißimum id quod omnibus quæ deorsum ferantur, substernitur: leuißimum id quod omnibus quæ supera capeßunt, extat & eminent. Necesse est quidem omne quod vel in sublime, vel deorsum feratur, aut leuitate, aut gravitate, aut utroque esse præditum, sed non cum eodem comparatum. Grauia enim & leuia sunt cum inter se conferuntur: ut aër cum aqua, & aqua cum terra. Quod igitur corpus circum medium versatur, in eo nec gravitas vlla, nec leuitas esse

Cap. 3.

esse vlllo modo potest. neque enim natura, nec contra naturam, vel ad medium, vel à medio moueri potest. Nam motus quo recta linea feratur, ei à natura tributus nõ est, vnus enim vnus cuiusque simplicium dictus est esse. Ita erit idem quod aliquod eorũ quæ eo motu fieri diximus. Si verò contra naturam feratur, & is quo deorsum fertur sit contra naturam, is quo supera petet, naturalis erit, & si præter naturam sit iste, naturalis erit ille. Posuimus enim contrariorum quorum vnus alienus naturæ esset, naturalem esse alterum. Quoniam autem eodem & totum & pars vt tota terra & parua gleba, mouentur suapte natura, fit primùm, vt nec leuitate id corpus, nec grauitate sit præditum: aut enim ad medium natura sua, aut à medio moueri posset: deinde vt moueri non possit, ad summũ locum, nec ad infimum. Neque enim fieri potest, vt ipsum aut pars vlla illius alio motu natura aut contra naturam cieatur, præsertim cum eadem sit totius & partis ratio. Eodemque modo consentaneum est illud ipsum & ortus expers esse & interitus & accretionis, & commutationis, quòd omnia quæ oriuntur, ex contrario & subiecto quodam oriantur: & contra, subiecta aliqua materia, & in contrarium occidant: quemadmodum in primis disputationibus dictum est. At contrariorum motus etiam sunt contrarij. Si ergo huic nihil contrarium esse potest, propterea quòd motu etiam qui in orbem circùmque fertur, motus nullus aduersetur, rectè natura id quod originis & interitus expers futurum erat, ex-misse ex contrariis videtur: quandoquidem ortus & interitus in contrariis cernuntur. Quinetiam omne quod augetur, augetur: & quod decrescit, decrescit eius, quod eiusdem est generis & accessione, & in materiam abscensione. At nihil est, ex quo hoc habuit originem. Quòd si est & accretionis & interitus expers, eiusdem etiam intelligentiæ est, idem etiam expers esse commutationis existimare. Nam cum sit commutatio motus ac mutatio qualitatis, & ex qualitatibus habitus affectionesque vt valetudo & morbus, nõ sine passionum mutationibus existant: quæ autem naturalia corpora passionibus mutantur, augeri ea omnia & decrescere cernamus, veluti & animantium corpora eorũque partes, & illa eorum quæ gignuntur è terra, itémque elementorum: profectò si rotundum corpus nec accessionem vllam habere potest, nec discessionem, consen-

taneum est idem non esse commutabile. Ac primum quidem corpus sempiternum esse, nec accessionem habere, nec abscissionem, sed ab omni senectute, commutatione & vi externa accipienda liberum esse, si quis iis quæ ponuntur fidem adiungat, ex iis quæ dicta sunt, intelligere potest. Videturque & ratio ea quæ apparent, & quæ apparent perspicuæque sunt rationum comprobare: omnes enim homines notionem deorum habent, omnesque summum locum diuino cuidam numini assignant, tum Græci, tum Barbari, qui quidem deos esse putent, ut scilicet aptè immortalis attribueretur immortale. Neque enim aliter fieri potest. Ac si quod est numen diuinum, sicuti etiam est, ea etiam quæ de primo corpore modo diximus rectè dicta sunt. Quod etiã ex sensu intelligi licet, quãtum satis sit ad humanæ fidei opinionisque confirmationem. Omni enim præterito tempore, quantum ex memoria quam alij ab aliis traditam accepimus, intelligi potest, nulla aut in toto summo cælo, aut in vlla eius parte consecuta videtur mutatio. Videturque nomen ipsum à veteribus traditum successione quadam vsque ad hæc tēpora mansisse, qui eodem modo de iis sentiebant, quo etiam nos dicimus. Nō enim semel aut bis, sed sæpißimè sine vlllo modo easdem sententias ad nos peruenire existimandum est. Itaque tanquam primum esset aliud corpus quoddam præter terram, ignem, aëra & aquam, summum locum æthera appellauerunt, à perpetuo cursu quem æterno tempore conficeret. Anaxagoras autem, cum æthera pro igne vocet, non rectè hoc verbo vsus est. Ex his etiam quæ dicta sunt perspicui potest, numerum eorum corporum quæ simplicia dicantur, maiorem esse non posse. Simplicis enim corporis simplex sit motus necesse est: hos autem solos simplices esse dicimus, conuersionem, motumque rectum: huius verò duas esse partes, vnum qui à medio, & alterum qui in medium fertur. Conuersioni autem nullum alium motum esse contrarium, ex multis intelligi potest: primum quòd lineæ rotundæ rectam potissimum contrariam dicimus. Concauitas enim & inflexio non solum inter se pugnare videntur, sed etiam cum recto, si cōiungantur, & compositionem accipiant. Ita si quis contrarius est conuersioni, is sit necesse est maxime, qui recta linea fertur. Sunt autē qui rectis lineis feruntur, propter loca inter se contrarij. Sursum enim & deorsum loci sunt & distinctio & repugnantia.

Cap. 4.

gnantia. Deinde si quis eandem rationem quæ in linea recta valet, in rotunda valere existimet (motum enim qui ab A ad B fertur ei qui à B ad A, esse contrarium) eum qui per lineam rectam fertur, dicit. Hic enim finitus est, ij autem qui in orbem circumque feruntur in iisdem notis, atque punctis infiniti esse possunt. Quod etiam in vno dimidiato circulo fit eodem modo, ut is motus qui à C ad D, & is qui à D ad C peruenit. Idem enim est motus, qui is quò aliquid super diametro mouetur. Semper enim quanque rem linea recta abesse, & distare ponimus. Idemque continget, si quis orbe confecto, motum eum qui per alteram dimidiam orbis partem, ei qui per alteram feratur repugnare ponat. Velut in toto orbe eum qui ab E ad F, ut sit G dimidia illa circuli pars, ei qui ab F ad E, ut H altera sit pars dimidia circuli, feratur. Qui ut contrarij sint, non tamen propterea contrarij erunt inter se ij qui super toto orbe fiunt. Nec verò quæ ab A ad B fertur, ei quæ ab A ad C, contraria est conuersio: præsertim cum motus is ab eodem profectus ad idem perueniat, & motus contrarius à contrario ad contrarium definitus sit esse. Si verò etiam conuersioni repugnaret conuersio, superuacanea esset altera, quippe cum eodem vtraque feratur. Præterea id quod in orbem fertur vndecunque incipiat, necesse est æquè ad contraria loca omnia peruenire. At loca repugnãtia sunt superior, inferior, antè, post, à dextra, à læua, & motus repugnãtes ac contrarij ex locorum repugnãtijs sumuntur. Si enim pares essent, motus eorum nunquã esset. Sin autem alter motus vinceret, alter non esset. Ita si vtrumque esset, frustra esset alterum corpus quod suo motu non ciceretur. Superuacaneum enim eum calceum dicimus, cuius nullus est in inducendo vsus. Atqui Deus & natura nihil frustra, nec sine causa faciunt.

Sed quoniã hæc perspicua sunt, cætera videnda sunt, ac primùm, Cap. 5. sitne aliquod immensum infinitumque corpus, quemadmodum plurimi veteres philosophi putauerunt, an hoc sit aliquid eorum, quæ feri nequeunt. Hoc enim an illo modo res habeat, non parui refert, sed in eo omnis veri cognitio ac summa consistit. Hinc enim principium dissensionum inter eos qui aliquid de vniuersa natura tradiderunt, & ductum est, & duci potest. si quidem leuis etiã error in iis qui à vero semel discedunt, progressu temporis infinitis partibus maior existit. ut si quis exempli gratia, minimam magnitudinem quandam

esse dixerit. is enim introducta minima maxima res mathematicorum commouebit. Id causæ est, quòd principij maior vis est, quàm magnitudo. Itaque quod initio exiguum est, tandem est quàm maximum. Quod autem infinitum est, id & initij vim habet, & magnitudinis maximam. Ita nihil alienum est neque absurdum, magnopere interesse, an hoc sumatur, aliquod esse infinitum corpus, & immensum. Itaque de eo nobis altius ab initio repetentibus dicendum est. Necessse est quidem omne corpus, aut simplex esse, aut ex multis naturis concretum. Ita etiam infinitum aut simplex, aut concretum erit. Hoc etiam perspicuum est, si simplicia corpora finita sint, necessario etiam id quod iunctum sit ex pluribus naturis definitum esse. Quod enim ex finitis & multitudine & magnitudine conflatum est, id & multitudine finita est, & magnitudine. Tam enim magnum & multum erit, quàm ex multis & magnis iunctum est. Restat igitur vt videamus, vtrum aliquod simplex corpus immensum interminatúmque esse possit, an hoc fieri nequeat. De cæteris autem ita videbimus, si antè de primo corpore tractationem instituerimus. Ac omne quidem corpus quod circum medium torqueatur, finitum esse, ex his perspicui potest. Si enim infinitum sit corpus quod in orbem incitatur, infinite erunt eæ lineæ, quæ à medio ducentur. At earum quæ infinite sunt, immensum interuallum est. Linearum autem interuallum id dico, extra quod nulla magnitudo quæ lineas contingat, sumi & notari potest. Hoc igitur infinitum sit necesse est: quandoquidem earum quæ finite sunt, finitum semper est interuallum. præterea eò quòd datum est, semper maius notari licet. Ita quemadmodum numerum dicimus infinitum, quòd non est, nec datur maximus, sic etiam interuallum. Quòd si id quod infinitum est, transiliri nõ potest, & posita infinitate corporis interuallum infinitum necesse est esse, certè moueri in orbem corpus illud non posset. At cælum in orbem ferri cernimus, & ratione docuimus alicuius esse conuersionem. præterea si à finito certoque tempore certum quoddam ac finitum abstuleris, reliquum & finitum sit, & principium habeat necesse est. Si verò tempus ingressus principium habet, est etiam principium motionis: quare & eius magnitudinis, quam ingrediendo peragravit. Quod fit etiam in aliis eodem modo. Sit ergo
lineam

A C E linea in alteram partem, quæ *E* scilicet spectat, infinita, itémque *B B* vtraque ex parte immensa: certè si *A C E* circulum describit ab *A* centro lineam secans *B B*, *A C E* linea per *B B* lineam finito tempore feretur. Omne enim tēpus in quo cælum circum medium latum est, finitum dicitur. Id ergo etiam quod detrahitur est, in quo ea linea quæ secabat, ferebatur. Erit igitur principium quoddam, quò primùm *A C E* linea *B B* lineam diuisit, quod fieri non potest. Non ergo quod infinitum est in orbem verti potest. Ita ne mūdus quidem, si immensa esset magnitudine. Atque etiam ex his perspici licet, id quod infinitum sit, ferri non posse. Si enim *A* linea finita sit, quæ propter *B* lineam finitam feratur: necesse erit simul, & *A* à *B*, & *B* ab *A* discedere. Quantum enim altera alteram, tantum hæc etiam illam consequetur. Ac si vtraque è regione feratur, celerius conficientur. Sin autem propter quiescentem alteram altera voluatur, tardius, si modò id quod in orbem fertur, eadem qua prius celeritate moueatur. At illud quidem perspicuum est, fieri non posse, vt linea aut spaciū infinitum finito tēpore conficiatur. In immenso igitur. Hoc enim antè docuimus, cū de motu disputarem. Nec verò interest, vtrūm finita propter immensam, an immensa propter finitam feratur. Cū enim vna præterit alteram, hæc etiam propter illam transit & præterit, peræquè si moueatur, ac si quiescat, neque moueatur: nisi quòd celerius conficietur, si vtraque moueatur. Quāquam nihil obstat, quòd minus interdum ea quæ motu cietur, celerius propter eam quæ quiescit, moueatur, quàm ea quæ è regione moueatur, si modò quis vtramque earum quæ contrario pulsu agitantur tardè ferri faciat: eam autem quæ propter quiescentem, multo illis celerius ferri. Nihil ergo rationem impedit, si alteram propter quiescentem ferri ponamus, quādoquidem fieri potest, vt linea *A* quæ mouetur, *B* quæ mouetur, tardius prætereat. Si ergo immensum est tempus, quo finita linea quæ mouetur, conficitur, id etiam infinitum sit necesse est, quo infinita per finitam mota est. Ita quod infinitum & immensum est, omnino moueri non potest. Si enim vel quàm minimum moueatur, immensum tempus esse oportebit. Atqui cælum totum circum se torquetur, atque vertitur finito tempore. Ita circum interiorem orbis partē, veluti *A B*, quæ finita est, vertitur. Quod igitur in orbem fertur, in-

finitum & immensum esse nullo modo potest. Præterea quemadmo-
 dum linea cuius finis est & terminus, immensa esse non potest, sed
 ea demum quæ immensam habet longitudinē, sic etiam extremitas,
 qua ex parte est terminus, non potest. cū autem definita est, nullo
 modo, veluti quadratum infinitum, circulus vel globus, quemad-
 modum nec aliquid quod est pedale, immensum potest esse. Quod
 si nec sphaera nec quadratum, nec circulus infinitus est, & non ex-
 tante circulo, ne ei quidem motui qui in orbem incitatur, loci ali-
 quid relinquetur, & si non est circulus infinitus, nec conuersio est
 infinita: profectò nisi sit immensus orbis, corpus immensum in or-
 bem non versabitur. Præterea si *G* centrum constituatur, & *AB*
 linea immensa, *E* autem linea ad rectos angulos infinita, & *CD*
 item infinita quæ moueatur, nunquam *CD* ab *E* conficietur, sed
 semper eam quam *CE*, rationem habebit. Secat enim in *F* puncto.
 Non igitur in orbem immensa fertur. Præterea si cælum intermi-
 natum est, & circum se torquetur, finito tempore immensum spa-
 cium conficiet. Sit enim vnum quidem cælum quod nō moueatur,
 alterum autem quod in illo moueatur huic æquale, profectò si im-
 mensum cū esset, in orbem latum est, id quod ei par est infinitum
 spacium definito tempore confecit. Sed hoc fieri non potest. Atque
 etiam conuerso commutatoque ordine dici potest, si definitū sit tem-
 pus, quo aliquid in orbem circūmque latum est, spacium etiā quod
 confecerit, finitum esse oportere. Id autem confecit quod ipsi erat
 par & æquale. Ipsum igitur etiam finitum est. Illud ergo perspi-
 cuum est, immensum & interminatum non esse, sed terminum ha-
 bere id quod circum se feratur. Nec verò id quod ad medium,
 nec quod à medio mouetur, infinitum esse potest. Contrarij enim mo-
 tus sunt superior & inferior. Contrarij autem ad contraria loca fe-
 runtur: & contrariorum si alterum definitum sit, definitum etiam
 erit alterum: & medium terminatum est. Si enim vndelibet deor-
 sum feratur id quod omnibus substernitur, ultra medium progredi
 non potest: definito certè medio locus summus terminatus sit neces-
 se est. Quod si loco determinata sunt, determinata etiam erunt cor-
 pora. Præterea si locus superior & inferior termino continentur,
 medium etiā necesse est determinatū esse. Nisi enim sit, infinitus e-
 rit motus. Quod fieri nō posse supra docui. Medium ergo definitū
 est.

Cap. 6.

est. Ita etiã corpus quod in eo est, vel esse potest. At corpus & quod leuitate in sublime, & quod grauitate deorsum fertur, in eo esse potest. Natura enim sua illud à medio, hoc ad medium mouetur. Ex his ergo perspicuum est, infinitũ immensũque corpus esse non posse. Ac præterea si grauitas non est infinita, ne horum quidem corporum vllum immensum futurum, præsertim cum infiniti corporis necesse sit interminatã etiã esse grauitatẽ. Similisque est ratio leuitatis. Si enim infinita est grauitas, leuitas etiã est, si infinitũ immensũque sit id quod omnibus eminet. Sit enim finita, sumaturque *A* *B* infinitum corpus, *C* autem eius grauitas & pondus, detrahatur etiam ab eo quod infinitum est, *B* *E* definita magnitudo, & *E* sit eius grauitas: profectò *E* grauitas erit, quàm *C* minor: minoris enim minor est grauitas. Dimetiatur ergo minor grauitas maiorem aliquoties repetita, & *B* *D* cum *F* *B* vt minor grauitas cum maiore conferatur: ab eo enim quod infinitum est, quantumlibet auferri potest: certè si magnitudines & grauitates eandem rationem inter se habent, & minor grauitas minoris est magnitudinis, maior etiã maioris erit. Ita par erit, & æqualis rei terminatæ & interminatæ grauitas. Præterea si maioris corporis maior est grauitas, maior *G* *B*, quàm *F* *B* grauitas erit. Ita maius erit rei determinatæ pōdus, quàm interminatæ, magnitudinũque inæqualium idem erit pondus, cum res terminata & finita infinitæ sit inæqualis. Nec refert vtrum grauitas grauitatem æquare dimetiendo possit, an non possit. Vt enim non possit, eadem erit vis rationis: vt si *E* grauitas tertio *C* grauitatem metiens superet. Si enim *B* *D* tres magnitudines totæ sumantur, maius ipsarum quàm *C* pōdus erit. Ita idem incommodum sequetur. Sumi etiam possunt eiusmodi quæ metiendo æquare se possint. Nihil enim interest à pondere incipiamus, an à magnitudine. Vt si *E* grauitas sumatur, quæ grauitatem *C* æquare dimetiendo possit, & ab eo quod infinitum est id quod *E* grauitatẽ cōtinet, vt *B* *D* auferatur: deinde quã rationẽ pondus ad pōdus habet, eandẽ *B* *D* ad aliam magnitudinẽ, vt ad *B* *F* habeat. ab eo enim quod infinita est magnitudine, quantumuis detrahi potest: profectò his ita sumptis ac cōstitutis, & magnitudines & pōdera dimetiendo se æquabunt. Nihil etiam intererit ad probationem, sitne pari,

an dispari pondere magnitudo. Semper enim corpora eadem qua
 B D gravitate praedita sumi poterunt, vel ab eo quod infinitum est,
 quamlibet magna parte detrahenda, vel ei adiicienda. Ergo ex iis
 quae dicta sunt, perspicuum est, infiniti corporis finitum pondus esse
 non posse. Immensum igitur erit. Quod si fieri non potest, illud etiam
 fieri non potest, ut sit ullum corpus immensum. Ex his vero intelligi
 potest, fieri non posse, ut vlla immensa & interminata sit gravitas.
 Si enim tanta haec gravitas per tam longam lineam hoc tempore
 mouetur, tanta & eo amplius minore tempore mouebitur: quamque
 inter se proportionem pondera habent, eandem etiam tempora vi-
 cissim habebunt. ut si simplum pondus hoc tempore, duplum in
 simplo illius. Praeterea definitum pondus omne definitum spacium
 certo quodam tempore conficit. Ex quibus necessario efficitur, si
 quod sit immensum interminatūque pondus, id motu cieri oportere
 qua ex parte tantum est, quantum id quod finitum est, ac eo
 amplius: & non moueri porro hoc ipso quod proportione quidem,
 ut ita dicam, excessuū res moueri debent, ita ut contra maior ma-
 gnitudo breuiore tempore. Atqui infinita res cū finita nullam nec
 proportionem habet, nec comparationem: & tempus cum maiore
 certo ac definito illud quidem habet, sed in minore semper. Mini-
 mum autem ac breuissimum tempus nullum est: nec si esset, vlllo
 modo adiuuaret. Alia enim aliqua constituta fuisset magnitudo
 finita eadem proportione, quam infinitum cum altero maiore ha-
 buisset. Pari igitur eodemque tempore quo finita magnitudo, im-
 mensa idem spacium conficiet, quod fieri non potest. At necesse est,
 si in quanto libet tempore, dummodo definitum sit, quod infinitū
 est moueatur, aliud etiam hoc ipso tempore finitum pondus motu
 cieri. Non igitur gravitas itēque leuitas infinita, & interminata
 esse vlllo modo potest. Ac immensum quidem corpus non esse perspi-
 ci potest, si qui hoc modo rem ex rationibus quae ad partem accom-
 modantur, exquisierint, & in vniuerso genere cōsiderauerint, non
 solum ex iis rationibus, quas in libris de Principiis rerum exposui-
 mus (explicatum est enim etiam ibi vniuerse prius de infinitate,
 quatenus s.c., & quatenus non sit) verum etiam nunc alio modo.
 Sequitur deinceps ut videamus, si minus infinitum corpus sit v-
 niuersum, an tantum certē sit, ut plures sint caeli. De eo enim for-
 tasse

tasse aliquis dubitabit, propterea quòd quemadmodum mundus is quo utimur constat, ita nihil impedit, quo minus alij sint plures vno, non tamen innumerabiles. Primum autem de toto infinitatis genere dicamus. Necesse est igitur corpus omne aut immensum esse, aut determinatum: & immensum aut ex partibus inter se dissimilibus, aut similibus constare: si ex dissimilibus inter se partibus constet, vel ex certis finitisque specie, vel ex infinitis. Ac non esse quidè ex infinitis, perspicuum est, si quis nobis salua & integra manere concedat, quæ primò posita sunt. Si enim primi motus finiti sunt, formæ etiam simplicium corporum finitæ sint necesse est. Nam & simplex simplicis corporis est motus, & finiti certique sunt motus simplices, & motum semper omne corpus naturale necesse est habere. Veruntamen si ex certis ac finitis infinitas constabit, necesse erit etiam vnquamque partem, vt aquam aut ignem, esse interminatam, quod fieri non potest. Docuimus enim neque gravitatem immensam esse, neque leuitatem. Præterea necesse etiam erit earum loca interminata esse magnitudine. Ita infinitos etiam motus esse omnium. Quod fieri non potest, si ea quæ principio posita sunt, vera esse ponamus, ac neque id quod deorsum fertur, in infinitum ferri, neque id quod in sublime, eodem modo. Fieri enim non potest id, quod factum esse non potest: eademque est ratio & qualitatis & quantitatis & loci. Veluti si fieri non potest, vt aliquid redditum sit album, aut vnus cubiti, aut fuerit in Aegypto, horum etiam quicquam fieri non potest. Fieri ergo non potest, vt eò feratur, quò nihil mouendo potest peruenire. Præterea vt dissipatum diffusumque sit, tamen is ignis qui ex omnibus constabit, infinitus & immensus poterit esse. At corpus id esse positum est, quod in omnem partem dimensionem habet. Quæ igitur multa esse possunt, ea quæ ex dissimilibus inter se partibus consistunt, & vnūquodque eorum esse interminatam? Præsertim cum vnūquodque in omnem partem infinitum esse oporteat. Nec verò vniuersum, si ex similibus inter se partibus constet, infinitum esse potest. Primum enim cum præter hos motus nullus sit alius, vno eorum ciebitur. Quòd si sit, ita fiet, vt vel gravitatis vel leuitatis sit immensa. Nec corpus quod in orbem circumque fertur, infinitum esse vllò modo potest. Fieri enim non potest, vt quod immensum interminatamque sit, in or-

Cap. 7.

bem incitetur. Nihil enim interest, hoc dicatur, an cælum esse in-
 terminatum: quod fieri non posse demonstrauiimus. Quin ne omnino
 quidem quod infinitum est, moueri potest. nam aut suapte natura,
 aut externa vi mouebitur. Si externa vi, eius etiam naturæ motus
 est aliquis accommodatus. Ita etiam locus alius erit proprius, in
 quem feretur: quod fieri non potest. Fieri autem prorsus non pos-
 se, vt quod immensa sit magnitudine ab eo quod definitum sit, a-
 liquid accipiat, & quasi patiatur, aut faciat id quod finitum est,
 ex his intelligetur. Sit enim *A* id quod infinitum est, *B* autem id
 quod finitum, & *C* tempus quo aliquid mouit, aut pulsu agita-
 tum est: si ergo à *B* *A* calefactum est, aut pulsum, aut aliquid
 aliud tulit, aut alio quouis modo commotum est in *C* tempore, sit *D*,
 quod sit minus quàm *B*, & minus pari eodémque tempore minus
 motum afferat, sitque *E* id quod à *D* cōmutatum sit: profectò quod
 est *D* ad *B*, hoc *E* erit ad aliquid cuius terminata est magnitudo.
 Quod ergo par est, & æquale pari tempore aliquid quod pari sit
 magnitudine præditum, commutet: quod autem minus est pari eo-
 démque tempore minus, & quod maius est maius, sed tātum, quan-
 ta est maioris ad minus proportio: his ita constitutis, certè id quod
 immensum est, nullo tempore à quoquam quod certæ finitæque sit
 magnitudinis mouebitur. Aliud enim quod minus est, pari eodém-
 que tempore ei quod minus est motum afferet, cum quo id quod fi-
 nitum est habet comparationem. Quod enim infinitum intermina-
 tumque est, nullam cum eo quod finitum est, proportionem habet.
 Nec verò id quod immensa est magnitudine ei quod finitum est,
 vlllo tempore motum afferet. Constituamus enim aliquid immensum
 quod *A* litera designetur, & *B* id quod finitæ certæque sit magni-
 tudinis, & *C* tempus: *D* ergo in *C* tempore minori rei, quàm sit *B*,
 vt exempli causa ipsi *F* motum afferet. Quam igitur rationem *B* *F*
 totum ad *F* habet, eandem *E* ad *D* habere faciamus. his ita positis,
E toti *B* *F* motum afferet in *C* tēpore. Ita quod finitum est, & quod
 immensa est magnitudine pari tempore cōmutabunt. quod fieri nō
 potest. In minore enim ac breuiore maius positum est cōmutare ac
 mouere, & semper tempus quod sumitur, idem faciet: ex quo fit vt
 tēpus sit nullum, quo illud motum afferet. Nec verò immenso tēpore
 idē mouere, aut moueri potest. Terminū enim nō habet, effectio autē
 habet

habet & affectio. Nec quod infinitū est ab alio quod infinitū etiā sit, aliquid accipere aut pati potest. Sint enim *A* & *B* immēse magnitudines, & *C D* tempus quo *B* ab *A* aliquid accepit ac tulit, *E* verò rei immēse pars, quoniā totū *B* perpeffum est, non pari tēpore idem accepit. Quod enim minus est breuiore tēpore positū sit moueri: sit ergo *E* id quod ab *A* motū est *D* tēpore. Quod quidem *D* ad *C D* est, hoc *E* pars ipsius *B* est ad aliquid quod est finitæ magnitudinis. hoc ergo necesse est ab *A* eo tempore quod *C D* literis notandum est, moueri. Ponatur enim ab eodem maiore breuiorēque tēpore quod maius, & quod minus est pati: quæ proportionē tēporis diuisa sunt. Nullo igitur tēpore quod sit finitū, quidquā immensum ab alio quod etiā immensa sit magnitudine, moueri potest. Immenso igitur mouebitur. At immensum tēpus terminū finemque non habet: id autem cui motus allatus est, habet. Ac si corpus omne quod sensu percipitur, vim efficiendi aut accipiendi, & quasi patiendi habet, aut vtrāque, fieri non potest, vt immensum corpus sub sensum cadat. Atqui corpora quæ in loco sunt, sensu percipiuntur omnia. Non est igitur extra cælum corpus vllum immēsa magnitudine. atqui neque finitū. Nullum ergo corpus omnino est extra cælum. Si enim intelligētia & ratione cerni potest, in loco erit. quādoquidē extra & intra, locum significant. Ita sub sensum cadet: nihil autē quod nō locum obsidet, sub sensum cadit. Rationibus autem quæ dialecticos magis attingunt argumentari licet hoc modo. Neque enim in orbem quod interminatū est, similēsque inter se partes habet, ferri potest: medium enim rei immense non est, & quod in orbem fertur, circum medium mouetur: nec per lineam rectā. oportebit enim alterū locum esse tam magnum atque immensum ad quē nature vi, & alterum parem, ad quem cōtra naturam mouebitur. Præterea siue natura motum habeat, quo per rectam lineam cieatur, siue contra naturam moueatur, vtroque modo infinitam vim quæ motum afferat, esse oportebit. Nam & infinita est eius quod est immensum, & eius quod est infinitum, infinita est. Ita erit immensum id etiam quod motum afferet. At in libris de motu ratione cōclusum est, nihil eorū quæ finita sint, immensam vim habere, nec finitam quicquā. eorum quæ ipsa immensa sunt. Si ergo natura & contra naturā moueri potest, duo infinita erunt, quod ita mo-

tum affert, & quod motu cietur. præterea quid est quod motum affert ei quod est interminatum? Si enim seipsum moueat, animatum erit. Hoc autem quæ immensum animal esse potest? Si aliquid aliud moueat, duo erunt infinita, quod mouet, & quod pulsu agitur, quæ forma & vi different. Quod si vniuersum continuum non est, sed quemadmodum Democrito & Leucippo placet, inani distincta & definita sunt omnia, necesse erit motum vnum esse omnium. Figuris enim distincta sunt. Naturam autem eorum vnam esse ita dicunt, vt si vnaquæque res aurum separatum esset. At horum, quemadmodum dicimus, vnum motum necesse est esse. Quod enim gleba vna terræ, eodem etiam vniuersa terra fertur: & totus ignis ac scintilla ad eundem locum mouentur. Ita nec leue omnino & absolutè vllum erit corpus, si omnia grauitatem habeant, nec graue si leuitatem. Præterea si pondus vel leuitatem habet, erit aut extremum aliquid vniuersi, aut medium. quod fieri non potest, si infinitum sit: omninoque vbi nihil est medium vel extremum, nec sursum aut deorsum, in eo locus nullus esse potest corporibus quod ferantur. Quo quidem sublato, motus non erit. Moueri enim omnia necesse est, vel contra naturam, vel suapte natura. Hæc autem distincta sunt accommodatis naturæ cuiusque locis & alienis. Præterea vbi contra naturam aliquid manet, & quod fertur, is locus alicuius alterius naturæ accommodatus sit necesse est. Id quod ex inductione intelligi potest. Necesse est ergo nõ in omnibus, aut grauitatem, aut leuitatem inesse, sed in nonnullis inesse, in aliis non item. Ac ex his quidem perspicuum est, vniuersi non esse corpus immensum. Cur autem plures cæli esse nequeant, nunc dicamus. Hoc enim diximus, videndum esse, si quis non putet de toto corporum genere conclusum esse, fieri non posse, vt quoduis eorum sit extra cælum, sed eã disputationẽ ad ea modò quæ sine distinctione collocantur, pertinere. Omnia enim & quiescunt & mouentur, tũ vi, tũ natura sua. Natura quidem, in quo non vi quiescunt, in eum etiã feruntur: & in quem feruntur, in eo etiam manent. In quo autem vi manent, in eum etiam vi feruntur: & in quem vi feruntur, in eo quoque manent. præterea si quis motus violentus sit, naturalis erit contrarius. Ac si ad mediũ huius mundi illinc terra vi mouetur, hinc illuc suapte natura feretur. Et si hic non vi quiescit, hic
etiam

Cap. 8.

etiam natura mouebitur. Vnus enim motus est is qui naturæ est aptus & accommodatus. præterea necesse est mundos omnes ex eisdem corporibus esse, qui quidem sint simili natura præditi. Quinetiam vnumquodque corpus eandem vim habere debet, vt ignis, vt terra, & quæ in medio eorum locata sunt. Si enim hæc eodem nomine appellentur, nec ex eadem specie dicantur, ea quæ illic, & quæ hic apud nos sunt: vniuersum etiam nomine tantum mundus dicitur. perspicuum est igitur, partim eorum à medio natura ferri, partim ad medium moueri: si quidem omnis ignis eiusdem speciei sit, & vnumquodque cæterorum, quemadmodum etiam partes ignis quæ sunt in hoc vniuerso. Hæc autem ita habere oportere, ex iis quæ de motu posita sunt, intelligi licet. Nam & motus finiti sunt, & vnumquodque elementum ex quoque motu dicitur. Ita si motus iidem sunt, eadem etiam vbique elementa & initia sint necesse est. Naturæ igitur vi in hoc medium partes terræ, quæ in alio mundo est feruntur, & in hoc extremum ignis qui illic est, quod fieri non potest. Si enim hoc fiat, necesse erit & terram in sublime, in suo illo mundo, & ignem ad medium moueri. itémque terram qua vtimur, à medio natura ferri in medium quod illic est, propterea quòd ita mundi inter se siti sunt. Nam aut eadem natura simplicium corporum in pluribus cælis ponenda non est, aut eos qui ita loquuntur, medium vnum & extremum facere oportebit. Quòd si absurdum est, mundi plures vno esse non possunt. Censere autem aliam esse naturam simplicium corporum, si plus minusue à suis ac propriis locis absint, nulla ratio est. Quid enim refert tanta longitudine, aut tanta abesse dicas? Quo enim plus est spacij, eo magis ratione different, cum tamen eadem sit species. Atqui aliquis eorum motus sit necesse est. perspicuum est enim ea motu cieri. Num ergo ea omnibus motibus vi cieri dicemus, atque iis contrariis? At quòd natura non mouetur omnino, id moueri non potest. Si quis igitur motus naturæ eorum aptus est, necesse est eorum quæ eiusdem speciei sunt, & singulorum ad vnum numero locum motum esse, vt ad hoc medium, & ad hoc vltimum. Quòd si ad ea quæ eiusdem speciei sunt, sed plura moueantur, propterea quòd etiam singula plura illa quidem sunt, specie autem inter se non differant: non id quibusdam partibus conueniet, quibusdam non,

sed omnibus æquè id conueniet, sed æquè omnium. Sunt enim æquè omnes eiusdem speciei, etsi vnaquæque à quauis numero differat. Hoc dico, si partes quæ hîc sunt, & quæ in alio mundo eandem inter se rationem habeant, eam etiam quæ hinc sumpta sit, nihil ab iis partibus quæ in aliquo alio mundo sint, & quæ in hoc interesse, sed eandem vim habere, præsertim cùm specie non differant. Ita necesse est, aut ea quæ posita sunt tolli, aut vnũ esse & medium & vltimum. Quo posito & constituto, necessariò efficitur ac concluditur his ipsis argumentis, iisdemque necessariis rationibus, vnum modò cælum esse, non plures. Esse autem aliquid, quo suapte natura, terra & ignis ferantur, ex aliis etiam intelligi potest. Omnino enim quod mouetur, ex aliquo ad aliud mouetur, quæ & id ex quo motus principium ducit, & id in quo desinit, vocantur. quæ eadem specie differunt. Omnis autem definita est mutatio, vt id quod curatur, ex morbo in valetudinem commutatur: & quod augefcit, ex paruitate in magnitudinem excrescit. Id ergo etiam quod fertur. Hoc enim ex aliquo loco ad alium peruenit. Ita specie differant oportet id ex quo & id quò illud natura mouetur, quemadmodum id quod curatur: & ferri necesse est, non quò res tulerit, aut quò is qui motum affert, velit. Ignis ergo & terra non in infinitum feruntur, sed ad contraria. Suprà autem & infrà loci ratione discrepant. Ita fit vt hi sint motus termini: quandoquidem motus etiam is qui in orbem fertur cõtraria habet quodammodo loca ea, quæ per diametrum distant, cùm toti motui nihil sit omnino contrarium. Itaque horum etiam motus quodammodo in contraria finitáque fertur. Quapropter necessariò & aliquis terminus ac finis constitutus est, nec sine fine quicquam mouetur. Non esse autem quicquam quod in infinitum feratur, hinc etiam sciri potest, quòd quò terra propius ad medium accedit, eò celerius mouetur, & ignis quò propius ad superiora. Quòd si immensum & interminatum esset spaciũ, interminata etiã & immensa esset velocitas: si velocitas, grauitas etiam & leuitas. Vt enim id quod ad inferiorem locum mouetur, celeritatéque præstat, grauitate velox esset: ita si infinitus esset huius rei progressus, celeritatis etiam immensa esset accessio. Nec verò ab alio fertur eorum vnum in sublimẽ, alterum deorsum: nec vi, quemadmodum nonnulli aiunt, protrusum.

protrusum. Tardius enim & in sublime maior vis ignis, & deorsum maior terræ portio ferretur. Nunc contrà semper maior ignis, & maior pars terræ celerius ad sua loca mouentur: nec celerius ferrentur, si vis ac protrusio afferretur, cum ad finem appropinquarent: præsertim cum omnia quo longius id quod vim attulit abest, eot tardius feratur: & vnde vi mouentur, eò non vi ferantur omnia. Ex his igitur satis intelligi potest, id quod agitur. Quod etiam rationibus & iis quæ ex prima philosophia petuntur doceri potest, & iis quæ à motu qui in orbem fertur, sumi possunt, quem necesse est peræquè & in hoc & in aliis mundis esse sempiternum. Quinetiam hoc modo perspicuum erit, vnum cælum esse oportere. Cum enim tria sint initia & elementa corporata, tria etiam erunt loca elementorum, vnus corporis eius quod substernitur, in medio: alter eius quod in orbē torquetur, qualis est summus: tertius in medio horum locatus, is qui medium locum tenenti corpori assignatus est. In hoc enim sit necesse est id quod extat ac eminent. Si enim in hoc non sit, extra erit. At fieri non potest, vt sit extra cælum. Aliud enim grauitatis est expers, aliud particeps. inferior autem locus est corporis quod grauitatē habet, si quidem grauium est is qui medio adheret. Hic etiam naturæ illius alienus non est. Alij enim natura conueniet. At aliud non esse positum est. In medio igitur sit necesse est. Huius autem quot sint genera & differentiæ, post docerimus. Ac de corporeis quidem elementis quæ sint & quot, ac quis sit cuiusque locus, & præterea quot numero loca sint, ex iis quæ dicta sunt, perspicere possumus. Mundum autem non solum vnum esse, veruetiam plures non posse esse aut nasci, & præterea eum æternum esse, cum interire nõ possit, nec ortus sit, ita dicemus, si primum de eo quæsierimus. Si qui enim hoc modo rē exquirant, eis fieri non posse, vt is vnus & solus sit, videbitur. In omnibus enim & quæ natura & quæ arte effecta sunt & constant, aliud est ipsa per se forma, aliud cum materiæ admixta est. Vt in sphaera aliud est species ac figura, aliud aurea & aenea sphaera, rursusque in circulo aliud est forma, aliud æneus & ligneus circulus. Si enim quid sphaera sit, quid circulus, explicemus, aurum aut æs in definitione non adhibebimus, quòd hæc vim naturamque eius non attingant. Sin auream aut æneam definiamus, eadem adhibebimus. Et

B.iiij.

Cap. 9.

quanquam præter rem quandam singulam aliud quiddam cogitare aut sumere non possimus: (Nihil enim interdum prohibet hoc euenire: ut si vnus tantum circulus sumatur.) nihilo tamen minus alia erit circuli vis & ratio, alia huius circuli, quarum illa forma est, hæc forma quæ in materia continetur, ac rerum singularum. Quoniã igitur cælum sub sensum cadit, erit in rebus singulis: quippe cum omne quod sensu percipitur, in materia posuerimus consistere. Si autem in rebus singulis est, alia erit huius cæli, alia cæli absolutè vis & ratio. Aliud ergo hoc cælum est, aliud cælum, quod omnino cælum dicitur: quorum hoc quasi species ac forma est, illud ut aliquid materiæ admixtum. Quorum porro forma est quædam ac species, eorum aut plures sunt res singule, aut possunt existere. Siue enim sunt species, ut quibusdam placet, hoc necessario efficitur, siue nihil tale separari potest, nihilo minus. In omnibus enim ita animaduertimus, quorum vis, ratio & essentia cum materia copulata est, plura & innumerabilia esse quæ sunt eiusdè speciei. Ita vel plures cæli sunt, vel certè esse possunt. Ac his quidem rationibus coactus aliquis, aut esse, aut plures cælos posse esse existimabit. Videndum est autem rursus, quid horum rectè, quid non rectè dicatur. Illud quidem, aliam esse formæ rationem, eam quæ sine materia sit, aliã quæ in materia cernatur, rectè dicitur, idque verum esto. Sed tamen nullo modo propterea necesse est, plures mundos esse aut plures esse posse, si modò hic ex omni materia constet, sicuti constat. Quod autè dico, fortassis hoc modo planius fiet. Si enim aduncitas est curuitas & inflexio in naribus aut carne, & aduncitatis materia caro est, & ex omnibus carnibus vna caro fiat, in eaque insit aduncitas, nulla certè alia erit, aut esse poterit aduncitas. Eodè modo cum hominis materia in carne sit & ossibus, si ex omni carne & omnibus ossibus quæ occidere non possent, homo efficeretur, alius homo esse non posset. Similis est ratio cæterorum. Omnino enim quorum ratio & essentia in subiecta materia cernitur, eorum nihil non extante materia aliqua, fieri potest. Cælum autem est illud quidem in numero rerum singularum, & eorum quæ ex materia constant, sed quoniam ex tota non ex illius parte constat, ut ratio ipsius cæli & huius quod cernimus diuersa sit, non tamen aliud esse potest, nec plures esse possunt, propterea quòd vniuersam

sam

sam materiam hoc arripuit. Restat ergo ut hoc ipsum doceamus, cælum ex omni corpore quod natura efficiatur, & sensu percipiatur, constare. Sed primum exponamus, quid cælum esse dicamus & quot modis, quò planius fiat id quod quæritur. Vno igitur modo cælum dicimus, naturam summæ circunuectionis vniuersi, vel corpus naturale quod in extremo orbe vniuersi cernitur. Solemus enim vltimum & summum cælum potissimum vocare, in quo diuina omnia habitare dicimus. Alio autem modo corpus quod cohæret cum extremo orbe vniuersi, in quo luna, & sol, quædamque astra collocata sunt. Hæc enim etiam in cælo esse dicimus. Præterea alio modo cælum vocamus corpus quod ab extremo orbe continetur. Totum enim & vniuersum cælum soliti sumus dicere. Cùm his tribus modis cælum dicatur, totum id quod ab vltimo orbe continetur, constet necesse est ex omni corpore quod natura effecerit & sub sensum cadat, quòd nullum corpus extra cælum sit, nec esse possit. Si enim est extra vltimum orbem corpus naturale, id necesse est aut simplex esse, aut concretum, & vel natura esse, vel contra naturam. Simplex esse non potest. Quod enim in orbem fertur, id docuimus mutare non posse suum locum. nec id quod à medio mouetur, nec quod substernitur, esse potest. Neque enim locus ille eorum nature accommodatus esset, præsertim cùm alia eorum sint loca propria. Quòd si contra naturam illic tenentur, profectò alicuius alterius nature locus is qui extra cælum est, aptus erit. Qui enim huius nature alienus est, is alterius nature accommodatus sit necesse est. At præter hæc nullum corpus inuenimus. Nullum igitur corpus simplex extra cælum esse vlllo modo potest. Quòd si nullum simplex, nullum etiam eorum quæ ex pluribus naturis conflata sunt. Si enim concretum corpus extra cælum sit, simplicia etiam sint necesse est. Quin ne esse quidem potest. Nam aut contra naturam est, aut suapte natura. & vel simplex, vel iunctum ex pluribus. Ita eadem rursus ratio valebit. Nihil enim interest an videamus sitne, an esse possit. Perspicuum est ergo ex iis quæ dicta sunt, nec extra cælum esse, nec esse posse vllius corporis magnitudinem. Omnem enim materiam suæ nature accommodatam vniuersus mundus complexu suo coërcet, ac continet, præsertim cùm materiam illi subiecerimus omnem naturam corpoream quæ sub sensum caderet.

Ita nec nunc plures cæli sunt, nec fuerunt, neque plures esse possunt: sed vnum hoc cælum, solum ac suis omnibus numeris ac partibus absolutum est. Illud etiam perspicuum est, nec locū, nec inane, nec tempus extra cælum esse. Nam & in omni loco corpus esse potest, & inane esse dicunt id in quo nullum corpus est, esse autem potest, & tempus numerus est motionis. motus autem sine corpore naturali extare non potest, & extra cælum nec esse, nec posse esse corpus docuimus. Perspicuum est igitur nec locum extra cælum esse nec inane, nec tempus. Itaque ea quæ ibi sunt, non sunt in loco, nec ea tempus ad senectutem compellit, nec eorum quæ supra extremum orbem eorum qui distincti descriptique sunt, habitant, vlla est mutatio, sed ab omni commutatione, vique externa libera & secreta, & optimam vitam quæque seipsa maxime contenta est, ex seque omnia quæ optare quis possit, copiosissime suppeditat, per omnem αἰῶνα id est seculum, traducunt. Hoc enim nomen diuinitus à veteribus pronunciatum est. Finis enim qui cuiusque vite tempus complectitur, cui nature lege nihil deest, αἰῶν id est seculū cuiusque nominatus est. Eademque ratione vniuersi cæli finis & perfectio, & qui omne immensum tempus ipsamque infinitatem continet, terminus, αἰῶν, id est seculum, ἀπὸ τοῦ αἰεὶ εἶναι, id est, ex eo quod semper est, immortale diuinumque dicitur: ex quo etiam in cæteris consecuta sunt, in aliis euidentius, in aliis obscurius status & vita. Etenim quemadmodum in ἐγκυκλίῳ philosophorum disputationibus, sæpe de rebus diuinis rationibus exponitur, in omni eo quod diuinum sit, necessario nullam consequi mutationem, quod primum est & extremū: id profectò cum ita sit, ea quæ dicta sunt, confirmat. Nam aliud non est melius, quod motum afferat: illud enim esset diuinius: nec prauitatis ac mali cuiusquam est particeps, nec vllum bonorum suorum requirit. Idemque motu sempiterno ciet, nec iniuria. Cùm enim omnia quæ mouentur, tum denique finem mouendi faciant, cùm ad locum sibi natureque sue accommodatum peruenerint, corporis quod in orbem fertur idem est locus, à quo incipit, & in quo desinit. His autem explicatis, dicemus deinceps, vtrum originem & ortum non habuerit, an generatus sit mundus, & vtrum interire necne possit, si antè aliorum sententias exposuerimus. Necessariæ enim contrariorum conclusiones

Cap. 10.

siones ac rationes, quæstiones sunt de cōtrariis. Simul autem ea quæ dicturi sumus maiorem etiam apud illos authoritatem habebunt, qui antè earum sententiarum quæ controuersiam faciunt, rationes audiuerint. Sic enim eos indicta causa condemnare minus uidebimur. Arbitri enim, non aduersarij esse debent ij, qui diligenter quod verum est iudicando volunt inuenire. Omnes quidem generatum esse dicunt, sed generatum alij æternum esse, quidam interiturum quemadmodum quiduis aliud eorum quæ natura constant: nonnulli autem eum vicissim aliàs hoc modo, aliàs alio se habere cùm interit, atque hoc in eo sempiternum ita fore tradunt, ut Empedocles Agrigentinus, & Heraclitus Ephesius. Ac illud quidem asserere, generatum eum esse, & tamen æternum esse, in iis est quæ fieri non possunt. Ea enim sola rectè ponenda sunt, quæ in multis aut in omnibus inesse animaduertimus. quod in his contrà vsuuenit. Omnia enim quæ ortum habent, extinguere etiam ac interire constat. Præterea quod non habet eiusmodi principium ut sic habeat, sed prius in omni æternitate aliter habere non poterat, id etiam mutari non potest. Erit enim causa aliqua, quæ si antegressa sit, aliter habere potuisset, quod secus habere non potest. Quòd si ex iis quæ aliter prius se haberent, nec in suo statu manent, mundus constitit, si ita semper habebant, nec aliter habere poterant, originem mundus nõ habuit. Sin autem ortus est, necesse est profectò & illa aliter se posse habere, nec semper ita habere. Ita & facta ac conflata ipsa, dissoluentur, & dissoluta cùm essent prius, constiterunt, atque in eo in infinitum progredi licebit: aut ita habebat, aut poterat. Quòd si ita est, nõ est eiusmodi, qui interitum non sentiat, siue aliter aliquãdo habebat, siue aliter habere potest. Quòd autem sibi præsidium afferre conantur quidam eorum, eum interiturum & tamen ortum esse defendunt, non est verum. Eodem enim modo quo geometræ qui designationes suas pingunt, se etiam de mundi ortu dixisse concedunt: non quòd aliquando ortus sit, sed discendi causa, tanquam ita facilius cognituri sint, si eum quasi in tabula, generatum viderint. Sed aliud est, ut diximus. In designationibus enim geometrarum idem simul omnibus positus, efficitur: in horum autem demonstrationibus non idem, sed id quod fieri non potest. Quæ enim prima & postrema

sumuntur, repugnant. Ex iis enim quæ aliquando inordinata & confusa erant, ordinata facta esse confirmant. Simul autem inordinatum esse & ordinatum idem non potest, sed originem esse oportet, quæ separet, & tempus. In geometrarum autem descriptionibus nihil tempore separatum est. Illud ergo perspicuum est, fieri non posse, ut simul æternus mundus sit, & ortus. Vicissim autem efficere eundem, & dissolvere, nihil aliud est facere, nisi fabricari eum æternum, & tamen mutare formam confiteri. Ut si quis eum qui ex puero vir effectus sit, & ex viro puer, modò interire, modò esse putet. Perspicuum est enim, cum elementa alia in alia commeant, non fortuitum & quemuis ordinem existere, nec copulationem: sed eundem, præsertim eorum sententia, qui hoc tradiderunt. Hi enim utriusque dispositionis & collocationis contrarium causam esse dicunt. Ita si uniuersum, quod continuum est, aliàs hoc modò, aliàs illo dispositum est & ornatum, uniuersi autem constructio est mundus & cælum: nec mundus nasci potest, nec interire, sed eius distinctio & ornatus. Fieri autem non potest, ut is qui ortus sit omnino dissoluatur, nec renascatur, si modò vnus esse ponatur. Nã ante eum conditum, semper ea quæ ei antecessit, constructio fuit, quæ si non orta fuisset, nunquam mutationem esse potuisse dicimus. At si mundi innumerabiles sint, hoc magis fieri potest. Sed hoc fieri possit, an non, ex iis quæ postèrius dicemus, intelligitur. Sunt enim nonnulli, quibus videtur posse aliquid quod ortum non habuerit, interire, & non interire id quod habuerit originem, in iis Plato in Timæo, qui cælum generatum esse tradit, nec interiturum, sed sempiternum. Contra quos physicis tantum rationibus de cælo disputantes vsi sumus. Vniuersè autem de toto disputantibus hoc etiã planum fiet. Sed primùm distinguendum est, quemadmodum ea quæ non generata sunt, & quæ generata, quæ mortalia, & quæ immortalia sunt, dicamus. Cum enim multis modis dicantur, & si nihil ad id quod agitur, tamen incertus sit animus & infinite feratur necesse est, si quis eo quod multis modis dicatur, perinde ut si ambiguum non esset, utatur. Sic enim incertum est, qua in significatione id quod dictum est, intelligitur. Dicitur quidem vno modo non generatũ, si quid nunc est sine ortu & mutatione, cum antea non esset, quemadmodum nonnulli tangi & moueri dicunt.

Nunquam

Cap. II.

Nunquam enim gigni posse id quod tangitur & quod mouetur. Alio modo si quod oriri potest, aut ortum esse, non est. Simili enim modo hoc etiam ingenitum dicitur, quod oriri potest. Alio, si quid omnino oriri non potest, ut interdum sit, interdum non sit. Duobus autem modis id dicitur, quod fieri non potest. Nam vel eò quod verè non dicitur fieri: vel ex eo quod non facile fit, nec citò, nec rectè. Quod etiam generatum est tot modis dicitur. Vno quidem, si cum antè non esset, postea est, siue ortum sit, siue non ortum. Alio modo, si fieri potest, siue id quod fieri potest ex veritate, siue ex facilitate definiatur. Alio, si eius ortus ex nihilo in id quod est progrediatur, siue iam sit, sit tamen generando, siue etiã non sit, sed esse possit. Itémque id quod mortale est, & quod immortale. Si enim aliquid est quod prius erat & post non est, vel non esse potest, id mortale dicitur, siue interitu hoc fiat, aut mutatione, siue non fiat. Est etiam, cum id quod per interitum potest non esse mortale, esse dicimus. Præterea quod facile interit, id quod εὐφραδῶν dici potest. Eadem est etiam ratio eius quod immortale est. Aut enim quod sine interitu modò est, modò non est. Ut tactiones, quod sine interitu prius erant, & non sunt postea: aut quod est, nec potest non esse: aut etiam quod nunc est, nec vnquam posthac futurum est. Tu enim es nunc, & tactus, sed tamen mortales estis, quod erit aliquando, cum verè non licebit dicere, esse te, neque hæc tangi. Maxime autè proprie, quod est, nec ita interire potest, ut nunc sit, & postea non sit, aut non esse possit. Aut id etiam quod est ac nondum interiit, & post non esse potest. Dicitur etiam id immortale, quod non facile interit. Quæ cum ita sint, videndum est quid dicamus posse fieri, & non posse. Ex eo enim maxime proprie immortale aliquid dicimus, quod interire non possit, nec interdum esse, interdum non esse. Dicitur etiam id ingenitum, quod non potest nasci ita, ut prius non sit, & sit postea: ut diametron posse æquari. Quod si quid centum stadia conficere potest, aut pondus attollere, semper eius quod maximum potest, rationem habemus. Ut talenta centum attollere, vel centum stadia conficere. Atqui eas etiam partes quæ citra sunt, potest, si etiam id quod maximum posse dicitur: propterea quod vis omnis ex fine, & ex eo quod maximum potest, definiri statuique debeat. Ac eum quidem necesse est,

qui tanta vel tot quantum in ipso est, præstare potest, ea etiam quæ citra sunt, posse efficere. Veluti si exempli causa, centum talenta attollere potest, duo etiam potest: & si centum stadiorum cursum conficere potest, & duorum. Vires autem cuiusque ex eo quod quisque maximum potest, spectari ponderarique debent. Quòd si quis tantum vel tot efficere non potest, eo quod maximum potest spectato & ponderato, nec maiora aut plura potest efficere. qui enim mille stadia conficere non potest, nec mille & unum potest. Nihil autem nos conturbet finis & quasi summa eorum quæ quisque potest. Constituatur enim ex eo quod maximum potest, terminus eius quod quisque propriè posse dicatur. Occurreret enim fortasse nobis aliquis hoc loco, non esse id necessarium, quod diximus. Qui enim stadium videat, eum eas magnitudines quæ stadium contineat, non cernere: sed contra potius, eum qui punctum videre, vel exiguum sonum exaudire possit, maiorum sensum habere. At nihil ad rem. Constituatur enim vel in vi, vel in re ipsa eius quod maximum potest, terminus. Tum enim id quod dixi, planum fiet. Aspectus enim rei minoris superat, celeritas autem ea, quæ in maiore cernitur. His autem explicatis, de eo quod deinceps sequitur, dicendum est. Si ergo quedam sunt, quæ & esse & non esse possunt, maximum tempus quoddam constitutum sit necesse est, in quo & sit res & non sit. Quæ autem esse posse, & posse non esse dico, ea in quavis categoria intelligo. Ut exempli causa hominem album esse, vel trium cubitorum, aut quidvis aliud eiusdem generis. Si enim non sit certæ cuiusdam magnitudinis tempus, sed eo maius semper quod propositum est, nec est ullum quo sit minus; profectò idem & immenso tempore esse, & alio immenso ac infinito non esse poterit. quod fieri non potest. Huius autem disputationis hinc ducamus exordiū. Quod enim fieri non potest, & falsum, non idem declarant. Est autem quod fieri non potest, & quod potest, & verum & falsum, aliud ex adiunctione, ut triangulum non posse duos rectos habere, si hæc sint, & si hæc sint, diametrum comparabilem esse. Aliud omnino & absolutè fieri potest, & non potest, & verum est, atque falsum. Nec idem est, aliquid verum esse omnino, & absolutè non posse fieri. Si enim stare, cum non stas, dicere, falsum est quidem, sed non in iis quæ fieri nō possunt. Itémque si quis eum qui fides pulset

nec

Cap. 12.

nec canat, dicat canere, id falsum est, non etiam in iis quæ non possunt fieri. At eundem simul stare ac sedere, & diametron æquari posse, non solum falsum est, sed in iis etiam quæ fieri non possunt. Non igitur idem est, falsum & quod fieri non potest ponere: quod autem fieri non potest, ex alio quod etiam fieri non potest, efficitur. Ac in aliquo quidem simul & sedendi & standi vis est ac potestas, propterea quòd cum illam habeat, & alteram, sed nõ ita, ut simul & sedeat & stet, sed alio tempore. Quòd si quid immenso tempore multorum vim & potestatem habet, hoc non alio atque alio est tempore, sed eodem. Ita si quid infinito tempore est, & interire potest, eam vim habet, ut non sit. Si ergo est immenso tempore, faciamus id esse, quod esse potest, ita simul re ipsa aliquid erit & nõ erit. Ac falsum quidem efficitur, quod falsum positum est: sed nisi fieri non potuisset, non etiam id quod effectum est in iis esset quæ fieri non possunt. Omne igitur quod semper est, omnino & planè interire non potest. Similis est etiam ratio eius quod sit ingentum. Si enim ortum est, aliquo tempore non esse poterit. Id enim mortale est, quod prius erat, & nunc nullum est, aut quod est aliquando & post non esse potest. Generatum autem est, quod potuit non esse superioribus temporibus. Sed non est tempus nec immensum nec constitutum & præfixum, quo possit non esse id quod semper est. finito enim esse potest, si etiam immenso. Non igitur fieri potest ut unum & idem semper & esse & non esse possit. quin nec ut non semper sit, quæ negatio est. Fieri etiam ergo non potest, ut aliquid sit semper, & idem interire possit, itémque ut illius vlla sit origo. Propositis enim duobus extremis, si posterius sine priore inesse non potest, & illud inesse non potest, nec posterius. Ita si id quod æternum est, non esse aliquando non potest, fieri etiam nõ potest ut id habuerit originem. Quoniam autè negatio huius, semper posse esse illa est, non semper posse esse: illud autem, semper posse non esse, contrarium, cuius est negatio, non semper posse non esse, necesse est utranque negatione eidem cõuenire, & medium interiectum esse inter id quod semper est, & quod semper non est, id quod esse & non esse potest. Vtriusque enim negatio aliquando conueniet, nisi sit semper. Ita si id etiam quod non semper nullum est,

erit aliquando & non erit, profectò id etiam quod non semper potest esse, sed interdum est, vt etiam non sit, erit & non erit. Idem ergo esse poterit & non esse: idque est medium vtriusque. Generalis autem ratio hæc est, faciamus A & B nulli eidem conuenire posse, omni autem posse A vel C , & B vel D : tum necesse erit cui nec A nec B conueniat, ei omni C & D conuenire sit horum duorum A & B , E medium. quod enim neutrum est contrariorum, medium est. ei vtrunque & C & D conueniat necesse est. Cùm enim omni vel A vel C conueniat, ipsi etiam E conuenient. Quoniam igitur A non potest, C ei conueniet. Eadem in D valet ratio. Nec igitur quod semper est, oriri & interire potest, nec id quod semper nullum est. perspicuum est etiam, si quid oriri possit aut interire, id non esse sempiternũ. Simul enim & semper esse, & non semper esse posset. quod fieri non posse supra docui. Quæri hoc loco potest, an si quid sit, nec originem habuerit, id necesse sit esse sempiternum: itémque si tale est vt non possit interire. Quod autem originem non habet, & quod interitum non sentit, propriè accipio. Quod originem non habet, id quod nunc est, nec superioribus temporibus verè dici potuit non esse. Quod verò interitum non sentit, id quod & est hoc tempore, nec consequente non esse verè dici potest. An si hæc aliud ex alio consequentia sunt, ita vt quod ortum non habet, etiam interitum non sentiat, & vicissim quod interire non potest, id non sit ortum, necesse sit etiã eternitatem vtrunque sequi, vt si quid ortu caret, id sit æternum, & si quid interitus expers est, id etiam æternum sit. Hoc autem ex eorum definitionibus perspicui licet. Etenim necesse est si quid interitũ sentiat, id habuisse originem. Aut enim originem non habuit, aut habuit. Quòd si originem non habuit, interire non posse ponitur. Si verò ortum habuit generatũque est, intereat etiam necesse est. Nam aut interire potest, aut non potest. Ac si interire non potest, idem positum est nõ habere originem. Quòd si consequentia aliud ex alio non sunt quod natum non est, & quod interitum nõ sentit, non necesse est id quod natum non est, nec quod interitũ non sentit, esse sempiternum. Esse autem necessariò consequentia ex his perspicui potest. Quod enim ortum est, & quod interire potest, aliud ex alio consequuntur. Quod etiã ex iis quæ antè dicta sunt, intelligi licet. Eius enim quod semper

per est, & eius quod semper nullum est, medium est quoddam, ex quo neutrum est consequens. Hoc autem est id quod ortum est & quod interitum sentit. Vtrunque enim constituto definitoque tempore & esse & non esse potest. Vtrunque inquam & quoddam tempus est, & non est. Si ergo aliquid ortum habuit, aut interire potest, id in medio locatum sit necesse est. Sit enim A id quod semper est, B autem, id quod semper nullum est, C verò id quod natum est, & D id quod interitum sentit: profectò necesse est C inter A & B locatum esse. Horum enim in neutro termino est tempus, quo vel A non esset, vel B esset. Quod autem natum est, id vel re ipsa habeat huiusmodi tempus vel possit habere, necesse est: quod neutro modo in A & B reperitur. Certo igitur ac finito tempore C & erit & rursus non erit. Quod etiam in D, id est in eo quod interire potest, valet. natum ergo est & interire potest vtrunque. Quod enim natum est, & quod interire potest, consequentia inter se sunt. Sit ergo E id quod non est natum, & F, id quod natum est, G verò id quod interire non potest, & H id quod interire. Hæc quidem duo F & H docuimus aliud ex alio esse consequentia. Quoniam autem ita posita sunt, ut hæc F, & H consequantur, E autem & H nulli eidem, omni autem alterum conueniat, itémque hæc duo G & H E etiam & G aliud ex alio consequantur necesse est. ponamus enim E non esse ex G consequens, F igitur consequetur. Omni enim vel ipsum E, vel ipsum F conuenit. Atqui F ipsi etiam H conuenit. G ergo ex H consequetur. quod positum est fieri non posse. Eadem etiam ratione doceri potest G ex E esse consequens. Atqui eam rationem habent id quod natum non est, id est E, ad F id est quod natum est, quam G, id est quod interire non potest, ad H, id est quod potest interire. Dicere autem nihil esse impedimēto, quo minus aliquid quod sit natum, non intereat, & quod natum non sit, intereat, semel extante illius ortu, & huius interitu aliquid est eorum quæ data sunt, tollere. Nam aut immenso, aut finito quodam tempore omnia vel pati, vel facere, aut esse, aut non esse possunt: immenso quidem, quòd immensum, & infinitum tempus definitum est quodam modo id quo non est maius: quod autem aliqua ex parte infinitum est, id neque infinitum est, neque finitum. præterea cur hoc puncto temporis potius interiit, cum superioribus temporibus sem-

per fuerit? aut cum immenso non esset, generatum est? Si nihil potius in hoc, quam in illo, & infinita erant puncta temporis, profecto immensis temporibus fuit aliquid quod nasci, & quod interire potest. Potest igitur non esse immenso tempore: quoniam simul eam vim habebit, ut non sit, & sit illud quidem superioribus temporibus, si mortale sit: hoc consequentibus, si ortus particeps. Ita, si esse ponamus, quae fieri possunt, simul erunt contraria. Praeterea hoc etiam eadem ratione in omni puncto temporis conueniet. Immenso igitur tempore eam vim ut non sit, atque sit, habebit. At hoc fieri non posse demonstratum est. Praeterea si vis & potestas alicuius rei prius inest, quam res ipsa, omni etiam tempore inerit, quo ingenitum erat, & quo non, cum verum sit infinito tempore gigni posse. Simul ergo & non fuit, & vim ut esset, habuit: & ut tum non esset, ac immenso post tempore. Alia etiam ratione doceri potest, fieri non posse, ut quod caducum est & mortale, non tandem aliquando intereat. Simul enim ac re ipsa interire poterit semper, & non interire. Ita simul & non esse, & esse semper poterit. Interit ergo tandem aliquando id quod interire potest, & natum est aliquando, quod nasci potest. Nasci enim poterat: & non semper igitur esse. Hinc etiam intelligi licet fieri non posse, ut si quid natum est aliquando, sine interitu permaneat: aut quod natum non est, & superioribus temporibus semper fuit, occidat. Nihil enim casu immortale est, aut ingenitum: praesertim cum id quod casu & fortuna euenit, in iis quae sunt aut fiunt semper & plerumque non reperiatur: & quod immenso tempore omnino, vel a quodam certo tempore est, id vel semper, vel plerumque sit. Necesse est igitur, naturae vi haec talia aliam esse, aliam non esse. Eorum autem quae sunt huius generis, eadem disparatorum est vis & potestas, ac materia cur sint, & non sint causa est. Ita necesse est simul re ipsa inesse contraria. Atqui dici verum nunc non potest, superiorem annum esse, aut superiore anno nunc esse. Fieri ergo non potest, ut quod aliquando non erat, post sit aeternum. Habebit enim etiam postea vim eam ut non sit: etsi non eam ut non sit tum cum est. (est enim re ipsa) sed ut non sit anno superiore, & praeterito tempore. Sit ergo re ipsa id cuius vim & potestatem habet: sic nunc verum dicere licebit, id anno superiore non esse: quod fieri non potest. Nulla enim vis aut potestas

potestas ad præteritum pertinet, sed ad præsens aut futurum. Idemque fiet, si superioribus temporibus æternum sit, & non sit consequentibus. Vim enim eius quod non est re ipsa, habebit. Itaque si quod potest, esse ponamus, verè nunc licebit dicere, id anno superiore fore, & superiore tempore. Atque etiam ex physicis rationibus, nec ex generalibus & vniuersis perspici potest fieri nõ posse, vt vel id quod æternum sit superioribus temporibus, cõsequentibus intereat, vel quod antea nõ sit, post sit sempiternum. Quæ enim oriri & interire possunt, ea omnia etiam sunt commutabilia. Commutantur autem à contrariis, & iis ex quibus constant ea quæ natura effecit, & interimuntur ab iisdem.

ARISTOTELIS DE CAELO LIBER II.



Mne quidem cælum nec ortum esse, nec in- Cap. I.
terire posse, quemadmodum nõnullis placet, vnũque esse atque æternum, quod & principium ac finem non habeat ab omni æternitate, & tempus immensum complexu suo cõtineat, & coërceat, tum ex iis quæ dicta sunt, perspici potest, tum ex sententia cæterorum, qui de eo differunt, illudque gignunt. Etenim si ita esse potest, eo autem modo quem illi inducunt, non potest, magnum etiã hoc pondus habet, ad eius persuadendam & immortalitatem, & æternitatem. Itaque præclare nobiscum agetur, si hoc sibi quisque nostrum persuadeat, veterum, maximèque maiorum nostrorum veras esse sententias de immortalitate ac diuinitate cuiusdam eorum quæ mouentur, sed ita mouentur, vt eorum motus terminum non habeat, sed potius cæterorum sit terminus. Nam & terminus eorum est, quæ continent: & hæc conuersio, cum perfecta sit, inchoatos motus, eosque qui finem ac terminum habent, continet & coërceat. Atque hæc eadem cum nec principium habeat, nec finem, sed immensis temporibus finem mouendi non faciat: cæteris partim motus principium affert, partim eorum quietem excipit.

C. ij.

Cap. 2.

Cælum autem summumque locum veteres quidem diis attribuerunt, quòd solum immortale esset: sermo autem qui nunc de eo est, ipsum & interitus & ortus expers esse confirmat: præterea secretum ac liberum ab omni mortali molestia, laboris etiam & defatigationis expers esse, quòd maiorem ullam vim non requirat, quæ ipsum impediens nixu suo aliter ferri prohibeat, nempe quòd naturæ vis impellat. Omnis enim natura talis molestia afficitur, eoque magis quo est permanentior, & ab optima constitutione est aliena. Quocirca non ita esse existimandum est, ut priscorum fabula tradidit, Athlætis cuiusdam præsidio ei opus esse ad se tuendum. Videntur enim ij etiam qui hanc fabulam commenti sunt, in eadem esse sententia, qua posteriores, qui quasi cælestes naturæ gravitate & pondere quodam terreno tenerentur, vi quadam animata pondus falso fulcierunt. Non igitur hoc modo, nec quòd propter conuersionem maiore celeritate, quàm sit eius pondus & motus, feratur, tanto adhuc tempore, ut Empedocli placet, saluum illud & incolume permanere putadum est. nec verò hoc consentaneum est, idem animi qui vim afferat, opera æternum consistere. Neque enim talis animi vita, doloris ac molestiæ expers & beata esse ullo modo potest. Necessè est enim motum illum violentum, si modò animus ille mouet, ac cõtinenter mouet, cum primum corpus alio modo suapte natura feratur, operosum esse, & ab omni mentis voluptate solutum ac liberum. si ne ea quidem requies ac corporis relaxatio quæ in somno animis bestiarum conceditur, ei reliqua sit, Ixionisque cuiusdam fatum æternum, & inuictum eum sustinere oporteat. Quòd si quæadmodum diximus, primus motus eo modo qui expositus est, esse potest, non solum de eius æternitate ita sentire magis decet, sed etiam ita demum congruentes ei diuinationi & vaticinationi quæ de Deo est, sententias communi consensu poterimus dicere. Sed de huius generis rationibus satis hæc multa sunt. Quoniam autem nonnulli sunt, qui cæli dextram & leuam partem esse dicant, in iis Pythagorei (illorum enim hæc est oratio) vtrum ita sit, ut illi tradunt, an secus potius, videndum est: si modò hæc principia vniuersæ naturæ corpori adhibenda sunt. Primum enim si dextra ei pars cõuenit & sinistra, continuo etiam priora & antiquiora initia prius in eo inesse existimandum est. De his quidem in iis quæ de

de animantium motibus scripsi, explicatum est, propterea quòd illorum naturæ hæc accommodata sunt & propria. Perspicuè enim ac planè animantibus aliis omnes hæ partes, dextra dico & sinistra, nonnullis quædam datæ videntur: iis autem quæ stirpibus sustinentur, superæ solùm & infimæ. Quòd si ad cælum etiam aliquid tale adhibendum est, primum etiam quemadmodum dixi, quod inest in animantibus, consentaneum est in eo inesse. Nam cum tria sint, vnumquodque quasi principium quoddam est. Tria autem voco supra & infra, antè & eius contrarium, dextram partem & sinistram. Hæc enim interualla aut dimensiones consentaneum est in perfectis naturis & corporibus omnes inesse. Est autem superior pars longitudinis principium, dextra latitudinis, prior altitudinis. Præterea hæc aliter ex motibus intelligi possunt. Ea enim principia nomino, vnde motus in iis quæ mouentur, primum proficiuntur. A superiore autem parte accretio ducitur: à dextris, mutatio loci: à prioribus, motus qui manat à sensu. Priorem enim partem voco eam, in qua sensus insunt. Itaque non in omni corpore atque natura superior pars & inferior, nec dextra & sinistra nec prior & posterior querendæ sunt, sed in iis demum naturis quæ animo præditæ sunt, & in se motus principium habent. In nullo enim eorum quæ inanima sunt, vnde principium motus proficiatur, cernimus: quandoquidem eorum partim non mouentur omnino, partim mouentur illa quidem, sed non æquè omnem in partem: vt ignis in sublime tantùm, & terra in medium fertur. Sed in his quidem superiores & inferiores partes, dextrasque & sinistras cum dicimus, ad nos referimus. Nam aut ex dextris nostris appellamus, quemadmodum aruspices & vates: aut ex similitudine nostrarum vt partes statuæ: aut ex iis quæ contrario modo sitæ sunt, vt dextram eam quæ sinistra nostræ respondet, sinistram verò quæ contrà, & posteriorem eam quæ nostræ priori respondet. In his autem ipsis nullam distinctionem animaduertimus. Si enim contrariam in partem voluantur, contrarias & dextras & sinistras, & superiores & inferiores, & priores & posteriores esse dicemus. Itaque mirari licet Pythagoreos hæc duo tantùm dixisse principia, dextrum & sinistrum: quatuor autem reliqua prætermisisse, quæ non minus sint propria. Neque enim

minor est inter superiores & inferiores partes, & priores, & posteriores, quam inter dextras sinistrasque in omnibus animantibus distinctio. Hæ enim viribus tantum differunt, illæ etiam figuris: & superiores ac inferiores animatis omnibus datæ sunt, æquè animalibus, ac iis quæ gignuntur è terra: dextræ autem & sinistra in iis non insunt, quæ è terra oriuntur. Præterea cum longitudo latitudine prior sit & antiquior, si superior pars longitudinis principium est, & dextra latitudinis, prioris autem prius est principium: certè superioris partis prior est, quam dextræ origo. dicitur enim multis modis prius alterum altero. Præterea si superior pars est unde motus proficiscitur, dextra id à quo, prior id quò fertur: hoc etiam modo superior pars vim quandam principij ad cætera genera obtinebit. Quòd igitur principia ea quæ principatum potius tenent, prætermiserint, & hæc ipsa æquè in omnibus inesse putauerint, iure sunt illi quidem reprehendendi. Quoniam autem nos antè exposuimus hæc ipsa in omnibus inesse, quæ motus principium haberent, cælumque animatum est: & motus principium in eo est, profectò superiorem partem & inferiorem, dextramque & sinistram habet. Neque enim dubium esse debet, quòd globosa est uniuersi figura & forma, quæ possit eius pars esse superior, & inferior, dextra & sinistra, cum sint omnes eius partes similes, moueanturque semper: sed ita cogitandum est, ut si quis eis quorum inter dextram & sinistram partem etiam figuris est distinctio, globum circundaret. Habebunt enim vim diuersam, etsi minimè appareat propter figuræ similitudinem. Eadem est principij motionis ratio. Ut enim nunquam principium habuerit, tamen principium habeat necesse est, unde moueri cœpisset, si cœpisset: & si insistat, rursus moueretur. Longitudinem autem eius voco intervallum id quod est inter vertices, & verticem unum superiorem, inferiorem alterum. Ex his enim tantum dissimilitudinem hemisphæriorum intelligimus, quòd vertices non mouentur. Quinetiam latera mundi nõ superiorem partem nec inferiorem solemus dicere, sed id quod est præter vertices, quòd in eo sit longitudo. Id enim ad latus pertinet, quòd extra superiores & inferiores partes relinquitur. Vertex autem is qui supra nos cernitur, inferior pars est: qui autem non apparet, superior. Dextram enim cuiusque partem dicimus, unde prin-

principium ducitur motus qui per locum fertur. Principium verò
 celestis conuersionis, vnde ortus astrorum. Ita in hoc erit dextra
 pars: vbi autem stellarū obitus, sinistra. Si ergo à dextris incipiat,
 & dextrorsum in orbē feratur, vertex is qui oblitescit, superior sit
 pars necesse est. Si enim is sit, qui apparet, motus in sinistram erit.
 quod non dicimus. Perspicuum est igitur verticem eum qui obli-
 tescat, superiorem celi esse partem, eosque qui illic habitent, in su-
 periore hemisphærio esse, & in dextris partibus: nos verò inferio-
 rem, & sinistra loca incolere contrà ac Pythagorei sentiunt. Nos
 enim illi in superiore & in dextra parte esse faciunt, eos verò in
 inferiore atque sinistra parte, qui illa loca incolunt. Quòd contrà
 fit. Sed in superioribus secundæ circunuectionis, id est, eius orbis in
 quo stellæ errantes sunt, partibus, & in dextris habitamus: illi
 autem in inferioribus & sinistris. In contrarium enim his motus
 principium ducitur, quòd sint motus contrarij. Ita fit, vt nos in
 principio simus, illi in termino. Ac de partibus quidem, quæ ex in-
 teruallis & dimensionibus intelliguntur, & iis quæ ex loco distin-
 ctæ sunt, hæc dicta sint. Quoniam autem conuersio conuersioni Cap. 3.
 contraria non est, cur motus plures sint videndum est. Quanquam
 autem procul ab his remoti hanc questionē tractare conamur, nec
 tam longè locorum interuallis disiuncti, quàm quòd eorum quæ in
 ea cadunt, penitus exiguum sensum habemus. dicamus tamen. Cau-
 sa autem eorū ac principium hinc ducendum est. Vnumquodque eo-
 rum, quorum opus est, operis est gratia. Dei autem actio est immor-
 talitas, quæ in vita posita est sempiterna. Ita necesse est ei quod di-
 uinum sit, motum æternum conuenire. Quoniam autem calum tale
 est (natura enim quædam diuina est) ob eā causam rotundū ei cor-
 pus datum est, quòd nature vi circum se perpetua agitatione tor-
 quetur. Cur ergo totum celi corpus non est eiusmodi? quia aliquid
 corporis necesse est in medio manere. Huius autem pars nulla quies-
 cere nec omnino, nec in medio potest. Etenim eius nature aptus
 esset motus is qui in medium fertur. Atqui natura sua in orbem
 voluitur: motus enim ille æternus non esset. nihil enim quòd fit
 repugnante natura, est perpetuum. Quòd autem fit repugnante
 natura, eius posterior est, quàm eius quòd nature aptum est, origo:
 discessusque est quidam ab eo quod nature est accommodatum,
 C. iij.

id quod à natura abhorret. Terra ergo sit necesse est, quando quidem in medio quiescit. Si terram necesse est esse (positum hoc sit, moueri terram non posse, de quo post differemus) si terram, inquam necesse est esse, & ignem. Contrariorum enim si vnum natura fecit, alterum etiam eadem effecerit necesse est: si sit contrarium, eiusque ut sit natura quaedam necesse est. Eadem enim materia est contrariorum, & negatione prior est affirmatio, ut calor frigore. quies verò & grauitas ex motus lenitatisque priuatione dicuntur. Atqui si ignis & terra sunt, ea etiam corpora sint necesse est, quæ medium eorum locum tenent. Repugnantiam enim inter se elementa omnia habent. hoc etiam positum sit nunc, post autem docere conabimur. His ita positis, perspicuum est, ortum esse oportere, propterea quòd nihil eorum æternum esse possit. Accipiunt enim & quasi patiuntur alia ab aliis itémque faciunt contraria, aliaque ab aliis interimuntur. Præterea non est consentaneum, aliquod mobile perpetuum esse, cuius naturæ aptus esse non possit motus æternus. Atqui horum interdum non semper motus est. Ex his ergo perspicuum est, ortum esse oportere: si ortum, alius etiam motus sit aut vnus aut plures necesse est. Pro motus enim vniuersi ratione elementa etiam inter se eandem rationem habere debent. Sed de his alia disputatione mox planius differetur. Nunc hoc tantum perspicuum est, quam ob causam plura sint rotunda corpora, nempe quòd ortus esse debeat, ortus autem ita est necessarius, si etiam ignis est: hic autem & cætera si & terra: hæc porrò ob eam causam necessaria est, quòd aliquid perpetua quiete teneri oporteat, si modò aliquid necesse sit perpetuo motu cieri. Cæli autem figura globosa & rotunda sit necesse est. Hæc enim & essentiæ apta est & accommodata maximè, & prima naturæ ordine. Primum autem de toto figurarum genere, quenam prima sit, tam in planis, quam in solidis dicamus. Omnis igitur figura plana, aut lineis in rectum ductis, aut linea in orbem inflexa continetur: ac ea quidem quæ lineis in rectum ductis concluditur, pluribus lineis: inflexa autem in orbem, vna tantum circumscripta est. Quoniam autem in quoque genere naturæ ordine prius est & antiquius, id quod vnum est pluribus, & quod simplex eo quod ex pluribus constat, profectò in planis figuris circulus principatum obtinet. Præterea si id perfectum est, à quo pars nulla abesse

Cap. 4.

abesse potest, & ad rectam lineam accessio fieri potest, rotunda au-
 tem nihil addi potest: perspicuum est eam perfectam esse, qua or-
 bis continetur. Ita si prius est id quod perfectum est eo quod incho-
 atum, ex his etiam prima figurarum planarum erit circulus. Ea-
 demque ratione globus in solidis primum locum tenebit. Solus enim
 hic una extremitate continetur. Quæ autem rectis lineis con-
 stant, pluribus. Quem enim locum in planis figuris circulus, eum
 in solidis sphaera, id est globus tenet. Quinetiam ij qui corpora in la-
 titudines & extremitates diuidunt, & ex iisdem constare faciunt,
 his assentiri videntur. Sphaeram enim solam solidarum non secant,
 ut quæ extremitates plures una non habeat. Quod enim in extre-
 mitates diuiditur, non ita diuiditur, ut si quis totum in partes seca-
 ret, sed in ea quæ specie differunt. Ac illud quidem perspicuum est,
 globum primas in solidis figuris tenere. Est etiam consentaneum, ma-
 xime iis qui ex numero ordinem reddunt & explicant, ita colloca-
 re, ut sphaeram uni, triangulum duobus, quoniam in eo duo sunt
 recti, tribuant. Si verò triangulum uni tribuatur, iam figura non
 erit circulus. Quoniamque prima figura primi est corporis, primum
 autem corpus est in extimo orbe, globosum sit necesse est id quod in
 orbem circumque fertur, & illi igitur continuatum atque coniun-
 ctum. Quod enim continuatum est ei quod globosum est, idem etiã
 est globosum. Eadem etiam ratio est eorum, quæ in horum sunt me-
 dio. Quæ enim ab eo quod rotundum est continentur & tangun-
 tur, ea tota rotunda sint necesse est. Atqui inferiores stellarum erran-
 tium partes, summam sphaeram contingunt. Omnis ergo rotunda e-
 rit, quandoquidem omnia sphaeras contingunt, cum eisque coherent.
 Præterea quoniam constat, & positum est uniuersum in orbem fer-
 ri, docuimusque extra summum orbem, nec inanitatem esse, nec lo-
 cum, ob has etiam causas rotundum sit necesse est. Si enim rectis li-
 neis concludatur, ita fiet, ut & locus extrinsecus sit, & corpus &
 inane. Quod enim recta linea descriptum est, id si in orbem torquea-
 tur, locum eundem nunquam tenebit: sed ubi prius erat corpus, nunc
 non erit, & ubi nunc non est, rursus erit, propter angulorum suc-
 cedentium vicissitudinem. Quod etiam fiet, si qua alia figura, quæ
 à medio non pares radios, qualis est lentis vel oui, ductos habeat. In
 omnibus enim efficietur, extra circumuectionem & locum esse &

inanitatem, quòd totum non eundem locum obtineat. Præterea si motuum mensura est cæli motus, quòd solus sit continuus, æquabilis & perpetuus, in quaque autem re mensura sit minimum quiddam, & minimus motus est celerrimus: profectò celerrimus omnium motuum cæli motus est. Atqui earum quæ ab eodem ductæ ad idem pertinet, minima est circuli linea, & ex minima motus celerrimus intelligitur. Ita si cælum in orbem voluitur ac versatur, idemque maxima celeritate fertur, globosum & rotundum sit necesse est. Atque etiam ex iis corporibus quæ in medio locata sunt, hoc ipsum perspicui potest. Si enim aqua terram, aër aquam, ignis aëra complectuntur, cælestes etiam nature simili eademque ratione: non enim his continuatæ sunt, sed ea contingunt. Aquæ porro extremitas rotunda est: & quod globosæ nature coniunctum est, aut circum id mouetur quod rotundum est, idem sit tale necesse est. Ex hoc igitur etiã perspicuum est, cælum globosum esse. Aquæ autem extremitatem talem esse perspicuum ita erit, si hoc positum sit, Aquam semper suaapte natura confluere solitã ad concavitates ampliores, & ampliores esse concavitates in iis locis, quæ ad centrum propius accedat. Ducatur ergo à centro AB , & AC rectæ lineæ, & producat BC linea, quoniã ea quæ ad perpendicularum ducta est, id est AD , minor iis est, quæ à centro ductæ sunt, profectò amplior est loci concavitas. Aqua igitur influet, quoad sit æqualis. Quoniam autem AE linea iis quæ à centro ductæ sunt, par est & æqualis, aqua in iis sit quæ à centro ductæ sunt, necesse est. tum enim denique quiescet. At ea quæ eas tangit, quæ à centro ductæ sunt, rotunda est. Aquæ igitur BE C rotunda est extremitas. Ex his ergo perspicuum est, & rotundum esse mundum, & ita accuratè subtilitèrque tornatum, ut nihil nec eorum quæ opere hominum adhibita manu effecta sunt, nec eorum quæ hîc oculis nostris subiiciuntur, hanc fabricam & solertiam vlla ex parte imitetur. Nihil enim eorum ex quibus hæc nostra effecta sunt, tantam æquabilitatem capere potest, tantamque subtilitatem & solertiam, quantam primi corporis quod circum medium fertur, natura. perspicuum est enim quam aqua ad terram rationem habeat, eandem etiam elementa habere, ut quod-

Cap. 5. que semper abest plurimum. Quoniam autem duobus modis aliquid in orbem torqueri potest, ut ab A vno motu ad B cieatur,

Et altero ad C: eos quidem motus non esse contrarios, antè dictum est. Quòd si nihil casus & fortuna in iis possunt, quæ æterna sunt, cælumque æternum est, motusque is qui in orbem fertur, cur in vnam potius partem, quàm in alteram fit cõuersio? Necessè est enim hoc etiam vel principium esse, vel eius esse principium. Dare quidè operam vt de nonnullis, & de omnibus iudicium tuum interponas, nihilque prætermittas, vel magnæ stultitiæ, vel insignis audaciæ fortasse videatur. Sed tamen non ex æquo omnes iure reprehendi possunt, dicèdique causa quæ sit videndum est, & præterea quomodo in assentiendo se gerat, vtrum more hominum, an constantius. Ac rationes quidem firmissimas & subtilissimas cùm aliquis assecutus est: tum inuentoribus habenda est gratia. Nunc autem id quod probabile est, dicamus. Si enim natura semper facit quoad eius fieri potest, id quod est optimum: & est quemadmodum eorum motuum, qui recta linea feruntur, is qui ad superiorem locum fert, præstantior (est enim superior locus inferiore diuinior) sic is qui antè fert eo qui ponè (si quidem dextra & sinistra pars, vt antè dictum est, eam inter se ratione habent: & quæstio quæ posita est cælum partem priorem & posteriorem habere declarat, hæc enim causa quæstionem explicat) si inquam quàm potest optimè constitutum est, hæc etiam causa erit eius quod queritur. Optimũ est enim cælo simplici motu, perpetuòq; cieri, atque in id quod est præstantissimum.

De eius autè motu, eum æquabilem esse, non inæquabilem sequitur vt differamus: id quod de primo cælo, & primo motu dictum volo. In inferioribus enim plures iã motus in vnũ conuenerunt. Si enim nõ æquabiliter moneatur, nõ est id quidem dubium, quin incitatio sit futura, & constans motus, & retardatio. Omnis enim quæ nõ est æquabilis motio, tũ incitatione habet, tum retardatione, tum constantiam. Constans autem motus est, vel vnde incipit, vel quò peruenit, vel in medio: vt fortasse in iis quæ naturæ vi mouentur, ibi est quò feruntur: in iis autem quæ contra naturã, vnde: in iis verò quæ iaciuntur, in medio. Atqui motui qui in orbẽ fertur, nec vnde, nec quò feratur datũ est, nec medium, nec principium, nec terminus, nec medium omnino. Nam & tẽpore æternus est, & longitudine cõiunctus, ac cohærens, & interrumpi non potest. Si ergo motus cæli nõ est cõstans, nec inæquabilis est, quippe cùm inæqualitas

Cap. 6.

in motu propter intentionem & remissionem existat. Præterea quoniã omne quod mouetur, ab aliquo mouetur, inæqualitas motus proficiscatur necesse est, vel ab eo quod motum affert, vel ab eo quod pulsū agitatur, vel ab utroque. Siue enim id quod motum affert, non eadem vi pellat, siue id quod motu cietur cõmutetur, nec idem permaneat, siue in utroque commutatio consequatur, nihil obstat, quo minus inæqualiter moueatur id quod mouetur: quorum nihil cadere in cælum potest. Quod enim motu cietur, id docuimus & primum esse, & simplex, ortusque & interitus expers, & vno nomine commutationis. Quod autem motum affert, id tale esse multo magis consentaneum est. Nam quod primum est, quod simplex, ortusque & interitu vacat, vim mouendi habet eius, quod primum est, quod simplex, quod sine ortu est & interitu. Quoniam igitur id quod mouetur cum sit corpus non mutatur, ne id quidem quod motum affert mutabitur, cum vacet corpore. Ita motus non æqualis esse non potest. Etenim si inæqualiter fieret, vel totus mutaretur, interdumque celerior esset, & interdum rursus tardior: vel eius partes. Perspicuum est quidem eius partes non esse inæquales. Iam enim interuallum astrorum immenso tempore extitisset, si vnum celerius, alterum tardius moueretur. At nihil interuallis mutatum esse cõstat. Nec verò totus motus mutari potest. Vnius cuiusque enim rei remissio ex imbecillitate nascitur: imbecillitas autem naturæ aduersatur. omnes enim in animantibus imbecillitates, vt senectus, & diminutio, contra naturam existunt. Tota enim fortasse animantium constructio ex iis constat, quæ suis ac propriis locis differunt. nulla enim pars suum locum obtinet. Quòd si in primis naturis nihil loci relictum est ei quod naturæ aduersatur (simplices enim sunt, omnisque admixtionis expertes, & suum locum tenent) nec quicquam eis est contrarium, profectò in eis non dominatur imbecillitas. Ita nec remissio, nec contentio. Si enim contentio, remissio etiam reperiretur. Præterea non est hoc consentaneum, id quod motum afferat, immenso infinitoque tempore non potuisse, & rursus alio etiam immenso afferre potuisse. Nam cum imbecillitas omnis naturæ sit aliena, nihil quod naturæ aduersatur, infinito tempore videtur esse, nec pari tempore sunt id quod naturæ aptum est, & quod ab eadem alienum, nec omnino posse & non posse.

Quòd

Quòd si motus se remittit, immenso tempore se remisit necesse est. Nec verò intendi potest semper, aut certè rursus potest remitti. Infinitus enim motus & incertus esset, cum omnè ex aliquo in aliud ferri dicamus, eumque finitum. Præterea hoc ipsum fiet, si quis ponat esse tempus quoddam minimum, & in breuiore quàm illud sit cælum moueri nequeat. Vt enim ingredi aut fides pulsare nemo quouis tempore potest, estque in quaque actione certum finitumque minimum tempus extra quod egredi non liceat: sic nec cælum quouis tempore moueri potest. Quod si verum est, nõ erit semper eius motus intentio, si non intentio, nec remisso erit. Vtrumque enim eorum peræquè ac alterum, si modò eadem celeritate, aut maiore incitetur, & immenso tempore. Restat ergo vt dicamus vicissim maiorem celeritatè & tarditatem motui cõuenire. Quod prorsus rationi contrarium est, & commentitium. Quinetiam magis consentaneum est, hæc nos non latere, præsertim cum facilius sensu percipiantur ea quæ inter se conferuntur. Ac vnum quidem cælum esse ac solum, atque id originis expers esse, & perpetuum, & præterea æquabiliter moueri, hæcenus dictum sit. Sequitur vt Cap. 7. de stellis, ex quibus constent, & quas figuras habeant, quique sint eorum motus, dicendum esse videatur. Cõsentaneum igitur est, maxime iis quæ dicta sunt, vt faciamus vnamquamque stellam ex eo corpore constare in quo motum habeat, quandoquidem quiddam esse dicimus, quod naturæ vi in orbè feratur. Vt enim ij qui eas igneas esse dicunt, idcirco dicunt quòd altissimũ corpus ignem esse aiunt, tanquam consentaneum sit vnamquamque constare ex iis in quibus quæque est: sic nos quoque dicimus. Calor autem ab eis & lumè proficiscitur, quòd aër ab earum motu atteratur. Solet enim motu ac conflictu, & ex lignis & lapidibus & ferro ignis elici. Consentaneum est autem ex eo magis elici quod est igni vicinius, propior verò est aër. Id quod in telis fieri cernimus. Hæc enim ipsa ita ignescunt, vt plumbum etiam colliquescat, & cum ardentia & flammea reddita sunt, hoc ipsum aër etiam qui circũfusus est, sentiat necesse est. Atque hæc quidem eadem calent, quòd per aëra ferantur, qui pulsus ictu ipso & conflictu igneus redditur. Vnaquæque autem stella in sphaera mouetur: ita vt ipsæ non ignescant, sed aër qui est infra naturæ rotundæ orbem, cum ille fertur, necessariò

calefcit, atque ab eo maximè, in quo sol hæret. Itaque eius accessu
 & ortu, & cum supra nos est, calor oritur. Ac eas quidem non esse
 igneas, nec in igne ferri: hæc à nobis de illis dicta sint. Quoniam
 autem & stellæ moueri loco & totum cælum videtur, necesse est
 vel quiescentibus vtrisque hanc mutationem fieri, vel cum mouē-
 tur, vel cum vnum quiescit, & alterum mouetur. Vtraque quidē
 quiescere non possunt, modò terra quiescat. neque enim ea quæ in
 cælo videntur, existerēt. Ponatur autem terra quiescere. Relinqui-
 tur ergo aut vtraque moueri, aut cælum moueri, & stellæ quiesce-
 re, vel contrá. Si vtraque mouentur, non est consentaneum, easdem
 & stellarum & orbium esse celeritates. Vnaquæque enim pari, ea-
 demque erit celeritate, qua orbis in quo fertur. Videntur enim vnā
 cum orbibus pristinum locum repetere. Fit ergo vt simul & stella
 circulum lustrauerit, & circulus suo motu latus sit, cursumque
 suum confecerit. Non est autem consentaneum eandem rationem
 habere stellarum celeritates magnitudinésque orbium. nã orbis ha-
 bere, nihil absurdum est, sed necesse esse cõparationem habere cele-
 ritates cum magnitudinibus: vnāquāque verò stellam in his, nul-
 lo modo consentaneum est. Siue enim necessariò id astrum quod in
 maiore orbe fertur, celerius erit, perspicuum est etiam si astra alia
 in aliorum orbis transferantur, fore vt vnum celerius sit, alterum
 tardius, nec suos motus habeant, sed ab orbibus ferantur: siue id
 casu incidat, ne sic quidem erit consentaneū, vt in omnibus simul
 & orbis maior sit, & celerior motus stellæ quæ in eo hæreat. Nam
 nihil absurdum est vnā aut duas stellæ habere, omnes autem æ-
 què cõmentitium est. Præterea nec à natura aliquid fit vt res cule-
 rit, nec vbique aut omnibus cõuenit, id quod fortuna euenit. Quòd
 si rursus orbis quiescant, & stellæ moueantur, hæc etiam æquè a-
 liena erūt. Sic enim fiet, vt & celerius ea quæ extra sunt mouean-
 tur, & celeritates ex orbium magnitudine ponderentur. Quoniam
 ergo nec vtraque moueri consentaneum est, nec alterum solum: re-
 linquitur orbis moueri, & astra quiescere, fixaque orbibus ferri.
 Ita enim demum nihil absurdum eueniet. Consentaneum est enim
 maiorem maioris orbis circum idem centrum & medium esse cele-
 ritatem. Vt enim in aliis naturis maius corpus celerius motu suo
 cietur, sic etiam in rotundis. Maioris enim orbis partem maiorem
 auferunt

auferunt lineæ quæ à centro ducuntur. Ita consentaneum est, ma-
 iorem orbem pari tempore circum medium moueri. Ob eamque cau-
 sam cælum non diuidetur, & quòd docuimus continuatum esse v-
 niuersum. Præterea quoniam rotunda sunt sydera, quemadmo-
 dum & alij concedunt, & nobis consentaneum est dicere, qui-
 quidem ea ex illo corpore gignamus: eius autem naturæ quæ rotun-
 da est, duo per se motus sunt, volutatio, & conuersio: profectò si
 astra per se ac sua sponte mouentur, horum altero ciebuntur. At
 ne altero quidem. Si enim verterentur, in eodem loco manerent,
 nec loco mouerentur, quod & videtur & omnes asseuerant. &
 præterea eodem motu consentaneum esset moueri omnia. At so-
 lus ex astris sol hoc facere videtur, cum oritur & occidit, atque
 is non per se, sed propterea quòd aspectus noster procul ab eo di-
 stat. Aspectus enim cum longè intenditur, vertitur & vacillat,
 propter imbecillitatem, quod fortasse causa est, cur stella inheren-
 tes micare, vagæ autem nõ micare videantur. Nam quoniã erran-
 tes prope à nobis sunt, aspectus qui firmus est, facile ad eas perue-
 nit: ad inherentes autem tremit ac titubat, quòd propter longin-
 quitatem admodum longè intendatur. Tremor porrò eius facit, vt
 astrum moueri loco videatur. Nihil enim interest, aspectus mo-
 ueatur an id quod videtur. Illud etiam perspicuum est, non volui
 sydera. Quod enim voluitur, vertitur necessariò. at Lunæ facies
 quæ vocatur, semper apparet. Ita quoniam ea si mouentur per se,
 consentaneum est suis ac propriis motibus cieri: his autem moueri
 non videntur, perspicuum est ea per se non moueri. Præterea ab-
 surdum est nullum eis ingrediendi, & mouendi membrum dedisse
 naturam. (Nihil enim temerè natura facit) eamque animantibus
 consuluisse, & tam præstantes naturas neglexisse: sed quasi cõsul-
 tò ea membra omnia, quibus ingredi per se potuissent, denegasse eis
 videtur, & quàm longissimè eas ab illis quæ ingrediendi membra
 habent, seuocauisse. Itaque consentaneum est, & totum cælum ro-
 tundum, & vnūquodque astrum videri. Nam ad eum motum qui
 in se vertitur, nulla figura sphaera est aptior: sic enim & maxi-
 ma celeritate mouebitur, & facillimè locum eundem obtinebit.
 ad eum verò quòd antè aliquid mouetur, nulla minus quàm hæc,
 apta est. Minimum enim ad ea accedit, quæ per se mouentur. nihil

Cap. 9.

enim lacunosum habet, nihil eminens, ut ea figura quæ rectis lineis concluditur, sed figura ab iis naturis quæ ingrediuntur, abest distatque plurimum. Quoniam igitur necesse est cælum eo motu qui in se fertur, cieri, cæteraque astra, non per se ingredi ac commeari, rectè utraque rotunda sunt. Sic enim facillimè & illud mouebitur & hæc quiescent. Ex quibus illud etiã intelligitur, eos qui concentum quendam effici impulsu & motu orbium, quasi soni inter se respondeant dicunt, venusti in eo & minus necessarij sermonis rationem habuisse, quod certè falsum est. Videtur enim quibusdam necesse esse, impulsu tantorum corporum sonum confici, quippe cum ea etiam quæ hîc apud nos mouentur, conficiant, quæ nec tam magna sint, quàm sol & luna, nec tâta celeritate moueantur. præterea cum astra quæ tanta sunt & multitudine & magnitudine tanta celeritate hoc tali motu cieantur, fieri non posse aiunt, quin sonus conficiatur admirabili quadam magnitudine. Quibus positus, & hoc etiam, celeritates ex interuallis habere variorum modorum rationes, sonum modis temperatum confici dicunt motu siderum qui in orbem feratur. Quoniam autem absurdum videbatur, si hunc sonum minimè exaudiremus, id causæ esse dicunt, quòd à primo ortu hoc sonitu aures nostræ ita opplentur, ut à contrario silentio non internoscatur. Silentium enim & sonum inter se comparata discerni. Quamobrem ut fabris ævis ob consuetudinem nihil interesse videtur, sic idem hominibus vsuuenire. Sed hoc quæadmodum paulo antè dixi, concinnè & musicè dicitur, nec ita esse vllò modo potest. Non enim solùm absurdum est, nihil audire nos, cuius causam explicare conantur, sed hoc etiam, nihil pati sine sensu. Sonitus enim qui magnitudine præstant, etiam inanimatarum rerum magnitudines ac moles dirimunt, ut tonitru & saxa, & res valentissimas in partes diuidit. Cum autem tot tantaque corpora ferantur, sonusque ad spaciū multo magis, quàm est corporis quod mouetur magnitudo perueniat, & huc perueniat, & eius impetus ingenti quadam vi sit necesse est. Sed consentaneum est, nec audire nos, nec corpora sentire impulsū quædam maiorem videri, quòd nullus sonus eorum motu efficiatur. illud etiam perspicuū est, quæ sit causa horum omnium, & quid ea quæ dixi, vera esse cõfirmet. Quod enim quæsitū est, & Pythagoreos induxit, ut mo-

tu orbium concentum confici dicerent, id nobis est argumento. Omnia enim quæ feruntur, resonant, sonumque efficiunt. Quæ autem ei quod fertur inhaerent, aut in eo insunt, ut in nauigio partes, sonum efficere non possunt, nec ipsum nauigium, si in flumine vehatur. Atqui eadem ratione licebit dicere, alienum esse & absurdum, nisi malus & puppis tam magnæ nauis suo motu sonum efficiat, aut rursus ipsa nauis cum mouetur. Quid autem mouetur in eo quod non fertur, sonum efficit: in eo verò quod continenter mouetur, nec ictum facit, resonare non potest. Quapropter hoc loco respondendum est, si stellæ ferrentur vel in aëre, qui fusus est per vniuersum, vel in igne, ut omnes fatentur, necesse esse earum motu ingentem sonum effici, eumque huc postea peruenire, atque dissipare. Quod quoniam non videtur fieri, nec animatarum rerum proprio, nec violento motu vlla earum cietur: quasi natura futurum presentisceret, ut cum motus non talis esset, nihil esset eorum quæ locum hunc obsident, quod similem vim haberet. Ac astra quidem rotunda esse, nec per se moueri, diximus. De eorum autem ordine, Cap. 10. quemadmodum vnūquodque mouetur ex eo quod alia priora sunt, alia posteriora, & quibus intervallis inter se disiuncta sint, ex iis quæ in Astrologia traduntur, cognoscendum est. De his enim satis multa illic explicantur. Consentaneum est autem iis quæ disputata sunt, vniuscuiusque motus pro intervallorum ratione existere, ut alij celeriores sint, alij tardiores. Quoniã enim ponitur extrema cæli conuersio simplex esse, & citissima, aliorumque orbium tardiores atque plures (vnaquæque enim stella è regione cæli, cõtrarioque ei motu fertur in suo orbe) hoc iam consentaneum est, ut & quæ proxima est simplici & primæ circumuectioni, longissimo tempore cursum suum conficiat, & quæ remotissima, breuissimo. cæterarum autem semper quo quæque propius est ab illa, eo maiore, quo longius abest, eo breuiore tempore orbem suum lustrat. Quæ enim proxima est, facillimè superatur, quæ remotissima, difficillimè omnium propter locorum longinquitatem. Quæ autem in medio locatæ sunt, pro intervalli ratione, quemodmodum etiam Mathematici docent.

Figuram autem singulorum syderum rotundam esse rectè intelligere possumus. Quoniam enim conclusum est, ea nec per se moueri natura, & natura nihil sine causa ac frustra facit, perspicuum est

D. i.

eam dedisse figuram eiusmodi iis quæ non mouentur loco, quæ minimè apta sit ad motum. Atqui sphaera minimè apta est, propterea quòd nullum ingrediendi membrum ei tributum est. Ex quo efficitur, rotunda esse sydera. Præterea similis est omnium & vnius. Luna autem rotunda esse docetur ex iis quæ oculis nostris apparent. Neque enim cum crescit & senescit sapissimè vtraque ex parte curua, semel autem in duas partes secta videretur. & rursus iis quæ ex Astrologia petuntur: non enim sol cum deficit curuus esset. Ita si vnũ est astrum eiusmodi, non est id quidem dubium quin cætera etiã rotunda sint. **Cap. 12.** Cum autem duæ sint quæstiones, quæ à quouis re-
 Etè poni possint, danda opera est, vt quod videtur dicamus, quòd existinemus voluntatè & studium pudori potius, quàm audaciæ esse tribuendũ, si quis philosophiæ cupiditate incensus vel modici momèti rationibus cõtentus sit in iis rebus, de quibus maxima sunt inter nos cõtroversiæ & quæstiones. cum igitur multa sint eius generis, valde hoc mirũ est, quæ tandem causa sit cur non semper ea quæ plurimùm absunt à primo motu, pluribus motibus cieantur, sed ea quæ medium eorum tenent, pluribus. Cõsentaneum enim esse videatur, cum primum corpus vno tantum pulsu agitetur, id quod ei proximũ sit, minimis motibus, id est duobus cieri, & quod deinceps sequatur, tribus, aut aliquo tali alio ordine. Nunc autem cõtã fit. Paucioribus enim motibus sol & luna cientur, quàm astra quedã eorum quæ errantia dicuntur, etiam si longius iis absint à medio, & propius à primo corpore. Hoc autem aspectu de nonnullis planum factum est. Lunam enim vidimus cum bifariam ita diuisa esset, vt altera ex parte obscuraretur, ex altera luceret, sensim congregi cum stella quæ Martis dicitur, & eam quidem cum obscura illius parte abdita fuisset, tandem ex parte illius lucida emergere. Similique ratione de cæteris etiam stellis loquuntur, qui earum rationem quondam plurimis annis obseruauerunt, Aegyptij & Babylonij, à quibus multa fide digna de singulis syderibus accepimus. Hoc etiam iure quæri potest, cur in primo orbe tanta sit astrorum multitudo, vt omnis descriptio numerari nõ posse videatur: in vnoquoque autem reliquorũ vnum tantummodo, duo verò, vel plura in eodem orbe inherentia minimè appareant. De his autem præclarũ est quærere, vt maiorẽ eorum cognitionẽ habeamus. & quã-
 quam

quam exigua nobis adiumenta suppetunt, tantisque locorum interval-
 lis absumus ab iis quæ eis accidunt, non tamen iis, quæ hæc exquirunt,
 indigna hæc quæstio videbitur. Sed nos de eis ut de corporibus &
 rebus quæ ordine illæ quidē contineantur, animo autē prorsus va-
 cent, cogitamus, cum ut de rebus quæ actionis vitæque sint cōpotes,
 sentire debeamus. Sic enim quod euenit, rationi cōtrarium non vi-
 debitur. Videtur enim ei nature quæ optimè cōstituta est, præclara
 & firma cōstitutio sine actione cōuenire: ei verò quæ huic proxi-
 ma est, parua atque vna actione: iis autē quæ longissimè absunt,
 pluribus. Id quod in corporibus animaduerti licet. Aliud enim nul-
 la exercitatione adhibita, bene affectū est ac valet: aliud breui am-
 bulatione: aliquod & luctā & cursum & motū desiderat. rursus
 ne quouis quidē labore hoc bonū, sed aliquod aliud adipiscetur. Est
 autē difficile aut multa aut sæpe rectè efficere, veluti multos talos
 Coos iactare difficile est, vnum aut duos facilius. rursus cum hoc
 illius causa faciendū est, & illud alterius, & hoc etiā aliū. Vnū
 quidem vna ratione aut duabus facilius est assequi: quo autem plu-
 ribus, eo difficilius. Itaque officium ac munus astrorum tale exi-
 stimandum est, quale est illud & animantium, & eorum quæ stir-
 pibus sustinentur. Hic enim hominis plurima sunt munera. nam
 cum multa bona adipisci possit, multa etiā efficere aliorūque cau-
 sa. quod autem quàm optimè affectum est, nullam actionem nul-
 lumque munus requirit. quandoquidem in eo finis officiorum &
 summa consistit. Officiū autem semper in duobus cernitur, cum &
 id quò officium refertur, & quod ad finem refertur, suppetunt.
 Aliorum autem animantium pauciora sunt munera: iis verò quæ
 oriuntur è terra, exiguum quoddam & vnum fortasse tributū est.
 aut enim vnū est quiddam eis propositū, quod assequantur, ut etiā
 homini: aut certè multa omnia ducunt ad id quod est optimum. Ac
 eorū quidem partim quod optimum est, habent, eoque participant,
 partim ad illud propè perpauca accedunt, alia etiā pluribus asse-
 quuntur, nonnulla ne conātur quidem adipisci, sed satis eis est, si ad
 extremā eius partē accedant. Ut si exēpli causa, valetudo finis po-
 natur, aliud valet semper, aliud attenuatione, aliquid & cursu &
 tenuitate media, aliud etiam aliqua alia actione, quam cursus cau-
 sa susceperit. Ita multe sunt actiones & motiones, aliud verò est,

D.ij.

quod ad valetudinem peruenire, eamque recuperare non potest, sed cursum tantum sibi proponit, vel in eam, in eorumque altero finem constituit. Illum enim finem consequi optimum est omnibus: si minus, semper eo meliore sunt conditione, quo propius ad illud optimum accedent, ob eamque causam terra non mouetur omnino: quae autem propè sunt, paucis motibus cientur: non enim ad vltimum perueniunt, sed quantum ad diuinissimum principium possunt contendere. Primum autem caelum vno motu id statim consequitur: quae verò interiecta sunt inter primum & extremum, perueniunt illa quidem, sed multis motibus. Sed de quaestione, in primo quidem orbe qui vnus est, magnam vim astrorum constituisse, vnumquodque verò ceterorum astrorum suos ac proprios motus accepisse, per vnum id conuenire primum, rectè existimari potest. Hoc enim intelligendum est, cum de quaque vita & principio agitur, primam vitam, primumque principium ceteris multo antecellere. Quae quidem hic vsuueniunt, nec iniuria. Prima enim vita, primumque principium, quod vnum est, multis diuinis naturis & corporibus motum affert. ceterae autem quae multae sunt, vnum tantum pellunt. Vnaquaeque enim stellarum errantium multis motibus cientur. Sic ergo natura aequabilemtributionem adhibet, ordinèque quodam omnia distinguit, quae & vni motui multa corpora, & vni corpori multos motus tribuit: & praeterea ob eam causam vnum corpus habent ceteri orbes, quod multa pellunt corpora ij qui citimo, atque eo qui astrum vnum continet, superiores sunt. Multis enim orbibus citimus inherens mouetur: & vnusquisque orbis corpus est. Illius ergo commune munus est & officium, praesertim cum & ille ipse proprius sit cuiusque motus suapte natura, & hic fit quasi accessio quaedam. Vis autem vnus corporis quod finitum est, ad finitum refertur. Ac de astris quidem, quae in orbem feruntur, quanam sit eorum vis & ratio, quaeque figura, & de motu eorundem ac ordine, diximus. Restat, vt de terra dicamus, vbi locata sit, & vtrum quiescat, an moueatur, & de eiusdem forma ac figura. De situ quidem non omnes consentiunt. sed cum eam plurimi in media mundi sede locatam dicant eorum qui totum caelum finitum esse asserunt, contra ij qui Italiam incolunt, qui iidem Pythagorei vocantur, sentiunt. In medio enim ignem esse dicunt, terram autem

quae

Cap. 13.

quæ sit vnum astrorum, motu suo quo circum medium feratur, no-
 tes & dies efficere. Præterea aliam terram contrariam fabrican-
 tur, quam ἄντιχθον, id est terram contrariam vel aduersam no-
 minant: nec ex iis quæ videntur, rationes & causas rerum exqui-
 runt, sed ea quæ videntur ad opiniones quasdam & rationes suas
 accommodant, ornareque conantur orationem suam. Aliis etiam
 permultis placebit terræ medium mundi locum reddi non oportere,
 qui verum non ex iis quæ videntur, sed potius ex rationibus ex-
 quirent. Ei enim quod est præstantissimum, honestissimum locum
 dari censent oportere. Esse autem ignem terra præstantiorem, & fi-
 nem iis quæ in medio locata sunt: id autem quod extremum & me-
 dium est, esse finem. Ex quibus concludentes non putant terram in
 media spheræ parte esse locatam, sed ignem. Quod præterea Py-
 thagorei censent ob eam etiam causam, quòd maxima cum dili-
 gentia præcipua pars vniuersi custodienda sit; qualis sit medius
 mundi locus. Itaque ignem qui eum locum obtinet, Iouis custodiam
 nominat: quasi verò medium vno modo diceretur, mediūque ma-
 gnitudinis etiam rei & nature medium esset. Atqui quemadmo-
 dum in animantibus non idem est animalis & corporis medium, sic
 etiam de toto celo potius iudicandum est. Quocirca ea causa & ra-
 tione non perturbari debent, cum de vniuerso disputatur, nec si-
 ue custodiam siue carcerem ad centrum reuocare, sed querere illud
 medium quale & ubi natura voluerit esse. Illud enim medium &
 principium est, & præstabile: loci autem mediū finis magis, quàm
 principij vim naturamque imitatur. Quod enim terminatur, me-
 dium est: finis autem & terminus, id quod determinat. Atqui res
 quæ continet, & finis, eo est quod terminatur, præstantior: præ-
 fertim cum hoc materie, illud forme vim obtineat. Ac de loco qui-
 dem terræ hæc nonnullorum sententia est. Itemque de quiete at-
 que motu: non enim eadem est omnium sententia: sed qui eam in
 media mundi sede locatam esse negant, circum medium volui eam
 asserunt, neque hanc solum, sed eam etiam quæ ei aduersa est,
 quemadmodum paulo antè diximus. Nonnullis autem multa etiam
 huiusmodi corpora circum medium ferri posse videntur, quæ no-
 bis terræ obiectu oblitescant. Itaque plures lune quàm solis defe-
 ctiones tradunt existere. Vnumquodque enim eorum quæ feran-

D iij.

tur, ei obiici & interponi, non solam terram. Quoniam enim non est terra centrum, sed toto ipsius hemisphaerio ab eo distat, nihil obstare aiunt, quo minus ea quae apparent, eueniant, non aliter nobis qui in centro non habitamus, ac si terra in media mundi sede locata esset. neque enim nunc eam cum dimidia mediae lineae parte absumus, quicquam nobis ostendere. Sunt quibus eam in medio mundi loco sitam circum verticem eum qui per vniuersum pateat, verti placeat: quemadmodum in Timaeo scriptum est. De eius etiam figura variae sunt sententiae. Aliis enim rotunda videtur esse, aliis aequalis & plana, & figura tympani specie. Idque hinc perspicui dicunt, quod solis orientis & obeuntis rectam, non rotundam eam partem quae delitescat, terra reddere videatur, quasi oporteret, si rotunda esset, diuisionem rotundam fieri. At ipsi non reputant intervallum solis a terra, & magnitudinem ambitus, quemadmodum eminus in paruis circulis rectus videri solet. Ex quo apparet, eos hac specie adduci non debuisse, ut terram non rotundam esse crederent. Sed hoc addunt praeterea, terram ut quiescat, hac figura esse oportere. Multis enim modis de terra & motu & quiete disputatum est. Ac omnibus quidem necesse est de hoc quaerere. Fortasse enim mentis est & animi a ratione nimium auersi, non admirari qui tandem parua terrae particula, si a loco superiore iaciatur, feratur, nec manere velit, & maior semper celerius: tota autem terra si quis eam a superiore loco protruderet, non moueretur, & nunc tantum pondus quiescat. Atqui si quis tum cum eius partes pelluntur, ante quam deciderent, terram detraheret, nulla re impediante deorsum ferrentur. Quapropter iure se omnibus quaerendo philosophia patefecit. Eos autem non dedisse operam, ne quaestiones explicationes ipsa quaestione absurdiores viderentur, hoc profecto quispiam mirabitur. Quidam enim, in his Xenophanes Colophonius, ob eam causam inferiores terrae partes immensas dicunt, cum eam in infinitum quasi radices egisse asseuerant, ut ne molestiam suscipiant si causam velint exquirere. Itaque Empedocles his eum versibus reprehendit,

Si modo sunt immensa soli ima, & latior aether,

Ut stultis celebrauerunt sermonibus olim

Ora virum, species quibus est incognita mundi.

Alij

Alij autem eam in aqua locatam esse volunt. (Hanc enim sententiam vetustissimam accepimus, cuius authorem faciunt Thalem Milesium) quasi quiescat, propterea quòd innatet, quemadmodum lignum, aut aliquid aliud eiusdem generis. Nam horum nihil in aère, sed in aqua natura solet consistere. quasi verò non sit eadem ratio terræ, & aquæ quæ terram vehit. Neque enim aqua suspensa manere solet natura, sed aliquo sustinetur. Præterea cum ut aër aqua leuior est, sic aqua terram leuitate superet. Quid eis in mentem venit id quod leuitate præstat inferiore in sede, quàm id quod grauius est suapte natura, locare? Præterea si hoc natura toti terræ dedit, ut in aqua maneat, non est dubium, quin vnicuique etiam eius partium hoc tribuerit. Nunc hoc fieri non animaduertimus, sed quæuis pars ad infimum locum mouetur, eoque maiore celeritate, quo fuerit amplior. Sed videntur isti quãdam partem huius questionis attingere, nõ eam tractare quatenus potest. Nobis enim omnibus hoc in more positum est, ut non cum re ipsa id quod agitur exquiramus, sed cum eo qui contra disputat. Is enim secum ipse rem exquirat eatenus, quoad iam sibi ipse obiicere nil potest. Itaque eum oportet, qui rectè velit de re proposita quærere, aptum esse ad occurrendum & obiiciendum ea quæ cuiusque generis sunt maxime propria. Quod in eo positum est, ut omnes dissimilitudines habeamus cognitatas. Anaximenes autem, & Anaxagoras, & Democritus planiciem causam esse dicunt, cur ipsa maneat & quiescat. non enim eam diuidere ac secare, sed operire aëra qui infra sit: id quod ea res quæ latitudine præditæ sunt facere videntur. Hæ enim à ventis etiam vix depelli possunt propter firmitatem. Hoc ergo ipsum terram latitudine facere dicunt, contra vim subiecti aëris, qui cum non habeat quò aptè locum mutare possit, conglobatus infra quiescit, quæadmodum aqua in clepsydris. Posse autem conglobatum & quiescentem aëra magnum pondus sustinere, multis rationibus docent. Ac primùm quidem si figura terræ non plana esset, ista quidem ratione non quiesceret. Atqui non latitudo quietis eius causa esse, ex iis quæ afferunt concluditur, sed magnitudo potius. Nam quoniam in angustum locum compulsus & conclusus aër, nõ habet exitum, propter multitudinem quiescit. multus porrò est quòd à terra quæ magna est, coërceatur & conglobetur. Ita hoc idem

D.iiij.

obtinebitur, etiam si terra globosa sit & rotunda, & tãta magni-
 tudine. Quiescit enim illorum ratione & sententia. Omnino cum
 iis qui ita de motu differunt, non de partibus, sed de toto quodam
 & vniuerso controuersia est. Principiò enim constituendum est,
 vtrum corporibus aliquis motus à natura tributus sit, an nullus: &
 vtrum natura, an vi eis conueniat. Sed quoniam de his antè expli-
 catum est ea facultate qua potuimus, eis pro positis vtendum est.
 Si enim motus nullus eorum naturæ aptus est, nec violentus erit.
 Si nec naturalis nec violentus est, nihil prorsus mouebitur. Hæc
 enim necesse esse effici, antè expositum est, & præterea nihil posse
 quiescere. Vt enim motus natura vel vi conuenit, sic etiam quies.
 At verò si quis est motus naturalis, non erit motus violentus so-
 lum, & quies. Ita si vi nunc terra quiescit, in medium etiã vi ve-
 nit conuersione. Hanc enim causam omnes ex iis quæ in humori-
 ribus & aqua feruntur, & quæ in aëre fiunt, afferunt. In his enim
 semper maiora & grauiora in medium vorticis feruntur. Itaque
 omnes qui celum ortum esse faciunt, terrã ad medium venire con-
 firmant. Cur autem quiescat, causam exquirunt, aliique causam af-
 runt eius planiciem & latitudinem: alij autem vt Empedocles, cæ-
 li motum qui in orbem fertur, ac maiore celeritate, terræ motum co-
 hibere dicunt. Vt aqua in cyathis, quæ cum cyathus sæpe in orbem
 mouetur, & labrum infra est, tamẽ non deorsum fertur nec effun-
 ditur ob eandem causam, cum suapte natura eò feratur. At si nec
 conuersio prohibet, nec latitudo, sed aër qui cessit, quò tandem fe-
 retur? In medium enim vi fertur, & vi quiescit. Motus autẽ qui-
 dam eius naturæ accommodatus sit, necesse est. Is ergo vtrum in
 sublime, an deorsum, an in aliquem locum feretur? Aliquis enim
 sit necesse est. Quòd si non deorsum magis, quàm in sublime fer-
 tur, & aër qui superiorem locum tenet, eum motum qui in sublime
 fertur non impedit, neque is etiam qui sub terra est, motum qui
 deorsum fertur, impediet. Necesse est enim ea quæ eadem sunt eis-
 dem causam dare eorundem effectuum. Præterea contra Empedo-
 clem illud etiam dici potest. Cum enim initia rerum & elementa
 secreta erant à discordia, quæ tandem causa erat, cur terra quiesce-
 ret? Neque enim tum ad conuersionem causam referet. Illud etiam
 absurdum est, non cogitare terræ partes prius ad medium conuer-
 sione

sione ferri solitas : nunc autem ea omnia quæ gravitate prædita sunt, ob aliquam causam ad eam ferri. neque enim ad nos accedit conuersio. Ignem etiam in sublimè ferri aliqua causa cogit. neque enim conuersio. Quòd si ignis nature vi ad aliquem locum mouetur, profectò idem de terra iudicandum est. Atqui ne conuersione quidem quod graue est, & quod leue definita & distincta sunt: sed cum prius grauia & leuia essent, illa in medium ferebantur, hæc in superiorem locum. Erant igitur etiam ante conuersionem nonnulla grauia, leuia quædam: quæ qua tandem re definita sunt, aut quomodo aut quò feruntur natura sua? Neque enim extante infinitate locus superior & inferior esse vllò modo potest: & tamen his ipsis grauia & leuia definita sunt. At plurimi quidem in harum causarum expositione versantur. Sunt autem quidam, in iis ex veteribus Anaximander, qui terram propter similitudinem stare confirmant. Nihil enim eorum quæ in medio locata sunt, & eandem ad extrema rationem habent, magis ad superiora ferri, quàm deorsum, aut ad latera natura moueri decere. Simul autem in contraria nihil ferri posse. Ex quibus eam concludunt stare & quiescere. Hoc autem eleganter, non verè dicitur. Hac enim ratione & sententia quicquid in medio locabitur, id in eo necessariò stabit & quiescet. Ita ignis etiam quiescet. Quod enim allatum est, id terræ non est proprium, nec verò necessarium: præsertim cum non solum in medio quiescere, sed in medium etiam ferri videatur. Quò enim cunque eius quæuis pars fertur, eò etiam tota feratur necesse est. Quò autem aliquid natura fertur, id ibi etiam necesse est quiescere. Non igitur ob eam causam, quòd eandem ad extrema rationem habeat. Hoc enim commune omnium est: ferri autem in medium, terræ est proprium. Illud etiam absurdum est, quæ tandem sit causa, cur in medio terra stet, quærere, & non quærere cur in extremo ignis quiescat. Si enim illius etiam nature locus extremus & summus aptus est, non est dubium, quin necesse sit terræ quoque aliquem esse naturalem locum. Quòd si hic locus ei datus non est, sed propter necessitatem quam similitudo affert, quiescit: (quemadmodum id quod de capillo affertur, qui vehementer quidem, sed ex æquo omni ex parte tenditur, eum non disruptum iri: & quod de eo qui valde sitit & esurit, &

æquè ab esculentis & poculentis abest, eum enim necesse est quieto esse animo) quærendum eis erit de ignis quiete in summo loco. Sed illud quoque mirum est, eos de quiete quærere, & non quærere de eorum motu, cur vnum superiora capeßat, alterum deorsum nulla re impediante moueatur. Nec verum est id quod afferitur (tametsi ex accidente verum esse possit) quiescere oportere in medio id omne, quod nihilo magis huc quam illuc ferri deceat: non tamen ob hanc causam quiescit, sed mouebitur, si minus totum, at certè diuulsum atque diuisum. Eadem enim ratio in igne etiam valebit. Si enim in medio locetur, eum necesse est manere, non secus, atque terram. Quiuis enim eandem ad extrema signa rationem habet, sed tamen à medio feretur, sicuti etiam ferri videtur nisi quid prohibeat, in summum locum: sed hoc interest, quòd non totus ad vnum signum mouetur. (Hoc enim vnum necesse est effici & concludi ex ratione quæ à similitudine sumitur) sed pars eiusdem rationis, ad summum locum qui sit rationis eiusdem: veluti quarta pars ad quartam eius quod continet. punctum enim nulla est pars corporum. Vt autem si densius fiat ex magno in minorem locum venit, sic etiam ex minore in maiorem venit cum tenuius fit & rarius. Hoc igitur etiam modo terra à medio moueretur, ea quidem ratione quæ à simili ducitur, si hic locus natura terræ non conueniret. Ac de eius quidem figura, loco, quiete, & motu hæ ferè omnes sunt

Cap. 14. sententiæ. Nos autem primùm dicamus, moueaturne, an quiescat. Alij enim, quemadmodum diximus, eam vnum astrorum faciunt, alij in medio mundi loco sitam verti dicunt, & circum medium axem moueri. Quod fieri non posse, ita perspicuum erit, si hoc principium duxerimus, necesse esse eam, si feratur, siue sit extra medium, siue circum medium, eo motu qui vim ei afferat, cieri. neque enim terræ motus est proprius: quandoquidem vnaquæque eius pars hoc ipso motu cieretur. nunc autem rectis lineis omnes in medium feruntur. Itaque si violentus esset, naturæque alienus, perpetuus esse non posset. Mundi autem ordo & ornatus æternus est. Præterea cum omnia quæ in orbem feruntur, post relinqui à primo motu & pluribus motibus ferri præter primum orbem, videantur: terram etiam necesse esset,

set, siue circum medium, siue in media mundi sede locata feratur, duobus motibus ferri. Quod si fieret, necesse esset tum progressus, tum regressus ac reuersiones existere stellarum inerrantium. Hoc autem non videtur fieri, sed semper eadem iisdem in locis ipsius & oriuntur & occidunt. Præterea motus eius totius & partium naturalis in medium vniuersi locum fertur. Nam vt nunc etiam in centro sit locata, quæret quispiam, cum idem sit vtrorumque medium, ad vtrum, ea quæ graua sunt, & partes terræ suapte natura ferantur: vtrum quia vniuersi medium est, an quòd terræ. Necesse est autem ad medium mundi locum. Etenim leuia & ignis, quæ contrario motu ac graua feruntur, ad summum & extremum medium eius loci qui complexu suo omnia continent, mouentur. Accidit autem vt idem sit terræ medium & vniuersi. fertur enim in medium terræ, sed per aliud hoc ipso quòd medium habet in vniuersi medio. Ferri autem graua in terræ medium hinc sciri potest, quòd ea pondera quæ in illam feruntur, non lineis pari inter se interuallo distantibus, sed ad pares angulos mouentur. Ex quo fit, vt in vnum medium, & in illud terræ ferantur. Perspicuum est igitur, terram in media mundi sede locatam esse oportere, & immobilem, ob eas causas quæ expositæ sunt, & quòd ea graua quæ vi sursum iaciuntur, ad perpendiculum rursus in eundem locum feruntur, etiamsi sine modo ac fine vis iecerit. Ac illud quidem ex his perspicuum est, nec moueri terram, nec extra medium locatam esse. Hoc præterea ex iis quæ dicta sunt, perspicuum est, quanam sit causa cur quiescat. Si enim hoc ei natura dedit, vt vndique in medium feratur, vt videtur, & ignis rursus à medio natura mouetur, profectò quæuis eius pars à medio ferri sine vi non potest. Vnus enim motus vnus est, & simplex simplicis, non contrarij. At is qui à medio, ei qui in medium fertur, est contrarius. Si ergo quæuis pars terræ à medio ferri non potest, profectò maiore ratione fieri non potest, vt tota moueatur. Quò enim pars natura ferri solet, eò etiam totum. Ita si moueri loco nisi à maiore vi non potest, in media mundi sede stet, & quiescat necesse est. Hæc etiam confirmant ea quæ à mathematicis in Astrologia traduntur. Quæ enim in cælo videntur, eueniunt, cum figuræ

mutantur, quibus astrorum descriptio continetur, quasi in media mundi sede terra locata sit. Ac de eius quidem & loco, & quiete, & motu quemadmodum sunt, hæc dicta sint. Eadem autem rotunda sit necesse est. Vnaquæque enim pars pondus habet vsque ad medium, minorque à maiore pulsa, fluitare non potest, sed comprimi potius, & altera alteri cedere, dum ad medium venerit. Quod verò dico ita intelligendum est, ut si eo modo existeret, quo etiam nonnulli physici fieri asseuerant, nisi quòd illi vim causam esse faciunt, cur deorsum feratur, cum melius sit id quod verum est ponere, ac profiteri, hoc ipsum propterea fieri, quòd naturam & vim eam habeat id quod gravitate sit præditum, ut in medium feratur. Cum ergo confusa essent omnia, eamque vim haberent, ut ad ordinem adduci possent, quæ secernebantur vndique ex æquo ad medium mouebantur. Siue igitur partes distinctæ ab extremis ad medium commeent, siue aliquo alio modo se habeant, idem facient. Ac illud quidem perspicuum est, si peræquè omni ex parte ab extremis ad vnum medium ferantur, similem omni ex parte magnitudinem oportere existere. Si enim par & æquale aliquid omni ex parte addatur, extremum æquè à medio absit necesse est: qualis figura sphaera est. Nihil autem ad rem intererit, si eius partes non vndique ex æquo ad medium concurrant. Maior enim semper minorem quæ antegreditur, impellat necesse est, cum vsque ad medium vtraque pondere suo feratur, & maius pondus eousque minus impellat. Quod enim quispiam quærere potest, eandem habet quam hæc explicationem. Si enim terra medium mundi locum teneat, rotundaque sit, & multo maius pondus in altero hemisphærio consequatur, idem medium totius & terræ nõ erit. Ita aut in medio non stabit, aut certè si stabit, quiescet etiam non in eo medio locata, quòd nature vi nunc quoque mouetur. Hoc quidem est quod quæritur. Non erit autem difficile intellectu, si parumper considerauerimus & explicauerimus, quem modum censeamus, quamuis amplam magnitudinem, quæ gravitate sit prædita, tenere oportere, cum ad medium mouetur. Perspicuum est enim, hunc modum non vsque ad extremum centrum progredi, sed maius pondus vincere oportere, quoad medio suo medium attigerit. Nam eousque fertur suo pondere.

Nihil

Nihil ergo interest idne in gleba & quavis parte, an in tota terra dicamus. Neque enim propter paruitatem, aut magnitudinem euenire id quod accidit, dixi, sed hoc de omni re quæ suo pte pondere ad medium mouetur, intellectum volo. Ita siue tota alicunde ferbatur, siue eius partes, feratur necesse est semper, dum æquè omni ex parte medium teneat, maioribus minores impulsu ponderis cogentibus. Siue ergo orta est, hoc modo orta sit necesse est, vt perspicuum sit eam à primo ortu suo rotundam fuisse: siue originem nõ habuit, sed semper manet, eo modo se habeat, quo si etiam principio orta esset. Ergo hac quidem ratione eius figura globosa, & rotunda sit necesse est, & quòd omnia pondera ad pares angulos feruntur, non paribus inter se disiuncta spaciis, quod in eo solet contingere, cui natura figuram rotundam dedit. Aut igitur rotunda est, aut rotunda suapte natura. Vnaquæque autem res talis dicenda est, qualis natura vult esse, & qualis est, non qualis vi, & contra naturam effecta est. Quod etiam ex iis quæ sensu animaduertimus intelligi potest. Neque enim lunæ defectiones, tales sectiones haberent. Nunc enim in iis quidẽ figuris quas singulis mensibus induit, omnes habent distinctiones. Nam & recta existit, & vtraque ex parte curua, & concaua. Deficiens autem semper inflexam lineam habet, quæ distinguit. Ita fit, vt quoniam terræ obiectu deficit, terræ ambitus qui rotundus est, figuræ causa sit. Præterea ex astrorum contemplatione non solum perspicui potest eius rotundus ambitus, sed eius etiam parua magnitudo. Cùm enim paulũ ad meridiem & septentrionem progredimur, perspicuè alius nobis finiens orbis ostenditur, ita vt in syderibus quæ supra caput sunt, magna mutatio consequatur, nec eadem iis qui ad austrum & aquilonem comitant, videantur. Quædam enim stellæ in Aegypto, & in Cypro videntur, iis autem in locis quæ ad Aquilonem pertinent, nõ videntur: & eæ stellæ quæ semper in locis Aquilonem spectantibus videntur, in illis occidunt. Quapropter non solum ex iis perspicuum est, figuram terræ rotundam esse, verum etiam nõ magnus eius globus esse intelligitur. Non enim ita citò claram & illustrem mutationem faceret iis qui tam breui cursu locum mutant. Itaque ij qui eum locum qui columnis Herculis finitimus est, coniunctum esse Indiæ, & ita vnum mare esse existimant, non ea afferunt,

quæ valde incredibilia sint. Sed & ex elephantis etiam id intelligi dicunt, quòd in vtrisque illis locis quæ extrema sunt, genus eorum existat: quasi extremis hoc acciderit propter eam quam habent coniunctionem. Mathematici quoque omnes qui circuitus eius magnitudinem exquirere & dimetiri conantur, eum quadraginta stadiorum millia patere dicunt: ex quibus si ratiocinemur, non solum rotunda moles terræ necessariò erit, sed etiam non magna, si cum astrorum magnitudine conferatur.

ARISTOTELIS DE CAELO LIBER III.

Cap. I.



DE primo quidem cælo ac partibus, & præterea de astris quæ in eo videntur, ex quibus constant, quæque ac qualis eorum natura sit, eaque nec orta esse, nec interire posse, paulo antè explicauimus. Quoniam autem eorum quæ natura esse dicuntur, partim res sunt, partim earum opera & affectiones: (res autem essentiâsque voco & simplices naturas, ut ignem ac terram, quæque eiusdem sunt cuius hæc generis, & quæ ex eis constant, ut totum cælum eiusque partes & rursus animantia & quæ oriuntur è terra, & partes eorum: affectiones autem & opera, motus vniuscuiusque horum, & aliorum quorum causæ sunt vi sua hæc initia & quasi elementa, & præterea commutationes & eorum inter se mutationes ac vicissitudines) perspicuum est eam cognitionem & scientiam quæ de natura est, in corporibus maxima ex parte versari. Omnes enim naturales essentiæ aut sunt corpora, aut cum corporibus magnitudinibusque nascuntur. Hoc autem & ex definitione qua qualia sint quæ natura constant, explicatur, & ex singulorum contemplatione intelligitur. Ac de primo quidem elemento dictum est & quale sit natura sua, & interire illud non posse, & non habuisse originem. restat autem ut de duobus disseramus. Simul autem fiet ut cum
de his

de his dicemus, de ortu etiam & interitu disputemus. Nam aut ortus non est omnino, aut in his tantum elementis, & iis quæ ex illis constant, cernitur. Sed hoc ipsum fortassis primum an sit necne, videndum est. Philosophi quidem qui antea de veritate disseruerunt, & iis rationibus quas hoc tempore afferimus & inter se ipsi discreparunt. Eorum enim nonnulli ortum & interitum funditus sustulerunt. Rem enim nullam oriri volunt nec interire, sed tantum nobis videri, ut Melissus & Parmenides, qui si alia etiam præclare dicunt, ac certe non ex naturæ arte existimandi sunt dicere. Esse enim naturas quasdam, quæ ortæ non sint, & quæ omnino immobiles, docere alterius est potius ac prioris, quam physica rationis ac disputationis proprium. Illi autem quia nihil aliud præter res quæ sub sensum cadunt, esse existimabant, talisque naturas quasdam esse primi intellexerunt, si qua esset cognitio & prudentia, sic ad hæc rationes quæ illius erant propriæ, transtulerunt. Alij autem nonnulli, quasi de industria, in alia quæ huic contraria est, fuerunt sententia. Sunt enim qui nihil origine & ortu vacare dicant, sed oriri omnia, cum autem orta sunt, eorum partim manere, partim rursus interire. in his maxime ac primum Hesiodus, deinde ceteri etiam qui primi de natura disputarunt. Alij alia omnia oriri labique dicunt, nihil autem stabile esse: vnum verò quiddam tantum permanere, ex quo hæc omnia figurari natura possint. quod placuisse cum plerisque aliis, tum Heraclito Ephesio videtur. Sunt nonnulli qui etiam omne corpus ortum faciunt, & ex extremitatibus conflant, in extremitatesque dissolunt. Ac de aliis quidē alia sit disputatio: facile autem est videre quæ alioqui contra mathematicorum artes dicantur, qui ita loquuntur, conflantque omnia corpora ex extremitatibus. Quamquam æquum erat aut eas non conuellere, aut rationibus eas conuellere, quæ plus quam ea quæ ponuntur, ad faciendam fidem valerent. Deinde non est dubium, quin eiusdem sit rationis & solida ex extremitatibus, & extremitates ex lineis, & lineas ex punctis conflare: quibus positis, non est necesse lineæ partem esse lineam. Sed de hoc, non esse indiuiduas longitudines, antè in libris de motu disputatum est. Quæ autem incommoda in corporibus naturalibus sequantur eos, qui lineas indiuiduas faciunt, nunc paulisper videbimus.

Quæ enim incommoda in illis sequuntur, in naturalibus etiã consequentur: quæ autem in his, in illis non omnia: propterea quòd mathematica ex detractiõne, naturalia verò ex additiõne dicantur: & multa sunt quæ indiuiduis conuenire non possunt, quæ eadem naturalibus necesse est cõuenire, vt si quid diuidi potest. In eo enim quod indiuiduum est, id quod potest secari inesse non potest. Ea autem quæ accidunt, omnia duobus modis diuidi possunt, per formas, aut per accidens. Per formas, vt colorum alius albus est, alius niger: per accidens, vt si id cui color cõuenit, diuidi potest. Ita fit, vt omnes simplices affectiõnes hoc modo sint diuiduæ. Itaque incommodum in his talibus & quod fieri non potest, considerandũ est. Si ergo hoc in iis est quæ fieri non possunt, cũ neutra pars grauitate prædita est, totum grauitatem habere, & corpora quæ sensu percipiuntur vel omnia vel aliqua, vt terra & aqua, grauitate prædita sunt, vt etiã ipsi cõcedent: profectò si punctum nullius est ponderis, nec lineæ etiam erunt: si hæ non sunt, nec extremitates. Ita ne ullũ quidem corpus. Atqui perspicuum est in puncto nullam grauitatem inesse posse. Quòd enim graue est, id omne etiam grauius, & quod leue, leuius etiam esse aliquo potest. Quod autem grauius est, aut leuius, id fortasse graue aut leue non est necessariò. Vt etiam quod magnum est, maius. quod autem maius est, non planè magnum. Pleraque enim sunt, quæ cùm planè & absolutè parua sint, nõnullis aliis maiora dicuntur. Si igitur quicquid cùm graue sit, idẽ est grauius, maius sit necesse est: quod etiam graue est, diuiduum erit. At punctum indiuiduum esse ponitur. Præterea si id quod graue est, densum est quiddam, & quod leue, tenue ac rarum quiddam: quod autem densum est, hoc ab eo quod leue est differt, quòd in pari mole plus inest, profectò si punctum omne graue est aut leue, densum etiam & rarum erit. At quod densum est, diuidi potest: punctum autem indiuiduum est. Si verò omne quod graue est, aut molle aut durum necesse sit esse, facilius erit ex iis aliquid quod fieri non potest, concludere. Molle enim est quod intra se cedit, durum quod non cedit: quod autem cedit, secari potest. Nec verò ex iis quæ ipsa nullius sunt ponderis aut grauitatis, grauitas erit. Nam in quot & in qualibus hoc contingat quomodo explicabunt, nisi velint fingere? Et si omne pondus quod alio maius est, maius est ea grauitate qua est

est præditum, fiet etiam ut vnaquæque res vacans partibus, alius sit ponderis. Si enim quatuor puncta pondus habent, & quod ex pluribus quàm hoc quod graue est, constat, grauius est: & quod grauius est eo quod graue ipsum est, necesse est graue esse, quemadmodum id quod re alba albius est, idem est album: certè quod maius est vno puncto, pari detracto erit grauius. Ita in vno puncto pondus & grauitas erit. Præterea absurdum est extremitates tantum ad lineam posse cõponi. Ut enim linea cum linea cõiungitur vtroque modo, & ex longitudine & ex latitudine, extremitas etiam cum extremitate componi eadem ratione debet. Linea autem cum linea componi potest, iniecta, non addita linea. Atqui si ad latitudinem componantur, erit aliquod corpus, quod nec elementum erit nec ex elementis constabit, id quod ex extremitatibus sic conflatum erit. Præterea si extremitatum multitudine grauiora existunt corpora, quemadmodum in Timæo explicatum est, profectò & in linea & in puncto pondus erit. Eandem enim inter se, ut antè dixi, habent proportionem atque rationem. Quòd si hoc modo non differunt, sed quòd terra grauis sit, leuis ignis, erit etiam alia grauis, alia leuis extremitas. quod de lineis & punctis iudicandum est eodem modo. Terræ enim extremitas illam ignis grauitate superabit. Omnino autem efficitur, aut nullam prorsus magnitudinẽ esse, aut eam certè posse tolli. siquidem & punctum ad lineam, & linea ad extremitatem, & extremitas ad corpus eandem rationem habent. Cùm enim omnia alia in alia occidant, in prima recident. Ita puncta sola esse poterunt, nullumque corpus erit. Præterea tempus quoque si ita se habeat, tolletur ac interibit aliquando, aut tolli poterit. Punctum enim temporis quod est indiuiduum, est instar puncti lineæ. Hoc idem incommodum eos etiam sequitur, qui cælum ex numeris conflant. Nonnullis enim naturam ex numeris constare placet, ut etiam quibusdam Pythagoreis. Corpora enim quæ natura effecit, grauitatem & leuitatem habere constat. vniones autem nec corpus facere coniunctæ, nec pondus habere possunt. Omnibus Cap. 2. autem simplicibus corporibus motum aliquem à natura necessariò datum esse, ex his intelligi potest. Quoniam enim moueri videntur, vi moueantur necesse est, nisi motum proprium natureque suæ accommodatum habeant. Vi autem & contra naturam idem sunt.

E.i.

Atqui si contra naturam eorum motus est aliquis, necesse est etiam motum esse qui naturæ aptus sit, præter quem ille sit. Et si multi sunt à natura alieni, ei vnus accommodatus sit necesse est. Natura enim suæ quicque vnum accommodatum habet, multos autem ab eadem alienos. Quod etiam ex quiete perspici licet. Omnia enim necesse est vel vi vel natura quiescere. Vi autem ibi quiescunt & manent, quò vi feruntur: & natura, quò suapte natura. Quoniam igitur aliquid in medio manere videtur & quiescere, perspicuum est eum motum naturalem ei esse quo eò feratur. Quòd si vi, quid impedit quo minus moneatur loco? Nam si illud quod impedit quiescit, ad eandem rationem reuoluemur. Necesse est enim aut natura quiescere id quod primùm quiescit, aut in eo in infinitum progredi: quod fieri non potest. Quòd si mouetur id quod illud ferri prohibet, quemadmodum Empedocles ait terram à conuersione coactam quiescere, aliquò ferretur, quandoquidem infinite ferri non potest. Nihil enim fit quod fieri non potest. Transiri autem id quod infinitum est, non potest. Ita id quod fertur, alicubi insistat necesse est, & ibi non vi maneat, sed suapte natura. Quòd si quies est naturalis, est etiam motus naturalis is qui in hunc fertur locum. Itaque à Leucippo & Democrito, qui prima corpora perpetuo motu in inanitate & infinitate cieri dicunt, quærendum est, quo motu, & quis sit motus eorum naturæ accommodatus. Vt enim aliud initium & elementum ab alio vi moueatur, at certè aliquis etiam motus naturæ cuiusque aptus sit necesse est, præter quem violentus dicitur: & primus qui impellit, non vi mouere debet. In infinitum enim progredi licebit, si non erit aliquid quod primo loco natura motum afferat, sed semper id quod prius vi mouetur, mouebit. Quod etiam necessariò consequetur, si quemadmodum in Timæo scriptum est, ante mundi ortum, elementa inordinate mouebantur. Motum enim aut violentum esse necesse est, aut naturæ accommodatum. Quòd si sua sponte mouebantur, fuerit prius mundus necesse est, si quis rem attentius considerare velit. Nam & quod primo loco motum afferebat, moueri necesse est cum ipsum natura moueretur, & ea quæ non vi mouebantur, cum in suis locis quiescerent, eum ordinem qui nunc est, confecerint, vt ea in quibus pondus erat, in medium: ea autem in quibus leuitas, à medio ferrentur,

tur,

rur, qualis nunc in mundo est ordo & descriptio. Iam verò hoc tantum quispiam ab eis quærat, vtrum eorum quæ inordinate mouebantur, quædam etiam misceri possent, necne inter se iis permutationibus ex quibus constant corpora naturalia, ossa dico & carnes, quemadmodum Empedocli in amicitia & concordia fieri placet. Ait enim multorum capita sine ceruice extitisse. Eorum autem ratione & sententia, qui innumerabilia in infinitate moueri faciunt, si vnum est quod moueat, vno motu necesse est cieri. Ita non inordinate mouebuntur. Sin innumerabilia sint quæ motum afferant, motus etiam infiniti necessario erunt. Si enim finiti sint, ordo erit quidam. Non enim ex eo quòd non eodem feruntur quædam, id quod inordinatum est, & confusio ordinis sequitur: præsertim cum ne nunc quidem omnia eodem ferantur, sed ea modo quæ sunt eiusdem generis. Præterea illud inordinate, aliud est nihil, nisi contra naturam. Ordo enim proprius, est eorum natura, quæ sub sensum cadunt. Atqui hoc etiam absurdum est, nec fieri potest, vt id quod immensum est, inordinato motu cieatur. Est enim illa rerum natura, quæ in maiore parte inest, atque diutius. Itaque eis contra contingit, vt ordinis perturbatio à natura profiscatur, ordo autem & mundus contra naturam sit conditus, cum nihil eorum quæ à natura efficiuntur, fortuitum sit. Hoc autem ipsum præclare putasse Anaxagoras videtur. Ducit enim principium mundi condendi ab iis quæ non mouentur. Conantur etiã alij res colligentes quodãmodo rursus mouere & secernere. Sed non est consentaneum ex iis quæ distant inter se, & mouentur, originem rerum moliri. Itaque Empedocles motum qui in cõcordia cernitur, omittit. Neque enim condere & construere cælum potuisset, si illud ex iis quæ seiuncta erant, edificaret, & concordia ea coniungeret. Mundus enim ex initiis & elementis quæ segregata erant, constat. Ita ex vno & eo quod collectum erat, effectus sit necesse est. Ac ex his quidem perspicuum est, motum esse quendam naturalem vniuscuiusque corporum, quo non vi, nec contra naturam cieatur. Quædam autem gravitate & leuitate prædita esse oportere, ex his perspici licet. Moueri enim ea necesse esse dicimus. At si id quod mouetur, nullius nec gravitatis sit, nec leuitatis, moueri aut ad medium, aut à medio non potest. Sit enim A id in quo

E.ij.

nihil est ponderis, B autem id quod graue est: quod sine pondere est per lineam C D cieatur, B verò per C E pari eodémque tempore: maius enim spacium id quod est graue, conficiet: si ergo ita diuidatur corpus graue, vt linea C E ad C D affecta est. (eam enim rationem ad aliquam suam partem habere potest) profectò si totum per totam C E lineam feratur, pars lineam C D eodem tempore conficiat necesse est. Ita par spacium id quod est sine grauitate, & quod graue est, conficient: quod fieri non potest. Eadem est leuitatis ratio. Præterea si quod erit corpus quod pulsū agitetur, nec grauitate, nec leuitate præditum, id vi feratur necesse est: & quod vi fertur, infinite moueatur. Quia enim vis est quædam quæ motum affert: quod autem minus est ac leuius ab eadem vi longius mouebitur, faciamus moueri per C E lineam A quod pondere vacat, & B quod graue est per C D pari eodémque tempore: certè si id quod graue est diuisum sit, ea proportione quam C E linea ad C D habet: fiet, vt pars quæ ablata erit à corpore quod pondus habet, per C E eodem tempore feratur, quandoquidem totum per C D positum est ferri. Celeritas enim minoris eandem ad maioris celeritatem proportionem habebit, quam maius corpus habet ad minus. Par igitur spacium & æquale id quod non est graue, & quod est, eodem tempore conficient: quod fieri non potest. Ita quoniam maius spacium omni eo quod propositum est, conficiet id quod nullo pondere præditum est, immensum conficiet. Perspicuum est igitur omne corpus certum ac finitum pondus habere atque leuitatem. Quoniam autem natura est principium motus quod in eo inest, vis autem in alio qua ex parte aliud est, & motus omnis vel naturalis est, vel violentus, motum quidem eum qui est nature accommodatus, qualis est lapidis is quo deorsum fertur, celeriore faciet, & incitabit id quod vim affert, eum autem qui est contra naturam, planè ipsa vis: in vtramque verò partem aëre quasi instrumento vtitur. Is enim vel grauis & crassus, vel leuis ac tenuis esse suapte natura solet. Ac eum quidem motum, qui in sublime fertur hoc ipso quòd leuis est, efficiet, quando impulsus fuerit, principiumque à vi acceperit: eum autem qui deorsum fertur, qua ex parte est grauis & crassus. Nam tanquam sese imprimens, vis vtrique vim adfert mouendi. Itaque eo etiam quod

motum

motum attulit non comitante, id quod vi pulsatum est, fertur. Nisi enim aliquod corpus eiusmodi esset, motus quem vis excitaret, haud esset. Atque etiam eum motum qui cuiusque naturæ accommodatus est, eadem ratione quasi à tergo incitat. Ex his ergo perspicuum est, omne corpus vel graue esse, vel leue, & quam inter se rationem habeant motus qui à natura alieni sunt. Ex iis autem quæ dicta sunt intelligi potest, nec omnium ortum esse, nec nullius omnino. Fieri enim non potest, ut omnis corporis ortus sit, quin inane etiam quoddam separatam esse possit. In quo enim loco erit corpus quod ortum est, si ortum sit, in eo antè, nullo extante corpore, inane fuerit necesse est. Nam aliud quidem ex alio corpus oriri potest, veluti ex aëre ignis: omnino autem ex nulla magnitudine quæ antè subesset, non potest. Ex aliquo enim quod corpus esse potest, facillimè corpus re ipsa potest existere: sed si id quod corpus esse potest, prius nullum est aliud corpus re ipsa, separata erit inanitas.

Restat ut quorum corporum ortus sit, & cur sit, dicamus. Quoniam igitur in omnibus cognitio ex primis hauriēda est. Prima autem eorum quæ sunt, initia & quasi elementa habentur. primum quæ sint talium corporum elementa, & quamobrem sint, videndum est, deinde quot sint, & qualia deinceps. Quod ita planū fiet, si posuerimus quæ elementi natura sit. Sit ergo elementum & initium corporum id, in quod cætera corpora diuiduntur cum potestate insit, vel re ipsa. (Hoc enim utro modo sit, adhuc ambiguum est) ipsum autem in ea quæ specie differunt, diuidi non potest. Tale enim aliquid elementum esse omnes, & in omnibus volunt dicere. Quòd si id quod dixi est elementum, aliqua huiusmodi corpora sint necesse est. Nam in carne quidem & in ligno, & in vnoquoque eiusdem generis ignis, & terræ vis inest. Hæc enim perspicuè ex illis elici videntur: in igne autem caro, vel lignum non inest, nec potestate, nec re ipsa: elicerentur enim. Itémque si vnum modò aliquid tale sit, non in illo insunt cætera. Neque enim si caro erit, vel os, vel quiduis tale, continuò inesse potestate dicendum est, sed prius videndum est quis sit originis modus. Anaxagoras autem contrà ac Empedocles de elementis differit. Hic enim ignē & terram, quæque sunt eiusdem generis elementa ait esse corporum, & ex eis omnia constare. Anaxagoras contrà eas enim partes quæ inter

E.ij.

se similes sunt, elementa facit, ut carnem, & ossa, & unumquodque generis eiusdem: aëra autem & ignem, horum admixtionem ceterorumque omnium seminum. esse enim utrumque eorum ac constare ex partibus inter se similibus omnibus coaceruatis, quæ sub sensum cernēdi non cadant. Itaque ex his oriri omnia. Ignem enim & aëthera pro eodem appellat. Quoniam autem omnis corporis quod natura constat, suus est cuiusque ac proprius motus, & motuum alij sunt simplices, alij ex pluribus concreti ac temperati: & concreti earum naturarum sunt, quæ ex pluribus sunt conflata, & simplices simplicium: perspicuum est quædam esse simplicia corpora, quoniam simplices etiam sunt motus. Ex quibus etiam perspicuum est, elementa esse, & cur sint. Vtrum autem infinita sint anne finita, & si finita, quot numero sint, sequitur ut videamus. Ac primū quidem non esse innumerabilia, quemadmodum quidam putant, videndum est, & primū contra eos, qui omnes partes quæ sunt inter se similes elementa faciunt, ut Anaxagoras, disputemus. Nemo enim eorum qui ita censent, rectē elementum accipit. Videmus enim multa corpora eorum etiam quæ ex pluribus concreta sunt, in partes inter se similes, ut carnē, ut ossa, ut ligna & lapidem, diuidi. Ita fit, ut si concretum non est elementum, non omne totum sui simile elementum sit, sed quod in alia quæ specie differunt, diuidi non potest, quemadmodum antè diximus. Præterea ne ij quidem qui ita elementum accipiunt, necesse habent infinita ponere. Hæc enim omnia etiam explicabuntur, si finita quispiam sumpserit. Idem enim etiam faciet, si duo aut tria modò eiusmodi sint, quemadmodum etiam Empedocles facere conatur. Quoniam enim non solent etiā ipsi omnia ex iis quæ habent partes sui similes facere (vultū enim ex vultu alio atque alio non faciunt, nec quicquam aliud eorum quæ à natura figurata sunt) profecto longè melius est finita principia fieri, atque ea quàm paucissima: si modò eadem omnia demonstrari possint, quemadmodum mathematicis placet, qui semper finita principia aut forma, aut quantitate sumunt. Præterea si corpus à corpore differre dicitur suis ac propriis distinctionibus, & corporum finita ac certæ sunt distinctiones ac dissimilitudines (differunt enim eis, quæ sensus movent, quæ eadem finita sunt, idque docendum est) profecto elementa

menta etiam finita certaque sint necesse est. Nec verò, ut quidam
 alij dicunt, in his Leucippus & Democritus Abderites, consen-
 tanea sunt ea quæ sequuntur. Aiunt enim primas magnitudines
 multitudine infinitas esse, magnitudine autem indiuiduas: nec
 ex vno plura, nec ex pluribus vnum effici: sed horum concur-
 su & complexu generari omnia. Isti enim etiam quodammodo
 omnia quæ in rerum natura sunt numeros faciunt, & ex numeris.
 Etenim si minus aperte declarant, at certe hoc volunt dicere: &
 præterea quoniam corpora figuris inter se differunt, figurarumque
 infinitus est numerus, infinitum etiam numerum simplicium cor-
 porum esse dicunt. Qualis autem aut quæ cuiusque elementi figu-
 ra & forma sit, non explicant, sed igni modò spheram tribuunt,
 aëra verò & aquam ac cætera magnitudine & paruitate distin-
 guunt, tanquam sit eorum natura quasi seminarium elementorum
 omnium. Primum quidem in eodam etiam isti errore versantur,
 quòd non finita initia sumpserint, cum eis hæc omnia liceret di-
 cere. Deinde si corporum infinita non est dissimilitudo, profectò
 infinitus elementorum numerus non erit. Præterea eos necesse est
 qui indiuidua corpora dicunt, cum mathematicorum artibus pu-
 gnare, & multa quæ probabilia sint, sensuque perspicua, tollere:
 de quibus antè dictum est iis in libris in quibus de tempore & mo-
 tu disputauimus. Quinetiam ea quibus pugnant ipsi secum, dicant
 necesse est. Fieri enim non potest, ut si elementa indiuidua sint,
 aër, aqua, & terra inter se magnitudine & paruitate differant.
 Neque enim alia ex aliis oriri possunt, præsertim cum futurum
 sit, ut maxima corpora segregatione semper deficient: & ipsi hoc
 modo aquam, aëra, & terram aliud ex alio vicissim oriri asserant.
 Præterea ne horum quidem sententia infinita elementa videntur
 existere, si quidem corpora figuris differant, & figuræ omnes ex
 pyramidibus constent, eæ quidem quæ rectis lineis concluduntur, ex
 iis figuris quæ rectis lineis continentur, spheræ autem ex octo par-
 tibus. Principia enim aliqua sint figurarum necesse est. Ita siue
 vnum sit, siue duo, siue plura, simplicia etiam corpora tot erunt
 numero. Iam si suus cuiusque elementi ac proprius aliquis motus
 est, & simplicis corporis simplex, nec infiniti sunt simplices, pro-
 pterea quòd nec motus simplices plures sint duobus, nec loca innu-

Cap. 5. merabilia, ne hac quidem ratione infinitus erit numerus elementorum. Quoniam autem finita esse oportet, restat ut videamus, utrum unum, an plura sint. Quidam enim unum modò ponunt, & horum partim aquam, partim aëra, nonnulli ignem, alij aliquid quod est aqua minutius, aëre autem densius, quod aiunt omnes caelos cum infinitum sit, complexu suo continere. Omnes quidem qui unum hoc faciunt aquam vel aëra, vel aqua rarius, aëre verò densius: deinde ex eo raritate & densitate cætera generant, ij se ipsi fallunt, quòd aliquid aliud antiquius elemento faciant. Est enim ea quidem quæ ab elementis ducitur, origo, ea autem quæ in elementa recidit, dissolutio. Ex quo fit, ut prius sit naturæ ordine id quod ex minoribus partibus constat. Quoniam igitur aiunt ignem unum ex omnibus corporibus minutissimis partibus constare, primus erit ignis ordine naturæ: nihil autem interest. necesse est enim unum aliquod cæterorum primum esse, non id quod in medio locatum est. Præterea raritate & densitate cætera generare, non aliud est, quàm tenuitate & crassitudine. Nam & quod tenue est, id rarium, & quod crassum est, densum esse volunt. rursus autem tenuitate & crassitudine idem est, quod magnitudine ac parvitate. Tenue enim est quod ex parvis partibus constat, & crassum quod ex magnis. quod enim valde extensum dilatatumque est, tenue dicitur, quale est id quod ex minutis partibus constat. Ita fit, ut ipsi magnitudine & parvitate cæterorum rationem essentialiamque distinguant. Qui autem ita distinguunt, omnia ad aliud referent, nec absolute ac per se erit hoc ignis, illud aqua, aliud aër: sed idem ad hoc quidem ignis, ad aliquid autem aliud, aër. quod quidem incommodum eos etiam sequitur, qui plura elementa esse dicunt, sed ea magnitudine parvitateque distingui volunt. Quoniam enim unumquodque quantitate distinctum est, erit magnitudinum aliqua inter se ratio. Ita eorum quæ eam rationem inter se habent, hoc aër sit necesse est, illud ignis, hoc terra, illud aqua, quòd minorum rationes insint in maioribus. Qui autem ignem elementum ponunt, hoc illi quidem incommodum vitant, sed alia absurda suscipere coguntur. Eorum enim partim figuram ad ignem adhibent, quemadmodum ij qui pyramidem faciunt, & horum nonnulli quidem simplicius dicunt, figurarum quidem pyramidem

midem vnam ex omnibus maximam vim secandi habere, corporum autem, ignem: alij autem subtilius, omnia corpora ex eo constare, quod est tenuissimum, solidas autem figuras ex pyramidibus. Quapropter quoniam corporum ignis tenuissimus est, & pyramis vna ex figuris tenuissimis minutissimisque partibus constat, & prima est, prima autem figura est primi corporis, ex his ignem pyramidem esse cōcludunt. Alij nihil de figura pronūciant, sed eum ex minutissimis partibus constare faciunt: tum ex eo concreto cætera oriri asseuerant, vt si ex arena solidum aliquid conflaretur. Vtrosque autem eadem incōmoda sequuntur. Si enim indiuiduum primum corpus faciant, rursus eæ rationes quæ antè expositæ sunt, contra hanc hypothesin proferentur. Præterea ij qui velint intra disputationem quæ physicæ rationis propria est consistere, hoc dicere non possunt. Si enim omne corpus cum corpore quod ad magnitudinem attinet conferri potest, & magnitudines tam eorum quæ ex partibus inter se similibus constant, quàm elementorum, inter se rationem comparationemque habent, vt magnitudo totius aquæ cum toto aëre, & elementi cum elemento, eodemque modo in cæteris: & aër maior est aqua, omninoque id quod tenuius est eo quod crassius: profectò aquæ elementum minus erit aëris elemento. Si ergo minor magnitudo in maiore inest, aëris elementum diuidi poterit, itémque ignis elementum, & vno nomine eorum quæ ex tenuioribus partibus constant. Si autem diuidi potest, ij qui igni figuram tribuunt, ignis partem non esse ignem cogentur confiteri: propterea quòd pyramis ex pyramidibus non constet: & præterea non omne corpus vel elementum esse, vel ex elementis, quandoquidem pars ignis nec ignis est, nec vllum aliud elementum. Ii autē qui magnitudine res distinguunt, cōcedere cogentur aliquod esse elementum, quod eo prius sit & antiquius, atque in eo nullum exitum modumque reperiri, si omne corpus indiuiduum sit, & elementum id quod ex tenuissimis constet partibus. His etiam necesse est concedere idem cum hoc comparatum ignem esse, cum alio, aëra, rursusque aquam atque terram. Commune autem omnium qui vnum elementum ponunt, hoc peccatum est, quòd vnum atque solum motum naturalem faciunt, eundemque omnium. Nam cum in omnibus corporibus quæ natura constant,

motus principium inesse videamus, si corpora omnia vnum quid-
 dam sunt, vnus erit motus omnium: eoque illa necesse erit quò ma-
 iora fuerint, eò magis ac celerius cieri: quemadmodum etiam ignis
 quò est copiosior, eò in sublime suo motu celerius fertur: cum multa
 deorsum celerius ferri possint. Ergo ex his perspicuum est, & præ-
 terea ex eo quod antè expositum est, plures esse naturales motus,
 fieri non posse vt vnum sit elementum. Quoniam autem nec innu-
 merabilia sunt, nec vnum, plura sint & finita necesse est. Sed
 primùm videndum est, vtrum æterna sint, an orta intereant. Hoc
 enim concluso, perspicuum erit & quot sint & qualia. Aeterna
 quidem esse non possunt. Nam & ignem, & aquã & vnumquod-
 que simplex corpus dissolui cernimus. Necesse est autè aut intermi-
 natam esse dissolutionẽ, aut modum quendam ei adhiberi. Si inter-
 minata & infinita sit, tempus etiã dissolutionis infinitum erit &
 immensum: rursusque illud tempus quo ea conflantur & oriuntur.
 Vnaquæque enim pars alio tempore dissoluitur & alio construitur.
 Ita fiet vt præter immensum tempus aliud sit immensum, cum &
 coagmentationis tempus infinitum sit, & præterea illud dissolu-
 tionis, quod est antiquius, vt extra infinitatem infinitas alia exi-
 stat: quod fieri non potest. Quòd sicubi dissolutio insistat, aut indi-
 uiduum erit corpus in quo insistet, aut diuiduum illud quidem, sed
 quod nunquam diuidetur: quẽadmodum Empedocles videtur velle
 dicere. Ac indiuiduum quidẽ non erit propter eas rationes quæ mo-
 dò allatæ sunt. Nec diuiduum etiam ita erit, vt nunquam diuida-
 tur. Minus enim corpus facilius quàm maius consumi & confici
 potest. Si ergo magnum etiam corpus hoc interitu dissoluitur, vt
 in minora occidat, multo etiam magis consentaneum est hoc mino-
 ri contingere. Duobus autem modis ignẽ consumi & interire cer-
 nimus. Nam & à contrario interit cum extinguitur, & à seipso
 cum tabescit. Hoc autem minus à maiore accipit & quasi pati-
 tur, eoque celerius quo est minus. Elementa igitur intereant & or-
 tum habeant necesse est. Quoniam autem orta sunt, aut ex eo quod
 vacat corpore, aut ex corpore eorum erit origo. Si ex corpore, aut ex
 alio, aut alia ex aliis. Ac eorum quidem sententia qui illa ex eo
 quod vacat corpore generari volunt, inane introducit. Omne e-
 nim quod nascitur, in aliquo existit. Et vel corpus non habebit id
 in

in quo ortus existit, vel corpus habebit. Si corpus habebit, duo erunt
 in eodem corpora, quod generatur, & quod antè suberat. Sin cor-
 pore vacat, necesse erit esse inanitatē separatam. quod fieri non
 posse supra etiam docuimus. Nec verò ex alio corpore elementa o-
 riri possunt. Sic enim aliud erit corpus elementis antiquius. Hoc
 porro si gravitate aut leuitate sit præditum, elementum quoddam
 erit. Si nullum in eo sit pondus, immobile est & mathematicum.
 Quòd si tale est, non erit in loco. in quo enim quiescit, ad eundem
 etiam moueri potest, si vi, contra naturam: si non vi, suapte natu-
 ra. Ac si in loco sit, & alicubi, erit aliquod elementum. Si non in
 loco, nihil orietur ex eo. Quod enim oritur, & id ex quo illud ori-
 tur, simul sint necesse est. Quoniam igitur nec ex eo quod vacat
 corpore, nec ex alio corpore oriri possunt, relinquatur, ea alia ex a-
 liis vltro citroque oriri. Rursus ergo videndum est, quis sit al- Cap. 7.
 ternæ illius originis modus: Vtrum quemadmodum Empedocli &
 Democrito placet, an vt iis qui in extremitates corpora diuidunt,
 an aliquis alius præter hos modus sit. Empedocles quidem & De-
 mocritus se ipsi in errorem ignorationemque inducunt, dum non
 elementorum aliorum ex aliis originem faciunt, sed speciem quan-
 dam originis. Vnumquodque enim cum insit, secerni & in ordi-
 nem adduci volunt quasi ortus rerum ex vase, nõ ex materia qua-
 dam existat: non generari alicuius mutatione. Nam si sic ortus sit
 rerum, nihilominus absurda erunt ea quæ ex eo sequuntur. Eadem
 enim magnitudo coacta grauior reddi non videtur: quod confite-
 ri coguntur ij qui aquam quæ in aëre sit, ex eo elici extrahique
 dicunt. Aqua enim grauior est cum ex aëre oritur. Præterea ex
 naturis quæ concretæ sunt & permixtæ inter se, non est necesse al-
 teram cum separata est semper maiorem locum obtinere. At cum
 ex aqua aër oritur, maiorem locum tenet. Quod enim ex minoribus
 partibus constat, in maiore loco est. Id quod in mutatione perspici
 licet. Cum enim euanescit & expiratur humor, vasa quæ corpo-
 ra ipsa continent, rumpuntur propter loci angustiam. Si ergo nõ est
 inane omnino, nec dilatantur corpora, quemadmodum aiunt ij qui
 in hac sunt sententia, perspicuum est hoc fieri non posse. Sin est
 inane & amplificatio, absurdum est maiore semper locum necessariò
 id quod secernitur obtinere. Sed deficiat necesse est origo elemētorū

alterna, si modò in finita magnitudine non insunt magnitudines
 quæ finita sint innumerabiles. Cùm enim ex terra oritur aqua, a-
 liquid è terra aufertur, siquidem ortus separatione existit: & rur-
 sus cùm ex ea quæ relinquitur, eadem ratione. Quòd si ita semper
 fiat, in re finita infinitæ magnitudines erunt. Quòd quoniam fieri
 non potest, non semper vltro citròque ac vicissim elementa oriun-
 tur. Non igitur segregatione alternam mutationem vicissitudi-
 némque rerum existere diximus. Relinquitur ergo elementa oriri
 ex eo quòd alia in alia se vertant. Quòd fit duobus modis. Nam
 aut figuræ in figuram mutatione, vt ex eadem cera pila vel tesse-
 ra fieri ac fingi potest: aut dissolutione diuisionéque in extrema-
 tes, quemadmodum nonnulli sentiunt. At si figuræ in figuram mu-
 tatione fiant, ex eo sequètur necessariò indiuidua corpora. Si enim
 diuidua erunt, ignis pars ignis non erit, nec terræ terra, quòd py-
 ramidis pars pyramis non sit omnino, nec tessera tessera. Sin au-
 tem diuisione ac dissolutione in extremitates, primùm quidem ab-
 surdum est, non omnia vltro citròque alia ex aliis gignere, quòd
 eis etiam tacentibus necesse est confiteri. Neque enim consentaneū
 est vnum tantum expers mutationis fieri, neque id sensu percipi-
 mus, sed ex æquo omnia alia in alia se vertere animaduertimus.
 Fit autem vt ij qui de rebus quæ videntur, differunt, non con-
 gruenter iis quæ videntur, dicant, propterea quòd non rectè prima-
 initia intelligant, sed omnia velint ad certas quasdam referre re-
 uocaréque sententias. Debent enim fortasse rerum quæ sub sensum
 cadunt, sensu percipi, æternarum æterna esse, earum quæ intereunt,
 interitui opportuna esse principia: & vno nomine eiusdem generis
 esse, cuius sint ea in quibus insunt. Hi autem propterea quòd ista
 sua nimium amant, idem facere videntur, quòd ij qui in disputa-
 tionibus proposita defendunt. omne enim quòd cōcluditur vt prin-
 cipia vera habentes, defendunt, quasi non aliqua ex iis quæ conclu-
 duntur iudicari oporteat, ac ex fine maximé. Artis autem eius quæ
 in faciendo cernitur, finis est opus: physicæ verò rationis, quòd pro-
 priè semper sensu videtur. Sed iidem fateantur necesse est terram
 maximè elementum esse, eámque solam nō interire, siquidem quòd
 indissolubile est, nec interit, & elementum est. Sola enim terra in
 aliud corpus dissolui nō potest. Nec verò in iis quæ dissoluuntur con-
 sentanea

sentanea est triangulorum suspensio & quasi contemptus. Quod certè in mutatione qua alia in alia se vertunt, vsuuenit, propterea quòd ex imparibus numero triangulis constant. Præterea necesse est eos qui hæc tradunt, non ex corpore originem rerum ducere. cum enim ex extremitatibus & quasi libramentis generantur, non ex corpore generata erunt. Hoc etiam concedere coguntur, non omne corpus esse diuiduum: discreparéque à certissimis artibus. Nam cum mathematicorum artes id etiam quod intelligentia & ratione cernitur diuiduum esse sumant, hi ne id quidem omne quod sensu percipitur, concedunt: quòd velint id quod semel posuerunt defendere. Qui enim suam cuique elemento figuram tribuunt, eaque illorum vim rationémque distiguunt & definiunt, ij indiuidua eadem facere coguntur. Si enim pyramis aut sphaera quodammodo diuidatur, id quod reliquum est, sphaera aut pyramis non erit. Ita fit vt aut ignis pars non sit ignis, sed sit aliquid elemèto prius & antiquius, quod quicquid est, aut elementum sit, vel ex elementis: aut nõ omne corpus diuiduum sit. Omninoque absurdum est conari figuram ad simplicia corpora adhibere. Primùm quòd sic fiet, vt vniuersum non sit plenum atque perfectum. Nam cum in planis figuris tres implere locum videantur, triangulum, quadratũ, & sexangulum, in solidis autem duæ solæ, sphaera & cubus: plures his sumantur necesse est, propterea quòd plura elementa faciant. Deinde quòd cum omnia simplicia corpora loco ipso qui continet, figurari videantur, maximéque aqua & aër, elementi figura permanere nõ potest. Neque enim totum vndique cum eo quod complectitur, cohereret. At si in aliam se figuram aqua vertet, non iam aqua erit, siquidem figura differebat. Perspicuum est igitur certas eorum & distinctas figuras non esse: videturque hoc nobis natura ipsa significare, quod etiam consentaneum est. Vt enim in aliis sine specie ac forma, esse debet id quod subiectum est. (Ita enim maximè ac facillimè in aliud mutari & verti poterit, quemadmodum in Timæo scriptum est, omnium receptaculum) sic etiam iudicandum est elementa quasi materiam esse eorum quæ ex pluribus naturis concreta sunt. Itaque se alia in alia vltro citroque vertere possunt, separatis iis quæ ex proprietatibus sumuntur, distinctionibus. Præterea qui potest generari caro & os, vel quoduis eorum corporum

Cap. 8.

quæ coherent? Neque enim ex ipsis elementis potest, quod ex coag-
 mentatione non fiat continuum, neque ex coniunctis extremitati-
 bus. elementa enim copulatione generantur, non ea quæ ex elemen-
 tis constant. Quocirca si quis accuratè exquirere velit, nõ per trans-
 ennas rationes quæ de elemẽto afferuntur, approbare, eas ortum ex
 natura rerum tollere videbit. Quinetiã quod ad proprietates, vim,
 & motus attinet, non consonæ sunt corporibus figuræ, quorum ta-
 men cum rationem haberet, ita distribuuerunt: veluti, quoniam ignis
 facile moueri potest, calefaciendique, & incendendi vim habet, a-
 lij eum spheram fecerunt, alij pyramidem. Hæ enim facillimè mo-
 ueri possunt, quod minimum hæreant, & minimum sint stabiles:
 maximam autem calefaciendi & incendendi vim habent, quod
 vna tota sit angulus, altera acutissimum habeat angulum. Res e-
 nim ipsas angulis incendere & calefacere dicunt. Primum quidem
 quod ad motum attinet, vtrique in errore versantur. Vt enim hæ
 ex figuris facillimè etiam moueri impellique possint, non tamen
 ignis motu facile loco mouentur: quippe cum ignis in sublime re-
 ctis lineis feratur, hæ verò facile in orbem torqueri possint, eo motu
 qui dicatur volutatio. Præterea si terræ ea figura est quæ cubus di-
 citur, quod firma sit & stabilis, stat autem non vbilibet, sed in
 suo ipsius loco, & ex alieno non impedita fertur, & ignis cetera-
 que eodem modo: profectò & ignis & vnumquodque elementum
 in alieno loco spheram erit aut pyramidem, in suo cubus. Præterea si i-
 gnis angulis suis calefacit & comburit, omnia elementa vim ca-
 lefaciendi habebunt, aliudque alio fortasse maiorem. Omnia enim
 angulata sunt. Vt ea quæ octo, & illa quæ duodecim sedes habent.
 Democrito autem spheram etiam quasi angulus sit, incedit. Ita ma-
 iore vi & minore different. Atqui illud perspicuum est falsum es-
 se. Sic etiam fiet, vt mathematicorum corpora comburant & cale-
 faciant. Sunt enim illa quoque angulata, in eisque insunt indiuiduæ
 & spheræ & pyramides: præsertim si sint, vt illis placet, indiui-
 duæ magnitudines. Si enim aliæ erant, aliæ non, dissimilitudo est
 proferenda, non omnino ita vt aiunt, dicendum est. Iam verò si id
 quod comburitur, ignescit, & ignis spheram est, aut pyramidem, neces-
 se est id quod comburitur, in spheras aut pyramides verti. Secare
 quidem & hoc modo diuidere faciamus sanè congruenter figuræ
 conuenire.

conuenire. Illud autem planè absurdum est, pyramidem pyramides, aut spherã spheras facere: similèque est, vt si quis putaret gladiũ in gladios aut serrã in serras diuidi. Præterea ridiculum est figurã diuidendi tantùm causa igni adhiberi. Cogere enim & contrahere magis videtur, quàm secernere: secernit enim ea quæ eiusdem generis non sunt: quæ autem eiusdem generis sunt, cogit. & concretio quidem per se ei conuenit: cogere enim & coniungere ignis est, diremptio autem per aliud, externaque vi. Cùm enim cogit id quod est eiusdem generis, id quod alieni est, dirimit & dissipat. Ita aut ad vtrumque horum figura erat adhibenda, aut potius cogendi gratia. Præterea quoniam id quod calidum est, & quod frigidum, vim contrariam habent, ei quod frigidum est, figura nulla tribui potest: propterea quòd contrarium esse oporteat id quod tribuitur, & nihil figuræ sit contrarium. Itaque hoc omnes præmittunt. Atqui aut omnia figuris distinguenda erant, aut nihil. Nonnulli autem cùm de eius vi conati sunt dicere, secum ipsi dissident. Aiunt enim frigidum esse id quod magnas partes habet, quod contrahat, nec per itinera & vias corporis (meatus vocant) penetret. Perspicuum est igitur quod calidum est, id esse quod penetrat, quale est id quod minutis constat partibus. Ita fit, vt paruitate & magnitudine calida & frigida distinguantur, non figuris. Præterea si inæquales sint pyramides, non ignis erunt magnæ pyramides: nec figura incendendi causa est, sed contrã. Ex his ergo quæ dicta sunt, perspicuum est elementa non distingui figuris. Quoniam autem distinctiones maximè propria corporum eæ sunt, quæ ex proprietatibus, operibus, & vi sumuntur, (vniuscuiusque enim eorum quæ natura constant, & sua opera & suas proprietates, & vim esse dicimus.) primùm de his dicendum est, vt eis inspectis, vniuscuiusque à quoque distinctiones & dissimilitudines notemus.

ARISTOTELIS DE CAELO
LIBER IIII.

Cap. I.



E eo autem quod graue est & quod leue, quid sit vtrumque, & quæ eorum natura, videndū est, quāmq̃ue ob causam hanc vim habeāt. Ea enim quæ de eis tractatur disputatio, eas quæ de motu sunt, attingit: presertim cum graue aliquid aut leue esse ex eo dicamus, quòd quodam motus genere qui nature sit accommodatus, cieatur. Eorum autem actionibus non sunt imposita nomina, nisi quis hoc tale ἄπλοῦ, id est, siue pondus, siue mouentum, siue nutum esse putet. Quoniam autem physica res in motu versatur, & hæc in se quasi fomenta & inuitamēta quædam motus continent, omnes quidem eorum vi vtuntur, sed præter paucos non explicauerunt. Nos igitur ita nostram de illis sententiā exponemus, si antè ea quæ ab aliis dicta sunt viderimus, & quæsierimus quæ ad hunc explicandum locum sunt necessaria. Dicitur quidem graue & leue aliquid omnino, aliud cum alio comparatum. Eorum enim in quibus grauitas aut pondus inest, aliud leuius, aliud grauius, vt ligno æs esse dicimus. Ac de iis quidem, quæ omnino & absolutè graua aut leua dicuntur, nihil à prioribus dictum est: de his autem quæ cum aliis collata dicuntur, disputarunt. Neque enim quid graue sit, quid leue, explicant, sed quid sit grauius, aut leuius, in iis quæ grauitate sunt prædita. Sed quod dicitur, planius fiet hoc modo. Alia enim semper nature vi à medio feruntur, quædam semper in medium: quorum id quod à medio fertur, in sublime ferri dico, deorsum autem id quod ad medium mouetur. Absurdum est enim non existimare aliquid esse in celo, superum & inferum, quemadmodum nonnullis placet. Negant enim esse in eo superiorem locum vnum, alterum inferiorem, si vndique simile est, & omni ex parte aduersis vestigiis suis quisque qui iter facit, insistere possit. Nos autem extremam & summam vniuersi partem summum locum dicimus, qui & situ ipso summus est, & primus nature ordine. Quoniāmq̃ue est aliquid cæli extremum & medium

medium, profectò eiusdem erit & pars superior & inferior: quæ admodum etiam nonnulli dicunt, nõ tamen satis, propterea quòd cælum non omni ex parte simile esse existimant, sed vnum hoc quod supra nos est hemisphæriũ. Nam si assumpserint & illud vndique esse tale, & medium simili ratione paribúsq; radiis vniuerso respondere, illum superiorem locum, medium autẽ inferiore esse concedent. Absolutè ergo leue dicimus id quod in sublime fertur & in extremum locum: graue autem omnino id quod deorsum & in medium. Ad aliud verò leue & leuius, cum sunt duo pari gravitate & pondere prædita, alterúmque nature vi altero celerius deorsum mouetur. Omnes quidem priores qui ad hanc disputationẽ ve- Cap. 2.
nerunt, maxima ex parte ferè de iis quæ ita graua & leuia sunt, id est, de duobus quorum vtrumque graue est, & alterũ leuius, tantum disputarunt. Iidemque hac sua expositione, à se de eo quod omnino & absolutè leue est ac graue, explicatum putant. Sed ad ea ratio ac definitio non accommodatur: id quod perspicuum erit, cum ultra progressa hæc erit disputatio. Aiunt enim leuius & grauius alij quidem vt in Timæo scriptum est, grauius quidem id quod ex pluribus iisdem constat: leuius autem id quod ex paucioribus, vt plumbo plumbum maius, grauius, & ære æs. Itémque vnumquodque cæterorum eiusdem speciei. Ex præstantia enim parium partium, grauius vnumquodque dicitur. Eodémque modo ligno plumbum grauius esse dicunt: ex aliquibus enim iisdem omnia corpora constare, vnáque materia, sed nõ videri. Sed cum hæc ita constituta & explicata sunt, non de eo quod omnino leue est, & graue dictum est. Nam cum ignis semper leuis sit, & supera petat, terra verò terrenáque omnia deorsum, & ad medium moueantur, non propter paucitatem triangulorum, ex quibus quodque eorum constare dicunt, ignis suapte sponte superiora capeßit. Tum enim maior ignis, minus & tardius ferretur, idémque & grauior esset, quia ex pluribus triangulis constet. nunc autem contrà videtur. Quò enim maior est, eò & leuior est, & celerius in sublime fertur: & ex superiore loco deorsum paruus ignis celerius fertur, & maior tardius. Præterea quoniam quod pauciores habet partes eorum quæ sunt eiusdem generis, id leuius esse dicunt, & quod plures, grauius: aëra verò & ignem & aquam ex eisdem triangulis

constare, sed paucitate & multitudine distingui, ob eamque causam eorum unum leuius esse, grauius alterum: erit aliqua aëris copia, quæ aquam pondere superabit. Sed omnia cōtrā eueniunt. Semper enim maior vis aëris superiora magis ac celerius petit: omninoque aëris quæuis pars sursum ex aqua euolat. Atque hi quidem hoc modo de leuibus grauibúsq; rebus explicauerunt. Aliis autem nō satis visum est ita explicare, sed quanquā etate vetustissimi sint, tamen noua magis ratione de iis quæ dicta sunt, cogitauerunt. Videntur enim corpora quædam, quæ cū magnitudine vincantur, grauitate tamen præstant & pondere. Ex quo perspicuum est, non satis exprimere eos qui res paris ponderis ex primis æqualibus constare dicunt. Essent enim pari magnitudine. Ac eos quidem qui primas & indiuiduas esse ponunt extremitates, ex quibus corpora quæ alicuius sint ponderis, constant, absurdum est concedere, quò quicque eorum maius sit, eò grauius esse: ij autem qui solida initia ponunt, hoc potius possunt dicere. Eorum verò quæ ex pluribus concreta sunt, quoniam vniuscuiusque eadem ratio non videtur, sed multa videmus, quæ cū minore sint magnitudine, tamen grauiora sunt, quemadmodum lanam æs pondere superat: aliam causam nonnulli, & putant esse, & afferunt. Inane enim quod circumfusum sit, corpora leuia aiunt reddere: & facere interdum, vt maiores res leuitate vincant. maiorē enim inanitatem habere. Ob eam enim causam ea etiam quorum maior sit moles, sæpe ex paribus soliditatibus paucioribúsq; constare. Atque hoc quidem modo absolutè & omnino eius quod leuius est, maiorisq; leuitatis causam in maiore quæ insit inanitate esse dicunt. Necessè autem habent ij qui ita definiunt, addere, non solū maiorem habere inanitatem aliquid oportere, si sit leuius, sed etiam minorem soliditatem. Si enim hanc talem proportionem superabit, non erit leuius. Nam cū ob eam etiam causam ignem leuissimum esse dicant, quò habeat inanitatis plurimū: fiet, vt exiguum ignem magna vis auri quò plus inanitatis habeat, leuitate vincat, nisi etiam multo plus idem aurum soliditatis habeat. Hoc ergo dicendum, & addendum erat. Nonnulli quidem eorum qui inane esse non posuerunt, nihil de eo quod leue est, & quod graue tradiderunt, vt Anaxagoras, & Empedocles. Qui autem

tem

tem tradiderunt, nec in inanitate causam posuerunt, non exposuerunt causam, cur alia omnino leuia sint, alia graua corpora, & quedam in sublime semper, nonnulla deorsum ferantur: nec cur aliqua cum maior eorum sit moles, leuiora sint minoribus, literis mandarunt: nec perspicuum est, quemadmodum ex iis quæ ab eis dicta sunt, efficiatur, ut dicant cõsentanea iis quæ videntur. Eos autem qui leuitatis ignis causam in magna vi inanitatis quam habeat, ponunt, eadem ferè incommoda necessario sequentur. Vt enim soliditate à cæteris corporibus & naturis vincatur, & eadẽ inanitate superet, tamen aliqua erit ignis vis & copia, in qua soliditas & plenu, soliditates superabunt, quæ in aliqua terræ exigua parte continentur. Quòd si inane quoque ut causam proferent, quomodo id quod omnino graue est definient? Nam aut ex eo, quòd plus soliditatis habeat, aut quòd inanitatis minus. Ac si hoc dicent, erit aliqua terræ pars adedò parua, in qua minus soliditatis inerit, quàm in magna ignis copia. Itẽmque si ex inanitate definient, erit aliquid leuius eo quod planè leue est, & semper in sublime fertur, quod deorsum semper feretur. Hoc autem fieri non potest. Quod enim planè & absolutè leue est, id etiã semper leuius est iis quæ grauitate prædita sunt, & deorsum feruntur. At quod leuius est, non semper est leue, propterea quòd in iis etiam quæ grauitatem habent, aliud alio leuius, ut aqua quàm terra esse dicitur. Nec verò ex eo quòd inane ad plenum proportionem habet, satis est ad eam quæ tractatur quæstionem explicandam. Incommodum enim eadem ratione eos, qui ita respondebunt, sequetur. In maiore enim & minore ignis copia eandem soliditas ad inanitatem rationem habebit. Atqui maior ignis maiore celeritate, quàm minor ad superiora euolat: & rursus maior vis auri & plumbi deorsum: itẽmque vnũquodque cæterorum quæ pondus habent, quod fieri non oporteret, si hoc ipso leuia & graua, definita atque distincta essent. Hoc etiã absurdum est, illa omnia inanitate in sublime ferri, & inane ipsum non ferri. Atqui si inane in sublime natura fertur, & plenum deorsum, ob eamq; causam in eis vtriusque motus causa inest: nihil de iis quæ ex pluribus naturis cõcreta sunt, disputandum est, cur corpora alia graua sint, alia leuia, sed de his ipsis dicendum erat, cur hoc leue sit, illud graue: & præterea cur

inane & plenum non separantur à se inuicem? Absurdum etiam est, inani locum facere, quasi non ipsum sit locus. Inanitatis autem aliquis locus sit necesse est, ex quo & in quem feratur, si quidem mouetur. Præterea quænam sit motus causa dicendum fuit: non enim quidem certè inane causa est, præsertim cum nõ id solum, sed id etiam quod solidum est, pulsu agitetur. Eodẽ modo hæc ipsa sequentur, si quis etiam aliter distinguat faciãtque magnitudine ac paruitate alia aliis & grauiora & leuiora, aut quouis alio modo conficiat, dummodo vnã materiam tribuat omnibus, aut plures, sed tantum contrarias. Si enim vna sit, non erit quicquam planè graue, & leue, quẽadmodum iis vsuuenit, qui ex triangulis elemẽta conflant. Sin contrariæ sint, quemadmodum iis placet, qui inane & plenum ponunt, non erit cur ea quæ interiecta sunt iis quæ omnino & absolutè graua ac leua dicuntur, grauitate ac leuitate, tum se inter se, tum ea quæ absolutè eiusmodi sunt, superent. Magnitudine autem ac paruitate ea definire aut distinguere, cõmentitium magis videtur, quàm superiora: sed quia id potest in quoque quatuor ineriorũ distinctionem dissimilitudinẽque facere, tutius est quod ad superiores quæstiones attinet. Eum verò qui vnã eorum quæ magnitudine differunt, naturam faciat, idem incõmodum sequetur necessariò, quod eos qui vnã materiam faciunt. fiet etiã vt nihil absolutè sit leue, nec in sublime feratur, sed aut præoccupata à grauioribus, aut leuioribus superius, aut inferius relinquuntur, aut protruduntur: & multa quæ paruarum partium sint: pauca quæ magnarum pondere vincent & superabunt. Quæ si erunt, fiet, vt magna aëris copia, & ignis, exiguam aquæ terræque partem grauitate vincant: quod fieri non potest. Atque hæc quidem

Cap. 3. ab aliis, & hoc modo dicta sunt. Nos autem primùm id explicemus de quo nonnulli maxime quærent, ac dubitant, cur alia corpora naturæ vi semper in sublime, alia deorsum, quædã & in sublime & deorsum ferantur. Deinde de rebus grauibus & leuibus, iisque proprietatibus quæ eis conueniunt, quamobrem vnaqueque eueniat. Ac de illo quidem, vnãquamque rem ad suum locũ moueri, eodem modo, quo de aliis etiam originibus & mutationibus iudicandum est. Quoniam enim tria sunt motus genera, vnum quod ex magnitudine, alterum quod ex forma, tertium quod ex loco su-

mitur.

mitur: in quoque horum mutationem ex contrariis in contraria & que interiecta sunt fieri cernimus, non rem ullam in quibus ex quavis re mutari, itemque nec quibus cuius motum afferre animadvertimus, sed quemadmodum aliud est id quod commutari potest, aliud id quod augescere, sic etiam id quod commutare, & quod augere potest diversa sunt. Eodemque modo intelligendum est id quod loco mouere & moueri potest, non quibus a quouis loco moueri. Quod si vim mouendi ad superiora & inferiora habent ea que pondus & que leuitatem afferre possunt, moueri que potest id quod graue & leue esse potest, profecto ferri in suum quicque locum, in suam formam est ferri. Atque hinc facilius intelligi potest id quod veteres tradiderunt, quod simile sit ad simile ferri solitum. Hoc enim non fit omnino. Neque enim si terra eò transferatur, ubi nunc luna est, unaqueque eius pars ad ipsam feretur, sed eò ubi nunc est. Ac iis quidem que omnino similia sunt, nec differunt, necesse est ab eodem motu id contingere, ut quocunque suapte natura aliqua pars feratur, totum etiam feratur. Quoniam autem locus terminus est eius quod ambit, & ab extremo atque a medio ea omnia que in sublime ac deorsum feruntur, ambiuntur, quod quidem forma efficitur quodam modo eius quod continetur: ferri in suum locum, est ad id quod sui simile est moueri. Ea enim que deinceps sequuntur, quandam inter se similitudinem habent, ut aqua & aer, aer & ignis. contraque in mediis dici potest, in extremis autem non potest, ut aera aquam, aquam terram imitari. Sempertque enim id quod superius est, ad id quod infra illud est, quam forma ad materiam, eandem rationem habet. Querere autem cur & ignis superiora & terra inferiora capeffant, idem est quod querere quid ita id quod curari potest, si moueatur & mutetur qua ex parte curari potest, conualescat, non album reddatur. Quod de aliis etiam omnibus que commutantur iudicandum est eodem modo. Quinetiam id quod augescere potest, quando mutatur qua ex parte augeri potest, non conualescit, sed maiorem magnitudinem accipit. Eodem igitur modo unumquodque horum partim qualitatem, partim quantitatem mutat, & in locum, leuia superiorem, graua inferiorem feruntur: hoc tamen interest, quod haec, graua dico & leuia, in se mutationis principium habere videntur, illa autem, non in se, sed extrin-

F. ij.

secus: ut id quod curari potest, & quod aulescere. (Quamquam interdum hæc etiam ex se mutantur, paruisque mutationibus eorum quæ extrinsecus adhibentur, illud conualescit, hoc magnitudinem accipit) & quia idem curari potest, & morbum accipere. quod si mutetur quatenus curari potest, ad valetudinem fertur, sin qua ex parte morbum recipere potest, in morbum incidit. Grauia autem & leuia potius quam hæc, in se principium continere videntur, quod eorum materia proximè ad essentiam accedat. Idque hinc sciri potest, quod motus qui per locum fertur, in iis est quæ absoluta sunt, eiusque origo postrema est omnium motuum. Ita primus sit necesse est hic motus etiam essentia. At cum ex aqua oritur aer, & ex re graui leuis fit, ad superiora euolat: simul autem leuis est, nec iam fit, sed illic est. Perspicuum est igitur id quod potest esse quippiam & in actum proficiscitur eò loci aut quantitatis aut qualitatis, contendere, ubi sit aut proprius rei locus aut quantitas aut qualitas. Eadem autem causa est, cur terra & ignis quæ iam reipsa & per se coherent, ad sua loca re nulla impediante, moueantur. Etenim alimētum cum id quod obstat: & quod curari potest, cum id quod detinet, abest, statim fertur, motum autem affert tum id quod initio fecit, tum quod impedimentum detraxit, aut id unde illud reiectum est, quemadmodum dictum est in primis disputationibus, in quibus nihil horum seipsum mouere explicauimus. Ac illud quidem constitutum est, cur unumquodque eorum quæ mouentur, feratur, &

Cap. 4. quid sit in suum quicque locum ferri. Nunc distinctiones ac dissimilitudines & proprietates quæ in hæc cadunt, explicemus. Primum quidem definiantur, quemadmodum omnibus videtur, graue id absolute esse, quod omnibus substernitur, leue autem id quod ex omnibus extat & eminent. Absolute autem cum dico, genus specto, eaque omnia quibus non utrumque conuenit. Veluti videtur quæuis ignis magnitudo superiora petere, nisi quid forte aliud impediatur, & terræ quæuis pars deorsum moueri: eodemque modo maior maiore celeritate. Alio autem modo grauia & leuia dicuntur, quibus utrumque conuenit. Nam & quibusdam eminent, & substernuntur, ut aer & aqua quorum neutrum graue est omnino aut leue. Nam terra utrumque leuius est: extat enim ex ea quæuis pars eorum: & ignem illa grauitate vincunt ac pondere: ei enim

quæuis

quæuis eorum pars substernitur. Comparata autem eadem inter se, omnino & absolute vnũ eorum graue est, leue alterum. Aër enim quantuscunque aquæ eminent, aqua autem quantauis subsidet. Quoniam autem cæterorum etiã partim pondere, partim leuitate prædita sunt, non est id quidem dubium, quin horum omnium causa sit ea quæ in simplicibus inest, dissimilitudo. Ex eo enim quòd hæc huius, illa alterius naturam magis imitantur, alia leuia, alia corpora graua dicentur. De illis ergo nobis dicendum est, quandoquidem prima cætera sequuntur & imitantur: id quod faciendum fuisse antè diximus, & iis qui ex pleno graue aliquid esse dicunt, & iis qui leue ex inanitate. fit autem, vt non vbique eadem graua & leuia esse videantur propter primarum naturarũ dissimilitudinem. Vt in aëre grauius erit lignum quod talenti vnus pondus habebit, quàm libra plumbi: in aqua autem leuius. Id causæ est, quòd in omnibus naturis præter quàm in igne, pondus inest, & leuitas præter quàm in terra. Ac terra quidem omniãque quæ maximè terrena sunt, vbique necessariò pondus habent, aqua autem vbique præter quàm in terra, aër verò, nisi in aqua & terra. In suo enim quicque loco, præter ignem, pondus habet, etiam aër, idque hinc intelligi licet, quòd vesicæ inflatæ plus habent ponderis, quàm inanes. Ita siquid aëra magis quàm terram & aquam imitatur, in aqua alio leuius esse potest, in aëre autem grauius, quòd aëri non eminent, nec innatat, in aqua autem innatat. Ex his ergo perspicuum est esse aliquid omnino & absolute graue, & absolute leue. Absolute autem leue appello id quod semper in sublime, & graue, quod deorsum nature vi non impeditum ferri solet. Talia enim sunt quedam, nec omnia, vt nonnulli putant, grauitate prædita sunt. Graua enim etiam aliis quibusdam esse videntur, & semper deorsum moueri. Atqui pari ratione quedam etiam leuia sunt. Videmus enim, quemadmodum antè dictum est, terrena substerni omnibus & in medium ferri. Atque medium definitum est. Quòd si quid est quod omnibus eminent, quemadmodum ignis etiam cum in aëre est, in sublime ferri videtur, & ibidem aër quiescit, non est dubium, quin in extremum feratur. ex quo fit, vt nullum in eo pondus inesse possit. Alij enim substerneretur: quòd si fieret, esse aliquid aliud, quod &

ad extremum ferretur, & cæteris omnibus quæ feruntur, emine-
ret. nunc autem nihil videtur. Ignis igitur nullo est pondere præ-
ditus. Nec terra ullam leuitatem habet, siquidem omnibus sub-
sternitur, & quod substernitur ad medium mouetur. Medium au-
tem esse, ad quod mouentur ea, in quibus inest grauitas, & à quo
ea in quibus leuitas, ex multis intelligi licet: primùm ex eo, quòd
nihil infinite moueri potest. Vt enim nihil est quod esse non po-
test, si nec fit vel oritur, motus autem qui per locum fertur, est
quippiam quod fit vt ab aliquo ad aliud perueniatur. Deinde
ad pares angulos videtur & ignis sursum euolare, & terra om-
niaque quæ pondere prædita sunt, deorsum moueri. Ad medium
ergo moueantur necesse est. Hoc autem vtrum ad terræ medium
fiat, an ad medium vniuersi (quoniam est idem) alia disputatio
est. Quoniam autem id quod omnibus subest ac substernitur, fer-
tur in medium, id quod omnibus eminet feratur necesse est in ex-
tremum loci, quòd omnia mouentur. Vt enim contrarium est mediũ
extremo, sic quod substernitur semper, ei est quod eminet. Itaque
rectè duo sunt id quod graue est & quod leue: quoniam etiam duo
sunt loca, medius & extremus. Est igitur etiam aliquid in horum
medio locatum, quod ad vtrumque eorum relatum, alterius vim
obtinet. Est enim vt medium & extremum vtriusque, id quod in-
teriectum est, ob eamque causam aliquid etiam aliud graue est &
leue, vt aër & aqua. Quod autem continet, id formæ, quod conti-
netur, materiæ vim obtinere dicimus: estque in omnibus generi-
bus hæc distinctio. Nam & in qualitate, & in quantitate ali-
quid est quod magis formæ, aliud quod materiæ locum tenet. &
in iis quæ in loco dicuntur eadem ratione, illud quod ad superio-
rem locum refertur, determinantis, quod ad inferiorem, materiæ est.
Quapropter eadem etiam eius quod graue est, & quod leue, ma-
teria, qua ex parte tale esse potest, eius quod graue est, materia
est, quatenus autem tale est, eius quod leue dicitur: estque eadem
quidem numero, sed alia eius ratio: quemadmodum idem cor-
pus & procliue est ad morbum, & valere potest, ratio autem
eadem non est, propterea quòd nec eadem ratio est eius quod egro-
tare potest, & quòd valere. Ac illud quidem, in quo talis ma-
teria est, leue appellatur, & semper superiora petit, in quo autem
contraria

contraria inest, id graue sempérque deorsum fertur. Quibus verò
 diuersæ ab his datæ sunt, sed quæ eandem inter se, quam hæc, ratio-
 nem habent, ea planè & omnino tum in sublime, tum deorsum fe-
 runtur. Itaque aër & aqua leuitatem ac pondus habent: quorum
 aqua omnibus præterquam terræ substernitur, aër autem omni-
 bus præter ignem eminet. Quoniam autem vnum est modò, quod
 omnibus eminet, vnúmque tantùm quod omnibus substernitur,
 alia duo necesse est esse, quæ & cuidam substernantur, & cui-
 dam emineant. Ita etiam materiæ tot sint numero, id est qua-
 tuor, quot hæc ipsa sunt, necesse est: ita tamen quatuor vt vna sit
 cõmunis omniũ tum aliis de causis, tum verò si alia ex aliis orian-
 tur, cuius tamen alia sit ratio. Nihil enim obstat, quo minus in me-
 dio cõtrariorum vnum & plura, vt in coloribus, locata sint. Mul-
 tis enim modis id quod in medio locatum est, mediúmque dicitur.
 Ac in suo quicque loco eorum in quibus pondus inest & leuitas,
 pondere præditum est (terra autem in omnibus pondus habet) le-
 uitatem verò non habet, nisi iis in locis, in quibus eminet. Itaque
 cùm illa in quibus nitebantur, subtrahuntur, ad eum locum infe-
 riorem qui deinceps sequitur, mouentur, vt aër ad aquæ, aqua ad
 terræ locum. In sublime autem ad ignis regionem, sublato igne,
 aër nisi vi non feretur: quemadmodum etiam aqua trahitur, si vna
 sit extremitas, & celerius aliquis eam sursum trahat, quàm mo-
 tu deorsum cietur. nec verò aqua in aëris regionem fertur, nisi
 eo modo, qui modò expositus est. Quod in terram non cadit, pro-
 pterea quòd vna extremitas minimè fieri potest. Itaque aqua in
 vas in quo sit ignis trahitur, terra nõ attrahitur. Vt autem nec ter-
 ra in sublime, sic nec ignis deorsum fertur detractò aëre, propte-
 rea quòd in suo loco nullius est ponderis, quemadmodum nec ter-
 ra vllius leuitatis est particeps. Duo autem ita denique deorsum fe-
 runtur, si ea in quibus nituntur, auferantur, quòd id planè graue
 dicimus, quod omnibus substernitur: quod autem ad aliquid rela-
 tum graue est, in suum locum fertur, aut eorum quibus eminet, pro-
 pter materiæ similitudinem. Pares autem eis distinctiones ac dissi-
 militudines necessariò faciendas esse perspici potest. Si enim vna
 sit materia omnium, vt inane, aut plenũ, aut magnitudo, aut trian-
 gulum, vel omnia in sublime, vel deorsum omnia ferentur: altera

Verò loci mutatio non erit. Ita nihil est absolutè leue, si omnia pondere suo magis deorsum ferantur, quòd ex maioribus corporibus cōstent, aut ex pluribus, aut quia plena sunt. Atqui hoc & videmus & demonstratum est, quædam æquè deorsum ac in sublime semper, & omnem in partem ferri. Quòd si inane aut aliquid tale est, quod semper in sublime fertur, non erit quod semper deorsum feratur. Atque etiam quædã eorum quæ in medio locata sunt, maiore celeritate quàm terra, deorsum mouebuntur. In magna enim aëris vi & copia plura triangula inerunt, vel solida, vel parua. At pars aëris nulla deorsum ferri videtur. quod de re leui iudicandum est eodem modo, si quis eam materia faciat vincere. Sin autem duæ materiæ sint, quomodo quæ interiecta sunt ea facient quæ aër & aqua? Ut si quis inane & plenum esse dicat, & ignem quidem inane, ob eamque causam in sublime ferri: terrã autem plenum, itaque eam deorsum moueri: aëra verò plus ignis, & aquam plus terræ habere. Erit enim & aliqua aquæ pars quæ ignis plus quàm parua pars aëris, & aëris magna pars quæ terræ plus quàm exigua pars aquæ habebit. Ita aliquam aëris vim & copiam celerius deorsum quàm paruam aquæ partem moueri oportebit. quod nunquam videtur. Necessè est ergo quemadmodum ignem in sublime ferri, quòd hoc, id est inane. habet, alia autem non habent: sic etiam terram deorsum, quòd plenum habet, & aëra ad suum locum, atque eum superiorem quàm quòd aqua feratur, quòd hoc habet, & aquã deorsum, quòd hoc tale in se continet. Quòd si vnum quiddam sint ambo aut duo, & vtrunque eorum in vtroque insit, erit aliqua vtriusque vis & copia, qua & aqua paulum aëris quòd in sublime feratur, & aër paululum aquæ quòd deorsum moueatur, vincet atque superabit, quemadmodum sæpe diximus. Figuræ autem causæ non sunt cur quicquam omnino, aut deorsum, aut in sublime feratur, sed cur celerius aut tardius: nec cur id fiat, difficile est animaduertere. Quæritur enim hoc tempore, quamobrem ferrũ quod latum est, & plumbum in aqua innatent: & alia minora minisq; graua si rotunda sint, aut oblonga, ut acus, in profundum ferantur: & cur nõnulla propter paruitatem, ut auri arena, & alia terrena quæque puluerem imitantur, in aëre suspensa teneantur. Horum quidem omnium eam causam, quam Democritus existimat, haud

Cap. 6.

haud rectum est putare. Is enim ait ea calida corpuscula, quæ ex aqua expirentur, ea quæ lata pondus habent sustinere, quæ verò angusta sint decidere. Pauca enim esse quæ ab illis offenduntur. Atqui hoc in aëre multo etiam magis fieri oportuit, quemadmodum etiã ille ipse occurrit, sed cùm occurrit, molliter explicat. Ait enim motum eorum corporum quæ superiora capebant, non in unũ contendere. Sed quoniam eorum quæ coherent, & cõtinuata sunt, partim faciliè diuidi possunt, partim minus, & ea quæ vim secandi habent, eodem modo, alia maiorem vim, alia minorem habent, hæ causæ existimandæ sunt. Faciliè quidem secari potest id omne cuius facilis est, & expedita determinatio, atque eò facilius, quò est facilior. Aër autem magis talis est quàm aqua, & aqua quàm terra. & quod minus est in quoque genere, facilius secatur & dissipatur. Ita fit, vt quæ lata sunt laxitatísque plurimùm habent, quia multum amplectuntur, sustineãtur, quòd non faciliè id quod abundat, disrumpatur. Quæ autem contrariis figuris concluduntur, ea quia paululum comprehendunt, in fundum & deorsum feruntur, propterea quòd faciliè diuidant, & in aëre multo etiam magis, quo facilius quàm aqua rumpitur. Quoniam autem & pondus vim quandam habet, qua deorsum fertur, & nature coherentes aliam quæ obstat, quò minus rumpantur, hæc inter se conferenda sunt. Si enim vis ponderis eam quæ in continuata natura inest, superet ad rumpendum & diuidendum, deorsum celerius feretur: sin imbecillior sit, nixu alterius sustinebitur. De eo igitur quod graue est, & quod leue, ac de proprietatibus quæ in eadem cadunt, hoc modo à nobis explicatum sit.

F I N I S.

Faint, illegible text, likely bleed-through from the reverse side of the page.

F. 1. N. 1. 2.



R L L
Lz nosditz droitz
...nuoir, & contreraoie
...eurs particu